

13  
APOLOGETICVS LIBER  
ANTONII GALLONII  
CONGREGATIONIS ORATORII  
PRESBYTERI

PRO ASSERTIS IN ANNAL. ECCLES.  
DE MONACHATV S. GREGORII PAPAE

*Aduersus*

D. CONSTANTINVM BELLOTTVM  
MONACHVM CASSINATEM

Cui accedit Responsio de ijsdem ad alium  
eiusdem Ordinis monachum.

ΔΗΛΟΣ

ΝΙΚΗ.



ROMAE, Ex Typographia Vaticana,  
M D C I I I I.

---

SVPERIORVM CONCESSIONE

THE NEW YORK PUBLIC LIBRARY

ASTOR LENOX AND TILDEN FOUNDATIONS

1900

1000

1000

1000

1000


1000

1000

## C L E M E N T I

P A P A E V I I I .

A N T O N I I G A L L O N I I

*Congregationis Oratorij in Vrbe Presbyteri**gratiarum actio.*

LVRIMAS, easdemq. immortales, Beatissime Pater, tibi gratias agimus, quod veri amantissimus, nec ad momentum passus sis exultare médacium, qui oblatum tuæ Sanctitati librum, glorioso, sed mendace huiusmodi titulo decoratum,

GREGORIUS MAGNVS INSTITVTO SANCTISS. P. BENEDICTI RESTITVTVS, ita insultantem nequaquam progredi, nisi censura æqua castigatum permiseris; sed edendum tantisper vetueris, donec a nobis recognitum, si esset inuentus acceptatione dignus, exosculemur eum; sin minus, aduersarijs scriptis per Apologeticum confutaremus. Quod abs te factum summo iure, negari non potest, vt simul causam vterque suam profecuturus, accusator & reus, vna eademq. die se sisterent coram iudice, qui simul vtrumque audiens, cuius sint iura potiora, decerneret. In cuius agone certaminis, si ipsum Cardinalem Baronium, cuius interest, adesse non videt; sciat Beatitudo vestra, eum detineri grauioribus negotijs occupatum, laboriosa nimirum editione vndecimi Annalium Tomi. Sed quod magis puto verum, a certamine sese modestiæ causa subdu-

xit, ne amplissima dignitate præmiens, si descendisset  
in campum, auctoritate potius quam veritate videri pos-  
set vincere voluisse. Consulto igitur rem per nos agi ma-  
gis placuit, qui eiusdem domus, vnde ipse est progressus,  
alumni, & iisdem litterarum studijs assueti, huiusmodi  
suscepimus haud inuiti, sed summa alacritate prouinciam,  
eo quod a nostra parte stare senserimus veritatem. Quid  
tandem in his scribendis paucis hisce diebus præstiteri-  
mus, virorum eiusdem facultatis doctissimorum sit iudi-  
cium. Interim vero te ipsum, Beatissime Pater, ex Apo-  
stolico tibi diuinitus munere impertito, custodem veri-  
tatis, & vindicem imploramus, & protectorem. Vale.





# CONSTANTINO BELLOTTO

## MONACHO CONGREGATIONIS

### CASSINENSIS,

PRAEPOSITO S. MICHAELIS A THELIORE.

## ANTONIUS GALLONIUS

Presbyter Congregationis Oratorij,

Spiritum veritatis.



I cæperò ab ipso titulo, Constantine, tuum discutere librum, plane inuenio, de te dici posse, quod cecineris triumphum ante victoriam, confusus nimirum te vinci non posse, quem tot auctorum, quos ante ipsum exordium operis ostentans enumerasti, turba circumdet. Poterit apparatus iste tuus pertèrrefacere pusillo animo homines, vt olim numerosus exercitus Regis Syriæ

famulum <sup>a</sup> Elisæi, sed vnus omnes tunc valuit cæcitate percussos captiuos ducere in triumphum. Astat pro nobis (certo scias) instar Elisæi, Gregorius Magnus, qui omnes istos tuos arguat cæcitatibus, conuincat erroribus. Vnus hic nobis pro omnibus, qui omnes superet auctoritate, quod ei soli de se ipso testanti magis credere iure debeant veritatis quique cultores, quam mille alij diuersa ab eo scribentibus, qui post plura sæcula vixerint. hæc occasione gloriosi tui libri dicta sunt.

Cum vero ab opèris inscriptione descendò ad liminarem epistolam, eamdemq; nuncupatoriam, datam sanctissimo Domino nostro Papæ Clementi; statim occurrit quod sit correctione maxime dignum, dum S. Benedictum nominas omnium monachorum parentem: quia ne dicere possis, omnium, Orientales aduersantur monachi, qui alijs se parentibus ortos, Antonio, Pachomio, atque Basilio gloriantur, cuius se esse filium idem sanctissimus Benedictus in suis Regulis profitetur. Sed vt nec possis referre, quod dicis, ad omnes Occidentales monachos; repugnant ij, quos S. Ambrosius, Hilarius, Martinus, Cassianus, Honoratus, Cæsarius, & alij instituisse reperiuntur in Gallijs: vt dicere prætermittamus de monachis Hispanis & Africanis, ijs videlicet, qui ante S. Benedictum excoluere vitam monasticam: quorum ipse nullo modo dici pater possit & auctor, quorum ingens fuisse numerus reperitur. Adeo vt laciniola laudatio ista tua sit veritatis fibula constringenda, contrahendaque, & suis limitibus coarctanda; nimirum vt S. Benedictus pater dici debeat monachorum, illorum-  
dum-

dumtaxat, qui sub ipsius Regulæ instituto monasticam vitam exerceverunt. De ijs autem, qui eodem titulo vsi dicuntur, dicendum erit inferius, cum Zachariæ Papæ priuilegium, ex quo ista hauserunt, perspicua luce ostendemus esse omnino adulterinum.

Occurrit post hæc nobis præfixum abs te tuo operi argumentum. De quo antequam incipiam aliquid dicere, & reliqua proficui, atque campum ingredi disputationis amplissimæ; te ipsum monitum velim, vt cum euenierit nos de rebus S. Gregorij sententiâ discrepare, charitas tamen Christiana inter nos integra perseueret in vinculo pacis, etiam si disputationis impetu (vt assolet) alterum nostrum contingat aliquando ferri licentius trans fines illos, quos præscripsisset sibi seruandos; cum alioqui esse soleant etiam & vulnera illata ab amico proficua. Ceterum quod Apostolus stolus moneat: *¶ Noli contendere verbis; ad nihil enim est vtile, nisi ad subuersionem audientium,* haud in animo est te sic sequi per longissimos & sinuosos illos tuorum dialogorum anfractus, vt obuiantia friuola redarguam, sed cominus pede collato conferens manum, in ea, quæ noscuntur maioris esse momenti, consurgam; infringam vero ea potissimum, quibus impugnasse falso inueniris Annales Ecclesiasticos: vt sic eos omnes, in quos es illapsus errores, corrigere possis, in primis vero calumnias, atque etiam falsitates enormes, quibus tua ipsa scripta conuincuntur esse referta.

Vt autem, Lector, omnia, de quibus est controuersia, eadem singula facillime intelligere possis; hic ea verbatim, prout in Annalibus scripta sunt, reddenda putamus. Ac primum Baronius res gestas S. Gregorij ab eius præfectura Urbana sic incipit: *¶ Hoc eodẽ anno Christi DLXXXI. & Pelagij Papæ Secundi anno quarto, & Iustini Iunioris Imperatoris anno decimo-sexto, Laurentius Iunior post Frontonem creatur Episcopus Mediolanensis ecclesiæ; moxq. ad Pelagium Papam, vt in communionem Catholicam reciperetur, scripsit libellum, quem, Cautionem, Gregorius Papa appellat, qua se auersari schismaticos, & in causa Trium Capitulum Romanæ inhære Ecclesiæ profitebatur. Cui quidem libello cum complures nobiles Senatores subscripserint; etiam Gregorius, qui postea fuit Romanus Pontifex, cum hoc tempore Urbanam gereret præfecturam, suum apposuit chirographum, vt ipse testatur in epistola ad Laurentij successorem Constantium. Subscribere autem ipsi Senatores, idemq. præfectus Urbis Gregorius tamquam fideiussores Laurentij ipsius Mediolanensis Episcopi. ex quo intelligas, cur idem Gregorius ipsum Laurentij libellum fidei nominet Cautionem. Cum igitur hæc ipsius Gregorij Papæ testificatione adeo manifesta sint: vides quam longe ab historica veritate aberret Ioannes diaconus, dum in vita S. Gregorij Papæ tradit, ab eodem, qui scilicet Pelagium præcessit, Benedicto Papa ipsum Gregorium ex monacho, inuitum licet & renitentem creatum fuisse diaconum Cardinalem S. R. E. Insuper, quod antequam hoc Benedictus Papa aggrederetur, ipsum adhuc monachum Gregorium miserit in Britanniam insulam ad conuersionem gentis Anglorum, sed tumultuantibus ciuibus ab eodem reuocatum, & inter diaconos cooptatum. hæc quidem Ioannes diaconus tradit, sed quam fabu-*

*¶ Annal. rom.  
7. anno 581.*

gorij recentiore quoniam contingit interdam a Ioannis diaconi, qui vitam eius scripsit, sententia discrepare: hoc ne nimium audax alicui videri possit, cum auctor absque reprehensione hæcenus lectus fuerit: hic primum de ipsius auctoris tempore, quo scripsit, pauca agendum putamus. Cum igitur ipse in eadem scriptione meminerit Leonis IIII. Nicolai, atque Hadriani Romanorum Pontificum, inscribatq. opus illud ad Ioannem Romanum Pontificem eius nominis Octauum ordine, qui sedere cepit anno Domini octingentesimo septuagesimosecundo: iam liquet, post hæc trecentis ferme annis eos libros elaborasse,] & inferius: Sic igitur haud quisque prudens in verba auctoris dixerit esse iurandum, qui post annos (vt dixi) ferme trecentos ea de S. Gregorio scriptorum monumentis posteris commendauit: cum alioqui etiam, si eodem tempore cum S. Gregorio ille vixisset, a perspicua veritate refelli siue ipse, siue alius, minime refugere iure possit; eoq. magis, si ex ipsiusmet Gregorij scriptis auctor redarguendus erit] hæc Baronius in Annalibus.

Tu vero, Constantine, hinc sumens tuorum dialogorum exordium, totus in eo versaris, vt Ioannis diaconi auctoritatem reddas irrefragabilem, sicq. ab argumento trium tuorum colloquiorum, quod operi præfixisti, iam incipiens, totus verseris in laude ipsius Ioannis diaconi. Inde vero accerrime in eos inueheris, qui hac nostra ætate in nonnullis aliter sentiant, quam ipse scripserit, & certe quidem, etsi non expresse nomine, perstringere te tantum Cardinalem Baronium multipliciter inueniris. sed toleranda tamen ista, atque dissimulanda. Quod vero inferius de Ioanne diacono longissimam\* disputationem intexens, eo demum rem ipsam perducis, vt ipsum Ioannem (dictu mirandum, sed execrandum) quintum constituas Euangelistam; quid dicam, nisi poeticum illud:

*Speſtatum admiſſi riſum teneatis amici?*

Arguar calumniator, & calumniantium plectar pœnis, causa cadam, nisi hoc ipsum Lectori aperta luce inspiciendum, ac manibus contrectandum ostendam. Vbi enim plurima de Ioanne ipso summe exaggerans intulisti, quod Ioannis Papæ iussu scripserit vitani sancti Gregorij, eamq. ex Apostolicæ Sedis scrinio in primis acceperit, scriptamq. idem Pontifex comprobauerit: ex tali tantaq. assumptione conclusionem eam deducis, quam cum mea sententia minime esse Catholicam existimarem; qualis tamen sit illa, supremo Tribunali, cui præsidet ille qui clauum tenet & clauæ, ipse Romanæ Ecclesiæ Pontifex, relinquinus examinandam. Quænam sit ista, velim, Lector, ex verbis eius accipias, quæ in primo colloquio habet. sunt hæc ipsa b ad apicem vsque fidelissime reddita: Frustra igitur illos niteris refellere, cum eos probauerit Ecclesia. Aut ergo Ioannem ipsum cum scrinio Apostolico, & Scriptoribus illis, quos auctores habuit operis sui, immo Ecclesiam Romanam, quæ eius scripta (vt audisti) approbavit, & publicari præcepit, & ecclesijs legenda tradidit, recipies: aut certiores auctores ipsa Ecclesia proferes. Quod cum

faccere

\* Pag. 29. vsq.  
3ue 47.

Orat. art.  
poet.

b Pag. 37.  
vers. 15.

facere non poteris (haud enim fieri potest) velis, nolis, cogeris Ioannis auctoritatem, quin potius ipsius Ecclesiae Romanae illis tuis recentissimis Scriptoris praferre.]

His quidem id tu niteris, Constantine, vt asstruere velis, quod omnino liber, quem Ecclesia Romana probauit, & legendum concessit, eundem ipsum quilibet, velit, nolit (vt ais) in omnibus recipere teneatur, vt in nullo ab ipso debeat discrepare. Sed hoc tantum esse priuilegium sacrorum librorum, quos Ecclesia canonicos comprobauit, quis nescit? Ad eandem vero regulam, omnes ab Ecclesia probatos libros aptare velite, quantum piaculum? Indulgendum tibi forte hic error esset, quod calore disputationis (vt assolent) impetuq; concitatus, nesciens terminos sisti transgressus; nisi hac eadem tu ipse, per eandem lineam deducens ferram, saepe & fortius repetisses, atque constanter affirmasses. nam & haec tu ipse inferius: Cum Ecclesia Romana, quae semper fuit magistra veritatis tradenda & tenenda, comprobauerit, & sua auctoritate publicauerit scripta Ioannis, & ideo vera esse credantur; non quia indubitanter credendum esse Ioanni existimemus; sed quia certo tenemus ea, quae approbauit Ecclesia esse vera.] & paulo post: Quare cum Ecclesia probauerit, quae Ioannes memoriae tradidit de tanto viro; iam non licet aliter sentire, quam ipsa sentit.] & rursum: Nos enim consueuimus eam amplecti veritatem, quam praedicat & profitetur ipsa Romana Ecclesia, utpote ore ysaie electissimis laudatam, perpetua Pontificum successione firmatam, sanguine tot sanctorum Martyrum consignatam, doctissimorum virorum vniuersi orbis scriptis celebratam, & vsque ad haec nostra tempora protensam & seruata. Hanc itaque tenemus, & pro hac vitam nullies in die, si fieri posset, & necessitas exigeret, profundere parati sumus. cum certo sciamus extra hanc salutem non dari. Licet igitur Angelus de caelo aliter nobis euangelizaret, quam ipsa his ferme nulle annis de Gregorio nos docuit: nequaquam tamen ab eo, quod ipsa approbauit, recedendum esse ducimus: Neque enim est alia domus, in qua liceat agnum comedere, quam haec ipsa Ecclesia Romana.]

Audisti, Lector, quo altitudinis & eminentiae prouexerit iste Ioannis diaconi scripta de sancto Gregorio Papa: vt eius sententia ab illis recedere nefas sit, etiam si Angelus de caelo aliter annuntiauerit: ac si fidei decreta essent cuncta quae ille scripsit, quae non liceat cuiquam non credere, non tenere; vt iam eius sententia, nouum Euangelium secundum Ioannem diaconum appareat ab Ecclesia receptum. Quis ista crederet à viro Catholico asseri potuisse, nisi ipsa eius verba scriptis consignata docerent? sed adhuc, Lector, audi, quam fixus persistat, figatq; pedes in ista sententia. subiicit inferius haec: Ecclesia comprobauit quod conscripsit Ioannes: & certe credi debet, non quia illud scribit Ioannes, sed quia id comprobauit Ecclesia. At videri nolle credere, quod fide dignum decreuit Ecclesia, immo contrarium asserere, quid illud sit, me tacente, pii auditores intelligunt.] Perspicias ne, Lector, quid sentiat Constantinus nempe non recte credere quod credit Ecclesia, qui non credit, quod scribit

Ioannis

a pag. 39.  
vers. 27. C.  
ult. pag. 40.

b pag. 44.  
vers. 13.



consequentiam demonstrare quidem voluerit hæreticum esse ob eam  
causam, quod non receperit omnia, quæ a Ioanne scripta sunt in vita Gre-  
gorij, quam dicit ab Ecclesia comprobata. Quid ad ista Baronius? dices.  
Risit, hominis inscitiam admiratus, qui in ipso disputationis ingressu sic  
grauiter lapsus sit. Vt ex his, qualia esse possent, quæ ab ipso subduntur  
toto ipso suorum dialogorum cursu, haud falsus coniector extiterit.

Sed adhuc tu, Lector, audi, quæ paulo inferius, persistens in sententia, dicat;  
nempe esse impiū recedere ab eiusdē Ioannis sententia, in his quæ de S. Gre-  
gorio scripsit. ait enim de Ioanne & alijs, qui sunt eum secuti: *a pag. 45. vers. 5.* Tantorū  
vero virorum sententiam damnasce, immo Ecclesiæ, quam impium vide-  
ri possit, nemo nisi qui sensu caret, ignorat. *b pag. 48. vers. 28.* & inferius persistens solidius  
in stultitia huius erroris, subiicit ista verba: *b* Si non admittis quæ scilicet  
Ioannes diaconus scripsit: liquido constat, te non probare quæ compro-  
bavit Ecclesia: & sic certi sumus, quo pede claudices, cum te adeo obfir-  
matum in tua suspitione ostendas, ut ea te liberari penitus nolle videaris.  
Quo fit, ut nec Ecclesiæ credere te velle innuas, quam tamen tanti facere  
existimaris. *c* En tu ipse vides, Lector, quam non Baronio probe noto, sed si-  
bi potius irroget ignominiam monachus iste, curandus helleboro, seu potius  
virga vel alapa *c* Benedicti, & qualē inuret notā Congregationi Cassinen-  
si, quæ credatur doctorem elegisse monachum ad refellendas Baronij de *c Greg dial. lib 2. c. 16. &*  
S. Gregorij monachatu sententiam. Sicine, venerandi patres, librum haud *30.*  
diligentius cognitum, in omnium vestrum dedecus prodire iussistis?

At docendus tu, Constantine (ad te in primis scribimus ista) cecidisti in-  
quam fuisses, qua distinctione ipsa dicatur sancta Romana Ecclesia proba-  
re libros. Non enim (ut putas) omnes, quos Ecclesia probat libros, eos fir-  
missimæ esse vult auctoritatis, ut sunt Hagiographa, ipsa videlicet sacra  
Scriptura, quæ ex libris constat, quos Canonicos appellamus; quorum  
dumtaxat illud est priuilegium, ut salua Fide Catholica, nihil ex ijs, quæ  
ibi sunt scripta, in dubitationem liceat reuocare; ceterorum autem re-  
ceptorum ab Ecclesia librorum secus, etiam si ipsorum sint præcipuorum  
Ecclesiæ magistrorum, quos præ dignitate nominamus Doctores Eccle-  
siæ, ut Augustini, Hieronymi, Ambrosij, atque Gregorij, nam audi quod  
de se ipso S. Augustinus *d* scribat in prologo tertij libri de Trinitate: Noli  
meis litteris, quasi Canonicis Scripturis, inferuire; sed in illis & quod non  
credebas, cum inueneris, incunctanter crede. In nostris autem quod cer-  
tum non habeas, nisi certum intellexeris: noli firmum tenere. *d c 3. dist. 9.* & ad S. Hie-  
ronymum epistola: *e* Ego solis eis Scriptorum, qui iam Canonici appel-  
lantur, didici hunc timorem honoremq. deferre, ut nullum eorum scri-  
bendo errasse audeam credere; alios autem ita lego, ut quantalibet san-  
ctitate & doctrina polleant; non ideo verū putem, quia ipsi ita senserūt, se-  
quia mihi per alios auctores, vel canonicas, vel probabiles rationes, quod  
a vero non abhorreant, persuadere potuerunt. *e c. 5. dist. ead.* ] eadem quoque habet in

a c. 9. diff. 9.  
b c. 10. diff.  
ead.

epistola <sup>a</sup> ad Vincentium quadragesimaoctaua. Sed & ad Fortunatianum  
epistola centesima vnde in istis verbis : <sup>b</sup> Neque quorumlibet disputaciones, quamuis Catholicorum, & laudatorum hominum, veluti scripturas canonicas habere debemus; vt nobis non liceat, salua honorificentia, quæ illis debetur hominibus, aliquid in eorum scriptis improbare, atque respuere, si forte inuenerimus, quod aliter senserint, quam veritas habet.] hæc Augustinus, quæ omnia Gratianus intulit in Decretorum librum. Disce igitur Constantine, quibus scriptis eiusmodi prærogatiua debeatur, nempe tantum Canonicis, vt nihil ex eis debeat in controuersiam reuocari. de reliquis minime; vt caueas, ne rursum in eiusmodi monstruosos errores impingas; sed scias sic probari ab Ecclesia Romana cuiuscumque scripta ab ipsa recognita, vt nihil in eis contra Fidem Catholicam, vel bonos mores conscriptum habeatur: ceterum si quid minus verum insit in eis, cuiuscumque volenti redarguere liberum esse finit. sicut tibi disputare aduersus Baronij Eccles. Annales non negatur, quos ab eadē probatos liquet Ecclesia, vt apparet ex diplomatibus Pontificijs de his datis: quod tu non poteris ostendere factum in eiusdem Ioannis diaconi libris. vt intelligas, quæ etiam ex hac parte potior sit conditio eorundem Annalium, quam Ioannis diaconi scriptorū. Adeo vt si verum esset, quod dicis, probata semel ab Ecclesia non licere amplius, vera ne sint, in dubitationem reuocare, & aduersus ea sentire: grauius tu peccasses aduersus posita in Annalibus scribēs, quam ipse aduersus Ioannem diaconum. At non hoc sibi Baronius vendicat priuilegium, qui lucubrationes suas omnibus qui contradicere velint, libenter exponit, vt veritas controuersia magis eluceat.

Ceterum si Baronius scriptis ipsius Gregorij Papæ magis detulit quam Ioanni diacono, quid peccauit? quis adeo amens, qui non asserat Gregorij Papæ magis, de rebus præsertim suis, quam Ioanni, vel mille similibus esse credendum? Quæ iniuria irrogatur Ioanni diacono, si ipsi Gregorius præferatur? Honori habenda eius scripta quis neget? sed numquā profecto, vt in matriculam transeant scriptorum Canonicorum, vt nihil ex eis possit in dubitationem reuocari, & erroris argui. At nonne satis donatum Ioanni ab ipso Baronio, dum non vocatur in suspicionem fraudis, quod prætermisso Abbate illo Valentio iam tertium ab ipso S. Gregorio suo Abbate nominato, supponit loco ipsius quemdam confictum Hilarionem: cum sciret per Abbatem illum a Gregorio ita sæpe nominatum, ipsum a Benedictinis omnino sciungi, sicq. ex eo frustrari penitus quod conaretur asserere, S. Gregorium fuisse S. Benedicti Regulæ professorem?

Tu vero in his quæ inferis, quotupliciter peccaueris, vt te corrigas, ostendamus. Quod enim dicis, <sup>c</sup> ex Ioanne acceptas esse lectiones, easq. in Breuiarium Romanum illatas: inde scilicet arguis, non licere amplius Ioannis eiusdem scripta in controuersiam reuocare. At neque Breuiarium ipsum, præter lectiones ex scripturis Canonicis excerptas Romana Ecclesia recitandum ita tradit, vt omnia quæ in eo sunt, velit locum obtinere scripturarum Canonicarum. Nam si ita esset, cur correctioni exposuit illud Pius Papa Quintus, cum fuerunt loca nonnulla correctæ? cur nuperrime sub  
Clemen-

c pag. 32.  
vers. 20. 42.  
vers. 18.

rint aptum esse mendacium. Quod igitur sæpe corrigitur, mutatur, augetur, & minuitur, procul abest (quod tu putas) ut debeat inter Hagiographa numerari, & eodem cum illis privilegio frui.

Sed & in eo corrigendus es, dum asseris, non licere a Ioanne cōscriptas res gestas S. Gregorij reuocare in controuersia, eo quod ipse testetur accepisse se illas ex <sup>a</sup> Scrinio in primis Romanæ Ecclesiæ, & aliunde ex Scriptoribus <sup>a pag. 86. vers. 16.</sup> veteribus, ut ipse testatur. Etenim responderi potest, ea quæ deducuntur in controuersia, non esse ex illis, quæ collegit ex Scrinio, sed quæ aliunde quaesuit, quod & firmiter quoque possemus asseuerare. Nam quæ de S. Gregorio accepit ex Scrinio, quis non intelligat fuisse ex epistolis eiusdem sancti Pontificis, ex quibus idem Ioannes optimam partem eius vitæ contexit? Nam & hoc ipse testatur Ioannes in fine præfationis, dum ait: Si cui autem aliter visum fuerit, ut assolet, ad plenitudinem Scrinii vestri recurrens, tot chartaceos libros epistolarum eiusdem patris, quot annos probatur vixisse, reuoluat. Jsc igitur, tunc in eo verum sit quod subijcis: <sup>b pag. 41. vers. 19.</sup> In quo scilicet Scrinio utique non seruantur nisi ea, quæ ipsam Apostolicam Sedem approbasse constare potest, & quæ in Acta publica redacta, & fide minime dubia per ministros legitimos ipsius Ecclesiæ confirmata, quæ ad eruditionem certam futurorum seruata in Tabulario eiusdem Ecclesiæ summa fide, & diligentia custodiuntur. Jsed quod paulo post in fine paginae vniuersæ ita pronuntias: Cum ergo Ecclesia approbet, quæ in suo seruantur Scrinio, & ex eo hauserit Ioannes, quæ de beato Gregorio cōscripsit: luce clarius est, ea quæ scripsit, Ecclesiam comprobasse, saltem quoad fidem historiarum spectat. J hæc tu Constantine, cum dicis, propemodum facis, ut tui causæ erubescamus, cum etiam ipsum totum Scrinium Apostolicum velis efficere Hagiographum, ut nihil ex ijs, quæ in eo reperiuntur, erroris argui posse contendas. At ubi tot surreptiones, quas nolens & inuita Sedes Apostolica iugiter pati solet? solius Dei est, qui cor intuetur, his posse cære, & in omnibus rebus, quæ deferuntur ad tribunal Ecclesiæ, cognoscere & discernere falsum à vero; homines autem, & ipsum etiam Papam in his quæ sunt facti, falli posse & decipi, quis nesciat? Et ne aliunde quam ab ipso Gregorio <sup>c Greg. dial. lib. 1. cap. 4. in fin.</sup> de his testimonium petamus: audi quid de Romanis Pontificibus subreptionibus expositis dicat: Miraris Petre, quia fallimur, qui homines sumus? J & paulo post: Quid ergo mirum, si ore mentientium aliquando in aliud ducimur, qui Prophetæ non sumus? Multum vero est, quod vniuersiusque Præfulis mentem curarum densitas vastat; cumque animus diuiditur, fit minor ad singula; tantoque ei in vna qualibet re surripitur, quanto latius multis occupatur. J hæc Gregorius de Romanis Pontificibus potissimum loquens. Quod vero ad Scrinium pertinet, ut locum hunc paucis concludam, minime obscurum est, per Scrinium, sumendo partem pro toto, intelligere voluisse Ioannem diaconum ipsam Bibliothecam Apostolicam, in qua (ut



ex ipso audisti (assererentur inter alia, tot volumina epistolarum S. Gregorii, quot annis vixit in Pontificatu. Dicere autem, quod numquam auditum fuit, omnia, quæ in Bibliotheca Apostolica sunt recondita monumenta scripturarum, ipsa esse Hagiographa, vt nihil ex his in controuersiam duci possit, inauditæ clementiæ est. sed iam reliqua prosequamur.

Quod autem Baronius in Annalibus, eodem anno DLXXXI. asserat eiusdem S. Gregorij auctoritate, monachatum ipsius ante illum annum minime contingere potuisse, cum eo ipso anno, eius testificatione appareat, Urbanam illum præfecturam gessisse; tu Constantine, summo conatu hæc impugnare laborans, quid non facis? Ipso igitur Dialogorum tuorum, ingressu de tempore monachatus S. Gregorij aggrediens pertractare, quoto scilicet anno Redemptoris acciderit, longissimam disputationem texuisti, ac demum totus anceps, dubiusq. sententiæ, prætermisissis antiquioribus, Vrspergensem Abbatem, qui post quingentos & amplius annos a S. Gregorio vixit, es secutus, a dicentem, S. Gregorium anno salutis quingentesimo quinquagesimo octauo monachum Romæ claruisse. Exaduerso autem pugnantem Baronij sententiam vt conuelleres, mare & aridam circuisti, qui ex tempore Vrbanae præfecturæ Gregorij, (qua durante, certum est eum monachum non fuisse) colligit, ipsum non ante dictum annum Domini quingentesimum octogesimum primum potuisse monachum esse, quo anno ipse probaretur eandem præfecturam gessisse. Tu vero dum ipsum redarguere conatus es, primum quidem intulisti calumniam, dum istud non nisi Anonymorum auctoritate assertum dicis. Verum quod non Anonymos (vt calumniaris,) sed certos & nominatos auctores ab eo esse citatos in Annalibus, vbi de his agit, inuenerimus, certe quidem tu ipse mendax argueris. quamobrem ad redarguendam calumniam, hic Baronij verba recitanda putamus, quæ sic se habet posita in Annalibus, dicto anno quingentesimo octogesimo primo: Cum igitur cõstet de anno quo Laurentius defunctus est, appareatq. eum sedisse annos duodecim, sedereq. cepisse, anno Domini quingentesimo octogesimo primo (vt omnes, qui res ecclesiæ Mediolanensis a prosecuti sunt, & ex eiusdem ecclesiæ monumentis seriem Episcoporum texuerunt, affirmant) nihil est, vt dici possit, a Benedicto Papa Gregorium creatum esse diaconum Cardinalem, siue monasticam vitam excoluisse, cum hoc ipso Laurentij tempore, adhuc laicum præfecturam Urbanam administrasse pateat. Porro quod hoc eodem anno initium Episcopatus Laurentij contigerit, cum Gregorius Præfectus Vrbis vna cum alijs nobilissimis viris subscripsit Laurentij de communione cum Romana Ecclesia Cautioni: colligi satis potest ex veteri instituto, quod esset in more, vt simul ac quis creatus esset Episcopus, fidei professionem mitteret ad Apostolicam Sedem, prout ab eius successore Constantino in sua electione factum apparet ex eadem epistola ad eum data, cum eundem tradidit scripsisse similem Cautionem de eorum capitulorum damnatione, cuius causa tres Episcopi ab eius se communione diuiserant. At vero ante Laurentium Fronto, & ante Frontonem Honoratus (sic legendum loco Honorij) rexit Mediolanensem ecclesiam, qui & eo tempore

fuisse

a pag. 28.  
vers. 6.

b pag. 23.  
vers. 7. &  
pag. 30. vers.  
17 & alijs locis.

c Annal. tom.  
7. ann. 581.

d Pannin. &  
Gales. in se-  
rie epist. Me-  
diolan.

e Greg. lib. 3.  
epist. 1.

fuisse reperitur, teste <sup>a</sup> Paulo diacono, cum Alboinus inuasit Italiam, Indictione tertia, anno Domini quingentesimo septuagesimo, vt apparet, ipsum cum successore Frontone vsque ad Laurentium implese decennium. ] hæc in Annalibus. In quibus dum de Laurentij creationis tempore, quoto Christi anno cæpit sedere, ab eo auctores nominatim non ponuntur in-textu; hinc tua accusatio calumniosa prodijt, quod Baronius Anonymis idipsum probare conatus sit. Verum quos non nominauit in textu, nonne in margine constat posuisse eorum nomina, quos citauit? Quomodo ergo tu dicis, eum non nisi Anonymos ad sua probanda citasse? sed si non vidisti, arguendus tu ipse es cæcitat, qui ob oculos posita minime videris. Quin etiam in textu positam in fine certi auctoris, nempe Pauli diaconi, auctoritatem non legisse videris, dum eam de Anonymis calumniam ingeris. siccine bona fide res agitur? Ita quidem vehemens contradicendi libido, vbi semel animum alicuius inuasit, veluti fascino quodam, mentis atque etiam oculorum lumine hominem priuat. His confutatis, videamus, an reliqua ibi posita firmiter solideq. subsistât. Quæ vt accipias, ipsius vim repetam argumenti, quo Baronius monachatum S. Gregorij non ante annum Domini quingentesimum octogesimumprimum posuit:

Cum, inquit, ille monachus esse non potuerit, nisi post absolutum præfecturæ munus; huius autem functione adhuc reperiretur, ipso <sup>b</sup> testante, constrictus eo tempore, quo Laurentius Iunior est creatus Mediolanensis Episcopus, quod contigisse ponitur dicto anno octogesimoprimum post quingentesimum: necessario inferitur, vt ante tempus illud Gregorius esse monachus non potuerit. Quod autem eo anno & non ante, Laurentius creatus fuerit Mediolanensis Episcopus, citati sunt ab eo auctores, qui res Mediolanensis ecclesiæ exploratas habuere, Panuinus & Gallestinus; quibus magnopere fauere reperiatur antiquitate & auctoritate ceteris præferendus Paulus diaconus, qui cum ante annos decem ponat præfuisse ecclesiæ Mediolanensi Honoratum Episcopum, post quem ex recepta, etiam abs te sententia Fronto successor eius decem annis sedisse dicatur: plane nullus datur locus, vt Laurentius ante dictum tempus sedisse potuerit. hæc eum ita sint tanti auctoris testificatione firmata, nempe vt anno vndesextuagesimo post quingentesimum ante Laurentium & Frontonem sederit Honoratus Mediolanensis Episcopus: quomodo tu cum Vrspergeni asserere potuisti, iam anno Redemptoris quingentesimo, quinquagesimooctauo monachū claruisse Gregoriū, qui de se ipso testetur, tempore adhuc sedis Laurentij, Vrbana[m] gessisse præfecturam? Tu vero quod ea auctoritate Pauli diaconi nimis te perstringi sentires; in tota illa tua longissima disputatione, eius tanquam si non esset, nullam penitus mentionem habui-

<sup>a</sup> Paul. diacon.  
lib. 2. cap. 15.

<sup>b</sup> Greg. lib. 3.  
epist. 8.

tum annum Domini significari quingentesimum vnde septuagesimum, dubitari non possit, cum ante biennium, nempe Indictione prima, eiusdem Alboini in Italiam recensetur ingressus: perfringeris utique eadem Pauli auctoritate, ut ante sexagesimum nonum post quingentesimum Domini annum ponere nullo modo possis S. Gregorij monachatum. Rursus vero vrgeris S. Gregorij auctoritate, ut non ante dictum Laurentij Episcopatum potuerit esse monachus, qui ipso adhuc eius ingressu reperiretur fuisse Praefectus Urbis. Sic tu inclusus duplici muro, velut ergastulo coarctaris, altero Pauli diaconi, quo prohiberis referre monachatum S. Gregorij ante annum Domini quingentesimum vnde septuagesimum; altero S. Gregorij ex praescripto tempore praefecturae, ut neque ante illud tempus dicere possis S. Gregorium fuisse monachum: sicq. nullo modo monachatum latioribus valeas terminis definire. Cum igitur (ut dictum est) auctoritate Pauli diaconi liqueat, dicto anno Domini vnde septuagesimo post quingentesimum fuisse Mediolanensem Episcopum Honoratum, cumq. & successorem ipsius Frontonem explese decennium in ea functione: iure Laurentius sedisse ponitur ab iisdem citatis auctoribus, dicto anno octogesimoprimo post quingentesimum, quo (ut dictum est) assertione Gregorij ipsius Urbana contigit praefectura.

Eiusmodi igitur ex S. Gregorij Papae, atque Pauli diaconi auctoritate, cognito certo termino temporis praefecturae S. Gregorij dicti anni octogesimi primi post quingentesimum, ante quod tempus esse monachum minime potuisset: quando post haec ipsum fieri monachum contigerit, Baronius certi nihil affirmat, nisi quod octogesimotertio post quingentesimum anno ab eo ponitur eiusdem Gregorij diaconatus a Pelagio Papa collatus, cum abductum a monasterio cum misit Constantinopolim. Aduersus autem ista cum tu multum obstrepens multa congeras, nihil praeterea facis, nisi ut in cachinnum soluas ora legentium. mentiar, nisi tu ipse sentiens ista (si sapias) pro conscientia esse vera profiteri cogaris. De his acturi, ea primum tibi ob oculos ponimus, quae calumniose nimis a Baronio asserta affirmas, quae ipsum vniquam dixisse, nullo pacto poteris reperire. Quae sint autem ista, ex tuis ipsius verbis sic reddimus, quibus haec dicens frequenter repetere consueuisti de Baronio: Apertissimis, ais, verbis significasti, octogesimoprimo anno supra quingentesimum praefecturam Urbanam egisse. Sequenti anno monasteria sex in Sicilia, & septimum in Vrbe Roma aedificasse, & octogesimotertio supra quingentesimum monachum effectum. ] haec tu de Baronio, quem in tuis dialogis sub Bernardi persona sugillas; quae nec abs te semel dicta, sed vndecies repetita, & vehementius inculcata, in margine notata posuimus, ut ea Lector facile consulere possit. Sed ubi locorum, rogo te, Baronius ita (ut tu dicis) definit tam certa diuersarum actionum tempora? ubi locorum asserit, sequenti anno, nempe octogesimofecundo a S. Gregorio fuisse monasteria erecta, & octogesimotertio effectum monachum? certe quidē ita exacte, ut tu ponis, ab eo fuisse distincta tempora & definita, nequaquam inuenies; neque ab eo constitui certum annum, quo S. Gregorius factus sit monachus;

a pag. 47.

9. 14.

48. 9. 1.

79. 9. 5.

81. 9. 15.

83. 9. 17.

90. 9. 20.

91. 9. 32.

157. 9. 29.

158. 9. 14.

160. 9. 28.

193. 9. 14.

monachus; sed tantum certum firmari annum, ante quem nullo modo potuerit esse monachus. sed ista omnia tua abs te aguntur interpretatione; in qua tu ipse quantum fallaris, intelliges. Ceterum quod ad monasterium pertinet erectionem, illa ab eo excitata fuisse, cum adhuc laicus esset, ex ipso Gregorio Papa cogniturus est Lector: quod & Gregorius<sup>a</sup> Turonensis eius æqualis, qui Romam veniens eiusdem Gregorij tempore, quæ ipsius essent, potuit optime didicisse, affirmare videtur.

<sup>a</sup> Greg. Turon. lib. 10. cap. 1.

Cum vero certum annum monachatus S. Gregorij nequaquam Baronius (vt tu calumniaris) voluerit definire: tu tamen ex perperam facta interpretatione verborum eius, ita deducere velle videris. Cum enim certum dumtaxat annum præscribat eius in Cardinalem diaconum assumptionis, & legationis Constantinopolitanæ, qua functus est, nempe annum quingentesimum octogesium tertium, ibiq. dicat, statim Gregorium ipsum a Pelagio Papa e monasterio euulsum, ordinatumq. diaconum, atque missum Constantinopolim: hoc, quod dixit, *statim euulsum*, tu male interpretaris, significare voluisse, eodem die, hora, vel momento, quo factus est monachus, inde per Pelagium Papam abductum fuisse. Sed sic ab eo dictum esse, *statim*, quod diutius ibi ipsi morari non licuerit, ipse idem Baronius superius demonstrauit: vt non alius quispiam quam ipse suorum verborum sit audiendus interpret, qui anno Domini quingentesimo octogesimo primo eius Vrbani tractans præfecturam, & de ipsdem agens hæc ait de ipso S. Gregorio: Qui igitur haud diu permissus est degere in monasterio, sed inde euulsus in diaconum est assumptus. ] plane declarans, quod tunc dixit, *statim*, id voluisse significare quod dixerat, haud diu ipsi concessum in monasterio commorari. & inferius vbi dixit, *statim* post tres versus, quid per illam vocem voluerit intellexisse, sic ipse declarat: Cum igitur Gregorius monasterium ingressus esset, ne ibi diu permaneret, oborta occasio fecit. ] Ecce tibi, ipse est interpretatus quod dixerat, *statim*, nempe significare voluisse, non diu. Sed & quod dixerit, *statim*, haud existimes, oscitanter prolapsum verbum illud ab eius ore; sed scite admodum atque prudenter ea voluisse voce vti, petita non aliunde, quam ex eiusdem ipsius S. Gregorij verbis, quibus hæc in primis de sero nimis suo ingressu in monasterium habet in præfatione in libros Moraliū ad Leandrum, quæ idem Baronius<sup>b</sup> ibi recitat, tu vero non vidisse, simulans, ad ea nihil respondes. sic enim ipsum Leandrum alloquitur:

<sup>b</sup> Annal. 10. 7. 27. 581.

Omne tuis auribus, quod mihi de me displicebat, exposui. Quoniam diu, longeq. conuersionis gratiam distuli. Et postquam celestium desiderio afflatus, sæcularem habitum contemnere, melius putavi. Aperiebatur mihi tunc de æternitatis amore quod quærerem, sed inolita me consuetudo deuinxerat, non exteriorem cultum mutarem. Cumq. adhuc me cogere animus præfenti mundo quasi specierenus deseruire: cœperunt multa

ipse Gregorius, de dilata diu, longeq. (vt ait) sua conuersione, & in sæculo diuturna, licet cum pietate, conuersatione, sed tamen ad monasticum sumendum habitum cunctatione. quæ adamussim probe conuenire omnibus de præfinito tempore præfecturæ illius intelligis.

Rursum vero, quomodo, ubi est ingressus monasterium, illic diu manere ei non licuerit, sed per Pontificem ipsum abstractus sit: accipe consentientia mirum in modum omnibus, quæ dicta sunt à Baronio in Annalibus; quæ tu, Constantine, cum sæpe fugilles, sæpe etiam cum derisione atque contemptu repetens illa verba, *statim euulsim*, scias te fugillare & carpere ipsum S. Gregorium, à quo accepit illa Baronius. Audi tu, inquam, quæ in eadem ad Leandrum præfatione his quæ sunt dicta, ita mox subiicit: Quia enim plerumque nauim incaute religatam etiam de sinu tutillimo litoris vnda excutit, cum tempestas crescit: repente me sub prætextu ecclesiastici ordinis, in causarum sæcularium pelago reperi, & quietem monasterii, quam habendo non fortiter tenui, quam stricte tenenda fuerat, perdendò cognoui. Nam cum mihi ad percipiendum sacri altaris ministerium obedientiæ virtus opponit: hoc sub Ecclesiæ colore susceptum est, quod si inulte liceat, iterum fugiendo defleatur &c.] hæc de se Gregorius, querens se post ingressum monasterium, inde iussione Romani Pontificis repente (vt ait) fuisse subductum. porro, *statim*, & *repente*, idem significare, tu ipse (vt inferius dicendum est) es interpretatus. Sic igitur nihil penitus est, quod quisquam iure redarguere valeat, si quod S. Gregorius, *repente*, dixit, Baronius, *statim*, dixerit; non quod eodem momento (vt tu male interpretaris) inde euocatū dicere voluerit, sed vt ipse declarauit, quod ibi manere non diu licuisset. Quantū vero tēporis in monasterio manserit, sicut affirmari non potest, ita non ante octogesimū primum post quingentesimum annum fuisse monachum, dici debet. Cum alioqui ex ijs quæ eodem auctore Gregorio Baronius assert, constat ipsum arreptum semel monasticum institutum nunquam deseruisse. Primū quidem quod ab Vrbe recedens, monachos plures, quibuscum viueret, Constantinopolim secum duxit; ac deinde quod reuersus Romam, in suum monasterium redijt. Hæc, inquam, omnia eiusdem Gregorij testificatione ipse confirmat, vt de his suboriri dubitatio nulla possit. Cohibe te igitur, Constantine, neque calumnieris Baronium (quod sæpe facis) dixisse quæ non dixit, conuictus tu ipse in his calumniator & mendax.

His igitur de tardo ingressu Gregorij in monasterium, & repentina enocatione ex eodem per Romanum Pontificem facta, ipse S. Gregorij auctoritate firmatis: reliquū modo est, vt quæ abs te sunt adducta ex eodē Gregorio de longa in eodem monasterio perseverantia, adducamus in medium. sunt ista<sup>b</sup>: Ipsum igitur (inquis S. Gregorium) & iudicem & patronum causæ suæ constituere decreui; vt vel doctrina & fide sua, aut etiam sanctitate illectus te dedas. certus enim sum, si ad eum confugiam, fidissimum me habiturum patronum, qui non permittet me causa cadere. Qui dum adhuc in humanis esset, hanc quæstionem, quasi diuinam futuram, plurimis locis dialogorum suorum diremisit visus est. sic enim cum

a pag. 50. v. 9.

52. v. 18.

53. v. 30.

55. v. 15.

50. v. 16. &

alij in locis.

b pag. 48. v.

35.



suo Petro loquens, ait: Redemptum Ferentinæ ciuitatis Episcopum, vitæ  
 venerabilis virum, qui ante hos fere annos septem ex hoc mundo mi-  
 grauit, tua dilectio cognitum habuit. Hic, sicut nosti, mihi adhuc in  
 monasterio prope posito valde familiariter iungebatur. hæc <sup>a</sup> Grego- <sup>a Dial. lib. 3.  
c. vi.</sup>  
 rius. Quibus puto (subdis) satis aperte constare, & quo tempore fuerit  
 in monasterio, & diu etiam in eo permansisse, cum Redemptus ille (vt  
 scribit Marianus Scotus) claruerit anno Domini quingentesimo septua-  
 gesimoquarto, & eo tempore floruerit familiaritate beati Gregorij. ]  
 hæc tu ipse. Qui certe ex S. Gregorio id non probas, sed tantum ex Ma-  
 riano Scoto, qui post annos ferme quingentos post S. Gregorium vixit,  
 quem omnino errasse, quæ sunt dicta superius de tempore præfecturæ  
 Vrbanae S. Gregorij, satis ostendunt. Ex dictis autem Gregorij sic infe-  
 rius infer: <sup>b</sup> Apertissime, inquis, docet illis verbis, & diu se in mona- <sup>b Pag. 49.  
V. penult.</sup>  
 sterio positum, eius familiaritate vsum fuisse, & ante in monasterio exti-  
 tisse. ] hæc illatio tua. Sed, quid probat? ante septennium notum fuisse  
 in monasterio suo Gregorio Redemptum. Porro si computes a tempo-  
 re, quo sunt scripti dialogi, in quibus ista ipse scribebat anno quarto sui  
 Pontificatus, plane longe plures annos, quam septem, ex quo Gregorius  
 monachus esse cæpit, inuenies: cum etiam a tempore, quo est reuersus  
 Constantinopoli ad suum monasterium, cui vsque ad electionem suam in  
 Romanum Pontificem præfuit Abbas (sui is annus eius reuersionis octo-  
 gesimus sextus post quingentesimum) plusquam septē anni numerentur.  
 Scias enim, ipsum, vbi Romam redijt, mox ad suū monasterium esse re-  
 uersum, eidemq. summa præfectura præfuisse, nempe Abbatis, prout ipse  
 Gregorius satis aperte docet, dum narrat historiā de monacho proprie-  
 tario, in quem vt Abbas, censurā illam exercuit, vt sepeliretur in sterqui-  
 lino. ait enim sic incipiens: <sup>c</sup> Neque hoc silendum puto, quod actum in <sup>c Greg. dial.  
lib. 4. c. 55.</sup>  
 meo monasterio ante triennium reminiscor. Quidā namque monachus,  
 Iustus nomine, medicinali arte fuerat imbutus, qui mihi in eodem mona-  
 sterio constituto sedulo obsequio, & in assiduis ægritudinibus meis excu-  
 bare cōsueuerat &c. ] subdit enim de pœna, quam vt Abbas irrogauit in  
 eum. Sed quod ad Redemptū pertinet, quid, inquam, prohibet eum notū  
 Gregorio in monasterio, etiam antequam Constantinopolim pergeret?  
 Nam non ita statim inde euulsum accipiendū, vt secundum ea, quæ dicta  
 sunt, non potuerit aliquo licet breui temporis spatio ibi degisse. Sed non  
 est necesse illud septennium reuocare ad tempus illud, antequam profes-  
 sus esset Constantinopolim, cum inueniatur impleri posse post reditum.  
 Id ipsum respondemus ad id quod subdit de Iuliano, de quo Gre-  
 gorius ait, <sup>d</sup> quod eodem modo ante septem annos defunctus consue- <sup>d Greg. dial.  
lib. 4. c. 38.</sup>  
 nerat venire ad monasterium, vbi constitutus erat ipse Gregorius. Idem,  
 inquam, respondendum, eo quod idem sit casus de his, quæ spe-

fic accipienda omnino sunt, ne eidem ipsi Gregorio aduersentur, sed potius quomodo possunt (possunt quidem recte) iisdem accommodentur.

a pag. 53. v.  
5.

Affer<sup>a</sup> alia testimonia ex eisdem dialogis S. Gregorij petita, in quibus de tempore etiam decennali ante eorumdem dialogorum scriptiorem mentio habetur, vt illud de Gerontio verbis istis: In monasterio etenim meo, inquit, quidam Frater ante decennium, Gerontius dicebatur &c.] ad hæc ingeris: Porro si ante decenniū hoc euenerat: absque dubio in ipsum octogessimūtertium annum supra quingentesimū (si hæc quarto sui Pontificatus anno, vel etiam nonagesimoquarto salutis scripsit) incidit: quo tempore certissimum est (prout tu vis) vel nondum monachum fuisse, vel certe Constantinopoli fuisse. At hoc quod narrat, ostendit eum & multo ante monachi vitam arripuisse &c.] hæc tu dicens, iterum a nobis arguendus eris impactæ ac sæpe repetitæ calumniz, cum ais, sentire Baronium, S. Gregorium nondum fuisse monachum ante dictum annum octogessimūtertium post quingentesimum. Quam autem ab ea sententia abhorruerit, satis dictum superius, cum aliud nihil sit conatus Baronius, quam demonstrare, S. Gregorium ante annum octogessimūprimum, quo gerebat præfecturam Vrbānam, esse monachum minime potuisse: quando autem post dictum annum factus sit monachus, minime definiuit, licet dixerit, *statim*, & *non diu*. per quæ verba minime voluit definisse, eodem id factum momento.

b pag. 55. v.  
penult.

Ista autē cum iure possemus dicere; tamen longe firmiorē subiiciemus paulo post responsionem, vbi aliud, idemq. nouissimum, quod itē ex dialogis petitur de certo annorum numero, ceteris, tua sententia, fortius ingeris<sup>b</sup> argumentum, adiecero de Merulo monacho monasterij S. Gregorij, de quo cum dicat Gregorius, eius sepulturam post annos quatuordecim esse refoßam, & miram suauitatem odoris spirasse: inde arguis, iam annis quatuordecim, antequam illa Gregorius scriberet, anno nonagesimotertio vel quarto post quingentesimum, S. Gregorium fuisse monachum. subijcis vero ista: <sup>c</sup> Quam autem hæc eius verba clarissime probent sententiam nostram esse verissimam, puto etiam a priuatis sensu perspicui posse.] ita esset quidem, vt dicis, si S. Gregorius in his duobus nouissime recitatis exemplis loqueretur de suo monachatu, sicut loquitur de suo monasterio: sed cum tantummodo de suo monasterio loquatur; nihil aliud infertur, quam ante decem, vel quatuordecim annos ab illo tempore, quo illa scriberet, iam extitisse S. Gregorij monasterium. quod & ego profiteor & affirmo, vt superius ex Gregorio Turonensi professus sum, videlicet a S. Gregorio septem illa esse erecta monasteria, antequam monachus ipse fieret. Nihil penitus ergo ex his infertur (vt vides) S. Gregorium ante decennium, vel annos quatuordecim fuisse monachum, prout tu gloriose, tamquam de obtenta ex his victoria, prædicas.

c pag. 56. v.  
12.

d pag. 54.  
vers. 17.

Inania insuper sunt & vacua prorsus, quæ ex iisdem dialogorum libris adhuc adducis de antiquiori monachatu S. Gregorij istis verbis: <sup>d</sup> Clarissima



rissima, inquam, adhuc ex eodem penu depronipta adducam. sic enim sequitur ibi: Quidam mecum in monasterio Frater Antonius vivebat; qui multis quotidianis lachrymis ad gaudia patriæ cælestis anhelabat &c.] ad ista tu: Ex illis verbis, Mecum vivebat in monasterio, & Qui multis quotidianis lachrymis ad gaudia patriæ cælestis anhelabat, & Cumq. studiosissime & magno feruoris desiderio sacra eloquia meditaretur, ostenditur sane (subdis) eum ad eam perfectionem non peruenisse, nisi longo virtutum monasticarum exercitio. qua in re temporis diuturnitate opus esse quis nesciat? ] ita illatio tua & argumentum de antiquitate S. Gregorij monachatus. At nonne ista ridenda potius quæ confutanda? Ac si istiusmodi dona Dei dentur cum temporis obseruatione, & non potius sæpe contingat, abundare huiusmodi feruoribus spiritus Nouitios ipsos, & monachos veteranos egere. Huic simile argumentum est, quod ad hoc ipsum probandum deducis ex eo, quod S. Siluia<sup>a</sup> eius mater mittebat legumina infusa filio monacho, ergo (in-  
 quis) antequam iret Constantinopolim. & quis hoc negat? ergo non  
 statim euulsus a monasterio: ita sane, si statim fumis pro momentaneo puncto temporis. sed facebant isthæc. Nam Baronius (quod sæpe repetere cogis) voluit illud, statim, intelligi eodem sensu, quo S. Gregorius vocem, repente, qua est vñs scribens ad Leandrum, accepit. Ita vt hæc ex parte tibi non tam Baronius, quam Gregorius debeat respondere, qui hoc solum voluit voce illa significare, non licuisse sibi monacho, tanto labore ac difficultate factò, diutius in monasterio commorari.

Sed quid, Constantine, nos detines occupatos puerilibus concertationibus istis? vt quod ibidem adhuc subijcis, b asserens librum secundum dialogorum scriptum esse a S. Gregorio ante primum, eo tantum argumento vsus, quod ipse Gregorius fateatur se ea accepisse a quatuor illis S. Benedicti discipulis, Constantino, Valentiniano, Simplicio, & Honorato, qui iam obijissent antequam priorem illum librum scripsisset. Ac si necesse sit asserere, tunc illa scripsisse, cum audiuit; & sit aliquid quod prohibeat, vt quæ ipse antea audiuit, non potuerit postea scriptis mandare. Vides ipse, cuius sint ista, quæ ingeris, firmitatis? Sed quantum fallaris in his, quæ sunt temporis, ipse senties, cum primum hic reddam ea, quæ abs te ponuntur; qui vt ista probare queas, hæc paulo inferius inters: c Necesse est, inquis, (S. Gregorium scilicet) eas (res gestas) S. Benedicti audisse ante sexagesimum supra quingentesimum annù salutis, & scriptis mandasse. Constātinus enim ille (vt tradunt Arnoldus & alij) anno eodem sexagesimo inter viuos esse desijt, post quē haud diu superuixit Simplicius, qui ei successerat, cui successus fuit Vitalis &c. ] hæc tu ipse, sed quantum decipiaris, attende. Ex rebus enim gestis Simplicij Abbatis discipuli S. Benedicti omnino conuinceris errare. Quomodo enim paulo post quingentesimum sexagesimum salutis annum interfijisse vis Simplicium, quem constat ex Fausto scriptore vitæ S. Mauri, post annum quingentesimum octogesium sextum adhuc fuisse superstitem, re-

a pag. 58. 9.

25.

b pag. 60. 9.

25.

c pag. 60. 9.

22.

d apud Sur.

ro. 1. dia 15.

Iam. in pref.

epin sine vita

& ipse discipulus S. Benedicti & eius alumnus, qui de rebus gestis S. Mauri, atque Simplicij, quæ vidit, scripsit, fidelissimus testis in omnibus, hic inquam, testatur de ipso collega suo Simplicio, mansisse eum cū S. Mauro in Gallijs annis quadraginta & vno, quibus vixit idē S. Maurus : insuper & sub S. Mauri successore Bertulpho duobus annis adhuc ab ipso coætum ibi mansisse ; sicq. quadraginta tribus annis in Gallia esse moratū : Inde vero cum ipso Fausto esse reuersum in Italiam ad suos Fratres, monachos Cassinensis Congregationis. Quod quidem contigisse anno Domini quingentesimo octogesimo sexto, ex dictis ita deducitur : Cū enim Faustus dicat, eundem S. Maurum oblatum S. Benedicto mansisse apud eum annos viginti, apparet ipsum non recessisse inde in Gallias vsque ad annum Redemptoris quingentesimum quadagesimum tertium ( si quidem anno vigesimo tertio post quingentesimum contigisse oblationem Mauri S. Benedicto, etiam tu ipse affirmas post Leonem Ostiensem, & alios. ) Jadicce autem modo annos illos quadraginta & vnum sub Mauro, insuper & duos annos sub Bertulpho, quibus eundē Simplicium mansisse in Gallijs idem tradit Faustus, vtique quingenti & octoginta sex Domini anni fiunt, cum Simplicius redijt ad suos collegas monachos Congregationis Cassinensis, tum Romæ degentes in Laterano. Ex his igitur omnibus attente considera, quantum fallaris de tempore Simplicij Abbatis & prædecessorum ac successorum eius, coarguarisq. a Fausto auctore fidelissimo, qui præsens omnibus, omnia fidelissime scripsit, vt in controuersiam reuocari amplius a quouis auctore non debeant. sed de eodem Simplicio inferius pluribus.

a. pag. 65.  
vers. 12.

Post hæc autem a concertatione subijcis aliam, a quonam missus sit Constantinopolim S. Gregorius; & dum tueris ex sententia Ioannis diaconi, missum esse a Benedicto Papa, frustra laboras; cum in restitutione Breuiarij Romani sub Clemente Papa Octauo elaborata, scias iam præiudicatum esse, expuncto nomine Benedicti, quod a Ioanne sciretur errore positum: qua expunctione non solum Ioannis diaconi de his sententia aboletur; sed omnium illorum, quos tu magno fastu Scriptores enumeras, qui longe post Ioannis tempora floruerunt. Sed cum dependeat controuersia ista a priori illa de tempore præfecturæ Vrbane Gregorij; hæc autem ( vt est demonstratum ) contigerit anno octogesimo primo post quingentesimum : plane constat, non potuisse vllō modo mitti Gregorium a Benedicto, cum ipso iam defuncto ante biennium, in locum ipsius Pelagius fuerit subrogatus.

b. pag. 80.  
vers. 6.

Quod autem agens inferius de S. Gregorij Papæ ætate, cum vitam monasticam agere cœpit, eius te esse sententiæ b. profiteris, vt fuerit tunc iuuenilis ætatis, idq. ea ratione probare niteris, quod constet ex Ioanne diacono, ipsum tunc superstitem habuisse matrem. Addo ( quod magis mireris ) ipsum iam Pontificem suis litteris affirmare, adhuc tunc temporis suam nutricem fuisse superstitem. quotannis autem tunc fuerit, aliquid certe asserere, est diuinare, cum ex antiquioribus fontibus id accipere posse non detur. Nam cisternæ sunt dissipatæ monumenta illa tua, ex quibus ista deducis, vt nullius sint penitus fidei, prout quæ inferius

rius dicturi ſumus, oſtendent. Liqueſcit tamē ipſum Gregorium, tempo-  
re Pontificatus, non fuiſſe admodum ſenem; ad quod probandum ipſe  
Baronius iure argumentum deducit non ſolum ex eo, quod ipſius adhuc  
nutrix ſuperſtes eſſet, ſed quod ſuis ipſe episto-<sup>a</sup>lis, cum ſæpe ſæpius de  
morbis ingraueſcentibus conqueratur, nuſquam reperitur de ſenectute  
hebetante feciſſe aliquando mentionem. Ceterum ipſum diu mul-  
tumq. in ſæculo inſeruiſſe negotijs publicis, ſero autem ad Deum con-  
uerſum ingreſſum eſſe monaſterium, ipſius auctoritate ſuperius eſt de-  
monſtratum, vt ſuperſuum ſit iſta repetere. Quod ergo inſers, non po-  
tuiſſe dicto anno quingentefimo octogefimo primo præfecturam geſiſſe  
Vrbanaſſam, iam de his abunde, quantum decipiaris, ſuo loco ſuperius di-  
ctum eſt, vt non ſit opus, eadem (vt tu facis magno legentium tædio) ſæpe  
repetere, quæ & me inuitum cogis iterare frequenter, vt conſutem ea.

Eiuſdem quoque ſunt ponderis, niſi fortasſe etiam leuioris, quæ <sup>a</sup> in-  
geris, dum agis de monaſterijs ab ipſo S. Gregorio erectis, & probare  
niteris, illa ab ipſo ædificari iuſſa, vbi præfectura Vrbana, quam gere-  
bat, munus expleuit, rationibus ab exteriori corporis cultu atque  
ornatu veſtium petitis, de quibus ſcribat iſta <sup>b</sup> Gregorius Turonenſis: <sup>b</sup> Greg. Tur.  
Qui antea ſerico contextu ac gemmis micantibus ſolitus erat per Vr-  
bem procedere trabeatus, nunc vili contentus veſtitu, ad altaris Domi-  
nici miniſterium conſecratur. &c.] At quis neſciat, trabeam, & quæ tra-  
beæ accedunt, inſignia fuiſſe Vrbana præfectura ipſi Gregorio neceſſa-  
ria indumenta, non autem ad gloriam oſtentandam voluntariam ſæculo  
addicti hominis vanitatem? vt non poſſis arguere, quod facis, ex vanita-  
te indumentorum non potuiſſe ab eo tunc ædificari monaſteria, cum (vt  
tu ais) eius ab ijs longe animus eſſet. ſed longe deciperis. Qui ergo ci-  
taſti Gregorium Turonenſem, debueras meminiffe, antequam iſta de  
indumentis ipſe tractaret, iam de monaſterijs ſeptem ab eo erectis ver-  
ba feciſſe, quibus innuat, iam ab ipſo erecta, cum incederet ex præſectu-  
ræ munere trabeatus. Et id quidem eſſe veriſſimum, ex deductis ſupe-  
rius atque ex ipſo ſpatio annorum quatuordecim, ante quos reſoſum  
monachi ſepulchrum ipſe Gregorius dicit, perſpicue colligitur, ante  
initam ab eo præfecturam iam dicta monaſteria erecta fuiſſe.

Ex his igitur colligere poteris tempus monaſteriorū erectionis, & non  
argumentis iſtis tuis ſutilibus ſecus aſſerere, dum ais: Porro autem eius  
exterior cultus erat (vt Turonenſis Gregorius de eo ſcribit, vt iam an-  
tea diximus) auro & ſerico contextu ac gemmis coruſcantibus trabea-  
tus incedere: huiuſmodi autem veſtitus non eſt hominis monaſteria,  
ædificantis, aut monachi vitam proſitentis ſe arripere velle, ſed ſæculo  
dediti, nec grandis natu, ſed admodum iuuenis: cui abſque dubio deſſe  
etiam non debebant clientum ac ſeruulorum cateruæ, quæ patronum  
& dominum procedentem ſtiparent. ] hæc tu & alia, quæ ad pompam  
pertinent ſecularem, ex quibus iſta deducis, dicens: Quæſo dic mihi  
Numquid qui ita procedit, & eo animo viuit, cogitare poteſt de extruen-  
dis cœnobijs? Curam igitur omnem Reipub. abiecit primum, & ante-

a pag. 82. v.

28. 2. 2. 2.

b Greg. Tur.  
ron. lib. 10. c. 4.

c pag. 82. v.

48.

tare cepit.] & paulo post: Nequaquam igitur ante præfecturam aut statim post eam, neque vnus anni spatio extruxit monasteria, aut habitum monachi induit, seu ea statim incolere fecit.] ista tu quidē, sed aduersus quem? quis dixit post præfecturam vnus anni spatio ab eo monasteria erecta, & indutum monasticum habitum? non certe Baronius, in quem falso ista sæpius calumniose nimis obiectas, aerem plane verberans, dum in incertum sis pugnans. Sed & quomodo ex ornatu vestium id deducere non erubuisti, perinde ac si non a splendide vestitis potuerint monasteria ædificari, ac latere possit intus in animo, quod celat indumentum exterius, & omnia fere orbis totius monasteria non ædificata fuerint ab hominibus decore vestitis, Principibus, inquam, alijsq. nobilissimis viris, quorum erat ex status necessitate sui, progredi magnifice vestitos, cum præsertim vt in Gregorio, id exigeret magistratus? quod de innumeris Sanctis possit facile demonstrari.

Posthæc autem abs te repetita sapissime rursus <sup>a</sup> ingeris, & ad nau-seam vsque instauras controuersiam de voce, *statim*, a Baronio posita, cum de eius a monachatu S. Gregorij ad Cardinalatum vocatione mentionem facit in <sup>b</sup> Annalibus: cui ob id pene succenserem, quod eo verbo vsus, magnam tibi ansam præbuerit contradicendi, & mihi molestiam pepererit respondendi, tuaq. confutandi; nisi constaret, ab ipso factum scitissime quidem & prudentissime (quod superius est demonstratum) dum simili cum ea voluit vtī voce, qua S. Gregorius vsus est, ac plane, synonyma, vt quod dixerat S. Gregorius in præfatione in libros Moraliū ad Leandrum de se ipso e monachatu deducto ad Cardinalatum: Repente me sub prætextu ecclesiastici ordinis &c.] Baronius diceret, statim inde euulsus.] Quid fidelius in historia, sacra præsertim, quam ab antiquis asserta iisdem, vel omnino similibus verbis reddere, ne quid exaggeratio oratoria, vel amplificatio sibi aduersus veritatem vsurpet? porro quod idem sit, *statim*, quod, *repente*, te ipsum tuus docuit <sup>c</sup> Grammaticus Herculianus, quem in suo dialogo sic interloquutum facis, vt rogatus de voce, *statim*, germano sensu, ista subiungat: *Statim* asserunt (Grammatici scilicet) significare, mox, illico, repente] ecce tui docti Grammatici testificatione habes, idem, *statim*, esse quod, *repente*. Vnde tu ipse Constantine (si audes) in primum auctorem, in ipsum S. Gregorium, tua conuerte spicula, quod dixerit, se repente vocatum e monachatu ad Cardinalatum, & Baronium vrgerē desine, qui secutus Gregorium, vbi senserit abs te Gregorium victum, dabit ipse, certo scito, continuo manus. Ipsum compella modo Gregorium, fuisse negotium, vrge, sic insta: Quid est, inquit, quod dixisti, repente abductum te a monachatu ad diaconatum, cum tu ipse de te ipso pluries professus sis, diu <sup>d</sup> te in monasterio permansisse? Repente, & diu longe inter se diuersa esse noscuntur, vt sibi inuicem aduersentur, vt non possint vna simul consistere; ita vt data altera earum voce, sit altera penitus explodenda. Ista abs te illata non ægro fert animo Gregorius vir mitissimus, neque respondere contemnit, demulcens perbelle caput tuum, qui in puerili-

<sup>a</sup> pag. 84. p.  
11.

<sup>b</sup> Annal. 10.  
p. 44. 583.

<sup>c</sup> pag. 86. p.  
28.

<sup>d</sup> pag. 85. p.  
32.  
pag. 86. p. 3.

bus istis nimis valde detinearis; dicetq. secundum <sup>a</sup> Hilarij sententiam, Debere verba rebus, non res deseruire verbis. sicq. fieri interdum, vt istud, *statim*, plura annorum centenaria comprehendere possit, vt habes in exemplum vaticinium Malachia, quo ait: <sup>b</sup> Statim veniet ad templum sanctum suum Dominator, quem vos quæritis, & Angelus testamenti, quem vos vultis. ] Noli ergo tu esse tam seuerus interpres, vt quod ego dixi, *repente*, & meo exemplo Baronius, *statim*, tu velis vno temporis impletum puncto atque momento. Amor vehemens me ita ex abundantia cordis loqui coegit, vt cito citius abreptus esse viderer ab eo, quod vehementi possidebam amore. amantium sunt phrascs istæ. Nam quid ait diuina <sup>c</sup> Scriptura de Iacob, Rachelis amore flagrante, & pro ea septennij temporis spatio durissime laborante? Videbantur illi pauci dies præ amoris magnitudine. ] Disce igitur (iterum dico) verba rebus aptare, non res verbis cogere inseruire. si ista sapis, nõ desipies. Sicut cum eadem ratione, voce illa, *diu*, sum vsus ad significandum perbreue temporis spatium. nam in dialogorum præfatione ita me dixisse memini: cum afflictus valde, & diu tacitus sederem, dilectissimus filius meus Petrus diaconus affuit &c. ] dixi *diu*, quod paucarum horarum tempus includitur. quin immo dixi <sup>d</sup> alibi & diutius, quod vel vnus aut alterius horæ termino factum scirem, idq. alibi sæpius. Quæ omnia si tu adhibita rerum gestarum discretione considerasses: haud tu diu, in voce *diu*, frustra adeo laborasses, & statim de verbi, *statim*, controuersia, discessisses.

Quod autem mox <sup>e</sup> addis, ab eodem ipso S. Gregorio definiri certum tempus, quo ingressus est monasterium, cum agit tam in vltima homilia in Euangelia, quam in dialogis <sup>f</sup> de obitu S. Romula virginis, verbis illis: Eo namque tempore, quo monasterium petij, anus quædam Redempta nomine in sanctimoniali habitu constituta in Vrbe hac iuxta beatæ Mariæ Virginis ecclesiam manebat. ] & infra de eius discipula Romula paralytica agens: Hæc, inquit, multis annis in lectulo decubans, pene omni iacebat membrorum officio destituta. ] & paulo post: Sicut vtique referentibus, & eadem res multis claruit, & ego quoque in eodem tempore agnouï. ] ex his autem tu ista deducis: Perpende, inquis, diligenter illa verba: Eo namque tempore, quo monasterium petij, & illa: Multisq. annis in lectulo decubans, & illa: Et ego quoque in eodem tempore agnouï: & animaduertere poteris, an statim e monasterio auulsus fuerit, vel in eo diu permanserit. *Diu* autem (ni fallor) & *statim*, esse contraria; nemo negauerit. ] falleris certe, & negat id ipse S. Gregorius, vt nuper audisti, nimirum quod respectu diuersorum non sint inter se voces istæ contrariæ, sed simul veræ pariter esse possint. Quod autem de multis annis interlapis, toto illo tempore, quo S. Romula paralytica laborauit, tibi suppeditas argumentum: quid prohibet hæc referri ad tempus, quo ipse S. Gregorius mansit in monasterio? mansit namque vsque ad sui ad Pontificatum promotionem post reditum saltem annis quatuor: his adde totidem annos qui intercurrunt vsque ad tempus, quo illa ipse scribebat,

<sup>a</sup> De verb. fig.  
<sup>b</sup> quif. e. intelli.  
gentia. ext.  
<sup>c</sup> Malac. 3.

<sup>c</sup> Gen. 29.

<sup>d</sup> Dial. lib. 1.  
<sup>e</sup> 10.

<sup>f</sup> pag. 16. v. 9  
<sup>f</sup> Dial. lib. 4.  
<sup>e</sup> 15.



bat, sicq. octo fient anni, iidemq. multi illi, quibus tradit, Romulam paralyſi laboraſſe. Vt plane nihil ſit, quod ijs deducere valeas, S. Gregorium, contra aſſertam ſententiam, ante octogefimumprimum annum monaſticam vitam eſſe profeſſum. quibus intelligas omnia iſta argumeta tua ſumi inſtar in tenuem aerem euaneſcere. Ceterum quod ad germanum ſenſum verborum S. Gregorij pertinet: tota illa narratione ſignificare voluiſſe videtur, tunc quidem, cum ipſe monaſterium eſt ingreſſus, contigiſſe quem narrat S. Romula ad Deum tranſitum: quod idem ipſe inferius declaraffe viſus eſt; vbi agēs de apparitione diuinitus acta paulo ante eius obitum, mox ait: Eadem res multis claruit, & ego quoque in eodem tempore agnouī. ] quoniam eodem tempore, niſi quod pramiſerat ipſo narrationis exordio, Quo, inquit, monaſterium petij. ] ſicq. certum tempus eius ingreſſus in monaſterium terminaffe dicatur certum pariter tempus S. Romulae ad Deum tranſitus, cum aliud tempus terminare non poſſit, quod eſt imperfectum, vt illud, manebat. Quo germano ſenſu verborum S. Gregorij accepto, dicendum eſt, multos illos annos, quibus Romula paralyſi laborauit, ante eiſdem in monaſterium ingreſſum, iam elapſos fuiſſe, poſt quos idem qui ſubſecutus eſt ad Deum tranſitus, tunc contigerit, cum ipſe ingreſſus eſt monaſterium.

Inferius etiam, dum non obſeruas regulam quam audiſti ex S. Hilario, vt verba rebus, nō res verbis inferuiant, in alium errorem impingis, vt exiſtimes Gregorium diuturniori tempore quam tribus annis Conſtantinopoli munere Apocriſarij detentum manſiſſe, auctoritate eius epiſtole ad Medioſanenſem. Clerum data de electione Conſtantij in ipſorum Archiepiſcopum, dum hęc ait de ipſo: Cum in vrbe Regia reſponſa Sedis Apoſtolice ſacerem; longo mihi tempore adheſiſt. ] hęc ibi. ex quibus hęc tu inferis: Attende illud, longo tempore, ex quo intelligitur, multo ante octogefimumtertium annum, ſupra quingentefimum ſcilicet, eo natiſſe, & longiori tempore ibi commoratum eſſe. Neque enim, ſi ibi tres tantum annos nondum exactos egiſſet, eo modo loquendi vſus fuiſſet, & maxime illis verbis, longo tempore, ex quibus proſecto verbis aperte habetur, Gregorium ante octogefimumtertium annum eo miſſum fuiſſe. ] iſta tu habes, pro animi arbitrio tempora mutans. Quid enim? ſi clericus alienę eccleſię peregrinus Gregorio Conſtantinopoli exiſtenti inheſiſſet ad quatuor; vel quinque menſes; nōne dici potuiſſet, longo tempore apud ipſum fuiſſe? Sane quidem, ſi de hōſpite quiſque ſuo iſta perpendat. Deciperis tamen, Conſtantine; non ait Gregorius, ſe longo tempore manſiſſe Conſtantinopoli; ſed Conſtantium illum Mediolanenſis eccleſię ibi apud ſe longo tempore manſiſſe: multum hęc enim differunt inter ſe, cum longe diuerſos reſpectus habeant.

Ceterum quod ad tempus pertinet aduentus S. Gregorij Conſtantinopolim, non ante annum Redemptoris quingentefimum octogefimumtertium cōtingere poſuiſſe, ex S. Leandri illuc aduentu poſſumus intelligere, dum non ante prædictum annū ſubortę ei eſt cauſa, vt a Rege Chriſtiano Conſtantinopolim mitteretur, nempe bellum ciuile inter Catho-

licos & Arianos, quod non ante præsentem annum conflatum esse, ex Gregorio Turonense demonstratum est in Annalibus. Verum præuenisse Leandrum, verba illa Gregorij in præfatione Moraliu posita in epistola ad ipsum data, significare videntur, quibus ait: Dudum te, frater beatissime, in Constantinopolitana vrbe cognoscens, cum me illic Apostolicæ Sedis responsa constringerent, & te illuc iniuncta pro causis Fidei Regis Vuisigothorum legatio perduxisset. ]

Sed videamus an firmiora sint, quæ his a subiungis, adducens epistolam S. Gregorij ad Eulogium Patriarcham Alexandrinum datam Indictione decimatercia, qui est annus Redemptoris quingentesimus nonagesimus quintus, in qua hæc de tempore continetur: *a pag. 88. vers. 10.* Ante hos siquidem *b Greg. lib. 4. epist. 26. Ind. 13.* annos octo, sanctæ memoriæ decessoris mei Pelagij tempore, frater & Coepiscopus noster Ioannes in Constantinopolitana vrbe ex causa alia occasionem quærens Synodum fecit, in qua se Vniuersalem appellare conatus est. Quod mox idem decessor meus vt agnouit, directis literis, ex auctoritate Petri Apostoli eiusdem Synodi Acta cassauit. quorum videlicet exemplaria studui destinare. Diaconum vero, qui iuxta morem pro responsis Ecclesiæ faciendis, pijsimorum dominorum vestigijs adhærebat, cum præfato consacerdote nostro Missarum solemniam celebrare prohibuit &c. ] ex his vero tu ista deducis: Quod si alius diuersus a S. Gregorio tunc eo fugebatur munere in Ecclesia Constantinopolitana, ergo ipse Gregorius iam recesserat ante dictum octauum, quem numerat annum. ] ita quidem, sed quod subinfers, longe discrepat a veritate, dum subdis ex his inferri, rediisse inde Romam Gregorium non anno quingentesimo octogesimo sexto, sed potius octogesimo quarto, vel ad summum quinto. sed vide quantum fallaris, numerum subducendo. Si enim constat ex notata in epistola Gregorij Indictione decimatercia, eam epistolam scriptam esse anno Domini quingentesimo nonagesimo quinto: plane ex octo illis annis, quos numeras ante illud tempus, inuenies illam Synodum factam esse anno Domini quingentesimo octogesimo septimo, adeo vt nihil sit quod impediatur, quin dici possit, S. Gregorium ( vt habet & probat Baronius in Annalibus ) rediisse ipso anno Redemptoris octogesimo sexto post quingentesimum.

Subiicis autem præcedentibus absurdiora, iterum sic argumentando: Sed ad aliud absurdum accedamus: Si statim e monasterio exire coactus fuit, & Constantinopolim soluere: vellem a te scire, quomodo adeo breui potuerit tam arctam consuetudinem, & necessitudinem, non sæculi blanditijs, sed Christi glutino copulatam contrahere, eû Fratris sui cœnobij &c. ] adhæc dicimus, quod præterquàm tu illud, statim ( quod sæpe inculcas & proculcas ) male noueris, quantum temporis spatium comprehendat; adhuc insuper ignorare videris, ipsum S. Gregorium etiam laicum cum suis monachis, quibus construxerat monasterium, quotidianam consuetudinem habuisse, vt de his dubitatio nulla esse debeat, cum ipse maximum se cultorem fuisse seruorum Dei, in dialogis frequenter affirmet. quomodo non assidue versabatur cum



illis, quibus erexerat monasterium, quod & contiguum esset ædibus suis? Tu vero post hæc (quod dicere erubescimus, cum tu non erubearis) ista cum sint adeo perspicua, præ ingenij forte crassitudine non percipiens, ita contumeliose iurgaris, dicens: <sup>a</sup> Non pudet eos hæc scribere &c.] ita in multis vnum dumtaxat, qui solus dixit, Baronium ex obliquo fugillans, e cardine mentis motus a multis argueris, qui Cardinalem S. R. E. ita ignominiose non esse veritus perurgere. Sed contemnit ista Baronius tui misertus, cuius monitu & nos leniter tecum agere suademur: at non ista certe te docuit Pater tuus in Regula, cum disserit de gradibus humilitatis.

Ad postremum vero primæ diei dialogum hac claudis obiectione, impossibile <sup>b</sup> nimirum fuisse, ut tam breui spatio eius incolatus in monasterio potuerit tanta de diuinis litteris didicisse; adeo ut opus fuerit illic longiorem ætatem vixisse.] Ad ista respondemus eiusdem Gregorij Papæ doctrina, qua monstrat omnes illos, quos semel Spiritus sanctus inspirat, reddi mox ex imperitis doctissimos, dum ait: <sup>c</sup> Ecce apertis eiusdem oculis fidei, David, Amos, Daniele, Petrum, Paulum, Mattheum intueor, & sanctus ipse Spiritus, qualis sit artifex, considerare volo; sed in ipsa mea consideratione deficio. Implet namque citharædum puerum, & Psalmistam facit; implet pastorem armentarium, sycomoros vellicantem, & Prophetam facit; implet abstinentem puerum, & iudicem senum facit; implet piscatorem, & prædicatorem facit; implet persecutorem, & Doctorem Gentium facit: implet publicanum, & Euangelistam facit. O qualis est artifex iste Spiritus! nulla ad discendum mora agit ut ad omne quod voluerit. Mox enim ut tetigerit mentem docet; solumque tetigisse, docuisse est &c.] hæc ipse, in se ipso expertus ista, qui & in præfatione Moralium hæc de se habet: Quid igitur mirum, si intellectum sulto homini præbeat, qui veritatem suam cum voluerit, etiam per ora iumentorum narrat? ] Demonstramus & hoc ipsum exëplo in alio per insigni Ecclesiæ Doctore, in quo maius Deus miraculum, quam in Gregorio demonstrauit, in sancto nimirum Ambrosio, quem nondum plene Christianum, sed adhuc catechumenum electum Episcopum Spiritus sanctus, mox ut sui ignis flamma succendit, conflauit in admirabilem Ecclesiæ Doctorem. Ceterum Gregorium ipsum fuisse excultum scientijs liberalibus, Gregorius Turonensis eius æqualis affirmat. Sed & ab ineunte ætate assueuissè sacris litteris, idem ipse de se ita testatur, cum in præfatione librorum dialogorum de Petro diacono ista habet: Qui mihi a primæuo iuuentutis flore in amicitijs familiariter obstrictus est, atque ad sacri verbi indagationem socius. ] hæc ipse, cui tu credas. Demum vero cum maiorem partem huius primæ diei frustra contriueris in ostendendo, diu ante præfixum a Baronio terminum, S. Gregorium professum esse monasticam vitam: etiam si id tibi liberaliter concederemus: nihil certe lucraberis, ut asserere ob id posses, ipsum monachum fuisse Benedictinum. At de his modo hæcenus, ad sequentis diei tuum dialogum transeamus.

## IN SECVNDVM COLLOQVIVM.

**Q**uod in primis in tuo secundo colloquio disputandum suscepisti, vter duorum prior tempore vixerit, S. Benedictus, an S. Equitius: tractatam vberius hanc quæstionem in Responsione post Apologeticum hunc inuenies, ex qua redargueris in multis errasse.

In eo autem, quod disseris de S. Benedicti ætate, cum eremum petijt: miramur vehementer, quod more tuo Baronium calumniaris, dixisse scilicet, fuisse iam ætate matura S. Benedictum, cum eremum petijt. Quod ne lapsu calami dici possit tibi contigisse, sexies minimum abs te repetitum demonstratur, cum tamen idipsum ne semel quidem vsquam inuenturus sis a Baronio dictum. Siccine mendacio & calumnia rem agis, venerande S. Benedicti professor, vt impingas Baronio quæ non dixit? sed videamus an ipse percipias, quæ velis ab ipso dicta: non puto. Verum quotupliciter in his peccaueris, accipe. Nam præterquam quod calumniose asseris eum dixisse, quod non dixit, adhuc non videris vim harum vocum, *ætate matua*, assecutus; cum re ipsa apud bonos auctores illa dicatur matura ætas, quæ senilis pariter dici consuevit; quo sensu te non putamus accepisse maturam ætatem, vt volueris maiori impudentia fugillare Baronium, & tantum ei portentum asfigere, vt dixerit S. Benedictum iam senē eremum petijisse. Sed & in eo grauiter peccare conuinceris, quod etsi ipse adolescentem sine adolescentulum paulo pueritria grandiore S. Benedictum in eremum se contulisse Baronius testetur: ab Vrbe tamen puerum vix puberem recessisse non negat: quod tu eum dixisse negas. legat Lector Annales, <sup>b</sup> & detestetur calumniā. Quod autem eius tunc quidem esset ætatis supra pueritiam, vt incontinua carnis vigore spiritus superaret, idem S. Gregorius <sup>c</sup> his verbis ostendit, ubi ait: Aetatem quippe moribus transiens, nulli voluptati animum dedit. Quod vero inferius <sup>d</sup> idem S. Gregorius eundem puerum nominat, cum primum miraculum instaurato fracto capisterio edidit: id dictum scias a S. Gregorio more suo, & assueto vsu loquendi, quo quælibet adolescentem etiam annorum viginti consuevit puerum appellare, prout petitis ab eiusdem scriptis exemplis Baronius ibidem docuit euidenter. Demum quem rursus nisi Baronium postrema insultatio tua ferit, cum ais: <sup>e</sup> Vbi sunt ergo illi, qui cum maturiori ætate eremum petijisse fabulantur? An non ista ipsa de ætate puerili, quam fugillas, Baronius profitetur, eodem nimirum anno quo dicis, ab Vrbe recessisse, profecturum in eremum? hæc quidem in Sexto Annalium tomo habet ipso anno quadringentesimo nonagesimo quarto verbis istis: Hoc eodem anno magnus ille monachorum Patriarcha, Occidentalis Ecclesie decus Benedictus, Nursinus patria, ab Vrbe recedens profecturus in solitudinem, sublimioris vitæ monasticæ prima iecit feliciter fundamenta. Quod vero non simul ac ab Vrbe recessit, statim illam solitudinem petijt: idcirco paulo grandiore pubertate id

a pag. 101. v.  
23. pag. 111.  
v. 3. & 32.  
& alij.

b Annal. 10. 6  
an. 494.

c Greg. dial.  
lib. 2. in praef.  
d Id. lib. 2.  
a. 1.

e pag. 111.  
v. 32.

fecisse, Baronius ex ipso S. Gregorio demonstrauit. Cur igitur, cum res sic se habeat, sic exclamas in eas quas non videas, sed mente tantum concipias, leues umbras? vel cum ais, nescio quid somnians: <sup>a pag. 101.</sup> Si decimono-  
<sup>p. 2.</sup> nono, vel vigesimo, vt ille tuus Scriptor suspicatur, supra quingentesimum eremum petij. sed vbi delira ista Baronius? qui quam procubab his fuerit, consignata in Annalibus quæque tempora certis annis ostendunt. Existimalti, puto, ista quæ scripsisti, ad examen numquam reducenda, dum adeo portentosis calumnijs ipsum ornabas. Repetis & hæc inferius summo dedecore, vbi ais: <sup>b pag. 111. p. 1.</sup> Quæ ætate fuerit, quando se eo contulit, & quam longe a via veritatis discesserit ille, qui scripsit, cum decimono-  
 nono vel ad summum vigesimo supra quingentesimum, & maturiori ætate eremum petijisse. Potuerunt ne ista a religioso viro fingi a Baronio dicta, cum contraria his penitus asserat, cum agit de S. Benedicto tum anno Redemptoris nonagesimo quarto supra quadringentesimum, tum vigesimo tertio supra quingentesimum, in quibus tractat de eiusdem sanctissimi Patris ætate? sed prosequamur reliqua.

Cum vero agis de tempore, quo vixit S. Equitius, redarguisq. contradic-  
<sup>a pag. 112.</sup> torem tuum Bernardum, quem Baronij loco supponis, dicentem ex  
<sup>p. 15.</sup> eo colligi, Equitium antiquiorem S. Benedicto, quod S. Gregorius primum agat de Equitio, inde vero de Benedicto; profecto si cuncta, quæ Bernardo obijcis, & dicta ab eo refellis, a Baronio assera velis, & hæc calumnia ingens est, cum nusquam ista reperiantur a Baronio in Annalibus dicta. Quod vero negas ex Cassiodoro colligi posse, eundem esse, Basilium Magnum, de quo S. Gregorius scribit in Equitio, cum eo, de quo Cassiodorus agit inferius in Responsione satis manifeste declaratum inuenies. De Valentij, siue Valentionis, vel Valentini Abbatis S. Gregorij diuersimodis in codicibus scripto nomine, superflua contentio est, cum de re constet.

Cum vero ex verisimili ratione Baronius argumentatus esset, S. Gregorium non fuisse institui S. Benedicti, eo quod Scriptores antiquiores, qui ante Ioannem diaconum vixerunt, vt Gregorius Turonensis, Ildesonsus, Beda, & Paulus diaconus, cum de S. Gregorio pluribus egerint, nequaquam id dixerint aliquando, tu respondens sic eludis: <sup>d pag. 130.</sup> Neque  
<sup>p. 12.</sup> etiam eos asserere, quod fuerit discipulus S. Equitij. at non par est ratio vtriusque. Nam etsi, quod ad alios pertinet, responsio ista valeret, tamen Paulum diaconum, qui eiusdem ordinis sancti Benedicti monachus erat, cum de S. Gregorio ageret, eiusdem Patris fuisse monachum, cuius & ipse esset, par erat asserere. Sed quod addis, idcirco dictos auctores absque aliqua expressione nominis S. Benedicti, Gregorium nuda voce monachum appellasse, quod ex ea statim intelligendum erat, illum S. Benedicti fuisse monachum, ob celebritatem nominis eius, & quod omnes monachi eo tempore sub vna S. Benedicti Regula conuenissent. Quam falsa ista sint, vt omnes monachi sub vna S. Benedicti Regula censerentur, atque etiam sub eiusdem S. Benedicti nomine appellarentur, multa exempla demonstrant. Nam in Italia, præcipue parte illa, in qua est Ca-

labria & Apulia, & aliz adjacentes provinciz, ordinis S. Basilij monachi  
fuisse noscuntur, ij, q. a S. Basilij nomine appellati, quorum monasteria vs-  
que in presens seculum perseverasse, exploratissimum est. An non & tunc  
vixebant monachi etiam S. Seuerini, quibus Eugipius Regulas scripsit?

At quod in his lumen, hic ostendendum est pariter, quam enormiter erraueris, dum inferius in eadem tua persistens sententia ista \* subijcis: Multiplicitia illa instituta, quæ vigeant tempore eiusdem patris S. Benedicti, eo exurgente, & formulam suam longe lateq. dilatante, adeo oblitterata sunt, vt nisi a Scriptoribus, præcipue vero ab vno Gregorio de eius mentio facta fuisset, ne fuisse quidem scire possemus, quam nullum de eis nunc extet vestigium; neque solum nunc, sed neque citra annos ab hinc mille & ultra. Odofredi enim historici non ignobilis relatione habetur, vt etiam Carolus Sigonius testatur, vsque ad annum salutis non-gentesimum, solos monachos Benedictinos (vt ille scribit) & Canonicos Augustinianos inter religiosos, quos vocant Claustrales, nominatos fuisse. Neque enim in Gallijs, aut Germanijs, seu Hispanijs, vel Britannia, aut Scotia, siue Hibernia; aut Sardinia, Italiave, seu Sicilia, seu alibi, vllum monachorum institutum fuit, quod ex formula sanctissimi Patris aut ab origine non fuerit, vel succedentibus temporibus illius effectum non sit. J addis his, <sup>b</sup> In Gallia vsque ad annum millesimum sexagesimum sex-tum testificatione cuiusdam, cui inhæres, nulla alia fuisse monasteria nisi Benedictina. hæc tu haud semel, sed iterum atque iterum, more tuo, in-culeas & exaggeras. Dicam cum Apostolo: <sup>c</sup> Non est bona gloriatio vestra, J quia non vera: quod si non vera, erit plane eiusdem generis, cuius idem Apostolus meminit, dicens: <sup>d</sup> Gloria in confusione ipsorum. J

Tantum enim abest, vt exurgente S. Benediſto (quod tu dicis) cetera monachorum Regula obliterata fuerint longe lateq. in prouincijs enumeratis, vt ostendi etiam possit, eodem ipſo ſæculo alias recens instituta eſſe Regulas in Gallijs, ab illis diuerſas, eaſdemq. mirifice propagatas. Fuit earum auctor & promulgator ſanctus Columbanus Hibernus, qui anno Redemptoris quingenteſimo nonageſimoſecundo in Gallias migrans, Luxouium ueniens, fuit Luxouienſium monachorum inſtitutor. Cuius res præclare geſtas ſcripſit eiufdem temporis ſcriptor eius diſcipulus Ionas, non autem Beda, vt apud Bedam mendax titulus habet; qui ea quæ de S. Columbano ſcripſit, a S. Gallo ſine Euſtathio & alijs eiufdem Columbari diſcipulis ſe accepiſſe teſtatur. qui de inſtitutis ab ipſo Regulis, vbi iam duo monaſteria erexiſſet, hæc ait: ¶ Ad cuius famam plebs vndique concurrere, & ſe cultui religionis dicare curabat, ita vt plurima monachorum multitudo adunata vix vnus cœnobij collegio conſidere valeret. Ibi nobilium liberi vndique concurrere nitentantur, vt ſpretis phaleramentis ſæculi, & præſentium pompam ſcultatum contemnentes, æterna præmia caperent. Quod beatus Columbanus cernens, vndique ad pœnitentia medicamina plebem concurrere, & vnus cœnobij ſepta tantam conuerſantium cohortem abſque difficultate non continere; & quantiſ mente vna & corde vno; ramen



conuerſationi tantæ multitudinis incongrua : alium experimento ſocum elegit, quem aquarum irriguitas adornabat, aliudq. monaſterium conſtruxit, cui, Ad fontanas, nomen indidit, deditq. gubernatores præpoſitos, de quorū religione nihil dubitabatur . His ergo in locis monachorum plebibus conſtitutis, ipſe viſiſſim omnibus intererat; REGVLAMq. quam tenerent, Spiritu ſancto repletus condidit . In qua autem qualis & quantæ diſciplinæ vir ſanctus fuerit; prudens . Lector, vel auditor agnoſcit. ] hæc de Regula a S. Columbano conſcripta, viro quidem, ſicut ſanctitate eminentiſſimo, ita doctrina haud impare . de quò iſta Si- gebertus ſcribat : \* Tanto ſapientiz theſauro eſt ditatus, vt adhuc adoleſcens librum Pſalmorum elimato ſermone ſcriberet, & alia multa e- deret, vel ad canendum digna, vel ad docendum vtilia. ] Vides ne Conſtantine, quantum ex his tu mendacij arguaris, & vanæ iaſtantiz, dicam ne & inuidentiæ ? qui noliſ niſi S. Benedicti celebrari nomen, illuſtrari glori- am, reliquorum vero Sanctorum, qui eodem vitæ genere claruerunt, (quantum in te eſt) peſitus obſcurari; & conſtituas Deum inopem, qui poſt collata S. Benedicto diuina chariſmata, ex haulto penu, non habue- rit quæ alijs elargiri poſſet dona cæleſtia. An dicis, longe impar Colum- banus, qui cum Benedicto conſerri poſſit ? Non de his diſputo, quæ diui- norum ſunt ſecretorum, vt temerarius arguatur qui iſta definienda ſuſ- ceperit; ſed illud tantum ago, vt ad comprimendum tantæ arrogantiz faſtum, oſtendam non ſolum falſum eſſe quod aſſeris, promulgatis Regu- lis S. Benedicti reliquas deſeciſſe, ſed alias etiam adhuc creuiſſe, longe lateq. ſecundo germine propagatas S. Columbani Regulas eſſe, eandem in Concilio Matisconenſi examinatas atque probatas, diuinis miraculis confirmatas, eum aduerſus earundem impugnatores inſonuit de cælo Dominus, perdiditq. omnes miſerando interitu refractarios . Quas & conſtat percognitas paulo poſt ab Honorio Romano Pontifice, & ap- probatas, eiufdemq. diplomate monachos ipſarum profeſſores com- munitos. Quibus etiam repleta fuiſſe multiplicia monaſteria Galliarum tam monachorum quam virginum ſeminarum, idem auctor teſtatur tum in Columbano; tum etiam in alijs ſanctis Attala, Bertulpho, Euſtathio; & Burgundophora, quorum res geſtas omni fide conſcripſit Ipſe eius ordi- nis tunc viuens monachus obſeruantiſſimus Ionas : quæ ſi legeris, pla- ne intelliges quantum peccaueris, cum ſtylo tuo ita perfunctorie nullius præter S. Benedicti Regulas poſt earum promulgationem vigiſſe es co- natus aſſerere. Scies pariter, S. Columbanum S. Benedicto non imparẽ, in aliquibus apparere præſtantiorem, dum grauiores eſt paſſus a Regi- bus perſecutiones : fuiſſe pariter in ſanctitate diſcipulorum æque felice, in miraculorum editione æque præſtantem . vt ſi alter magnitudine ſua peret, alter numero vineat. His vero magis perſuadeberis, ſi perlegas in ſignia facta S. Galli eiufdem S. Columbani diſcipuli, quæ Vualfridus Stra- bo ſumma diligentiâ perquiſita, accurate conſcripta, poſteritati di- gna memoria tradidit duobus libris elucubratis . Iſta dixerim & prædi- cauerim, non (vt fortasſe tu ſenties) in S. Benedicti, eiufq. ordinis detra- ctionem,

a Sigob. de il-  
luſtr. eccl.  
ſcript. c. 60.

b Jonas in  
Euſtathio.

c Idem in  
Bertulpho.

d Apud Sur.  
10. 5. die 16.  
Octob.

tionem, immo in maioris gloriæ argumentum (etenim charitas con-  
gaudet a veritati: cum & in beata illa comunione Sanctorum, alter a 1. Cor. 13.  
alterius meritis gloriatur vt proprijs:) sed vt ita styli nostri acumi-  
ne, veluti chirurgo ferro, turgens sanie apostema pungens, contractum  
intus arrogantiæ virus foras erumpat, & ita ingenti morbo cureris. Ad-  
diderim adhuc insuper, ne quoquo modo aduersus adeo patentem testi-  
ficationem Ionæ, de sanctitis a Columbano Regulis monachorum, dicere  
possis (quod tibi in more est) easdem acceptas fuisse ex S. Benedicti Re-  
gulis: ex ijs vnâ recitabo, vt omnem prorsus menticî tibi auferam oc-  
casionem. Ionas igitur in S. Burgundophoræ vita, quam scripsit, hæc ha-  
bet: Erat enim consuetudinis monasterij & Regulæ, vt ter in die per  
confessionem vnaquæque earum mentem purgaret, & qualemcumque  
rugam mens per fragilitatem attraxisset, pia proditio ablueret.] hæc ip-  
se. Porro Regulam istam inter S. Benedicti Regulas nequaquam inue-  
nias, vt scias Regulas Columbani diuersas fuisse a Regulis Benedicti, si-  
cut & alias, de quibus actum est in dicto Concilio Matifconensi; cum,  
tamen in ijs, quæ sunt præcipua ordinis, omnes Patrum Regulæ siue  
Orientalium, siue Occidentalium, in vnum simul conueniant. Ad quod si-  
gnificandum Benedictus quidam his temporibus proximus Abbas, com-  
mentarium eodem argumento conscripsit, de quo ista Sigebertus b ha-  
bet: Benedictus Abbas scripsit ad monachos librum, quem vocauit,  
Concordiam Regularum, multorum Patrum Regulas Regulæ S. Benedi-  
cti conferens, vt nulla Patrum Regula a Benedicti Regula discorder, im-  
mo Benedicti Regula Regulis omnium Patrum concordet, ostendit.] Ar-  
guendus vero fur & expilator Trithemius, qui Columbanum cum suis  
inter Benedictinos annumerat.

Post hæc autem quo negare posses, Valentionem ex Valeria provincia  
monachum institutorem fuisse S. Gregorij (quod idem ipse in dialogis  
sæpe testatur) eo confugis, vt absque auctore aliquo, sed tua coniectura  
tantum asseras, dialogorum c S. Gregorij textum a Græcis monasterium  
postea incolentibus esse corruptum, & loco Hilarionis ab eis positum, 30.  
Valentionem, vt legitur hodie in antiquis codicibus. ista adeo delira,  
suade deliris. Sed demus a Græcis factum esse, quod dicis, vt loco Hila-  
rionis, eo ab eis abrafo nomine, sit subinductum nomen Valentionis: vbi  
locorum id factum asseris? In ipso, dicis, monasterio S. Gregorij in Vrbe  
posito ad Cluium Scauri, cum in eo habitarent Græci. Demus, inquam,  
volumen illud fuisse reuera deprauatum a Græcis: cetera vero per or-  
bem Occidentalem ac etiam Orientalem sparsa dialogorum volumina,  
quorum exemplaria, viuente adhuc ipso S. Gregorio cæpta sunt descri-  
bi, & ad diuersos mitti, & inter alios ad Theodelindam d Reginam Lon-  
gobardorum: num illa omnia dixeris deprauata, cum in omnibus illis  
exemplaribus siue originarijs, siue ab illis descriptis, quæ hætenus repe-  
riuntur, non nisi Valentio legatur, Hilarion vero in nullo eorum? Doce,  
si potes, Græcos illos monachos vniuersum perlustrasse orbem, omniaq;  
exemplaria nactos esse, eademq; singula corrupisse. sed nec tamen ad-  
huc

b Sigebert. de  
illustr. script.  
æcl. 6.62.

c pag. 145. y.  
30.

d Paul. diag.  
lib. 4.6.5.

buc satis ista, nisi in ipsis antiquioribus codicibus ostendisses membranz lationem in abrafione Hilarionis uominis factam. Sed quod incon-  
 sulte ista abs te, veluti accepta somnio ingeruntur; dicas quæso, quæ-  
 nam causa ad codicum omnium deprauationem Græcos potuit impu-  
 lisse, ut nomine Hilarionis expuncto, & Valentionis subrogato, vendica-  
 rent sibi Gregorium, ut suspicaris? Nonne magis ipsis opportunum  
 cessisset, legi Hilarionē, quam Valētionem? namquis nesciat, nomen Hil-  
 arionis, præsertim quoad monachos, ex magno illo Hilarione, cuius vi-  
 tam S. Hieronymus scripsit, propagatum videri potuisse, quo Orienta-  
 les omnes exultant? Valentionem quis ignorat nomen esse Latinum, & a  
 Valente, sicuti Crescentionem a Crescente, & alia his similia deriuatū?  
 Quomodo ergo non aptius & commodius Græcis ad perficiendum,  
 quod eos dicis optasse, nomen fuisset Hilarionis, quam Valentionis?  
 a pag. 145. y. Sed tu addis, <sup>a</sup> id ab eis factum, quod vulgatum esset nomen Hilarionis  
 21. institutoris S. Gregorij, monachum fuisse ordinis S. Benedicti. sed quo  
 id auctore vulgatum? nulla certe doceri potest, nisi Ioannis diaconi au-  
 thoritate. at nonne ante eundem Ioannem tu ponis Græcos depraua-  
 tores nominis Hilarionis? sed facessant ludicra ista, quæ sciant omnes,  
 b pag. 148. y. iure quidem a nobis deliria appellata. Quod vero subijcis <sup>b</sup> de Italix  
 40. monachis, eos, tunc temporis non militasse sub S. Basilij Regulis: de his  
 in Responsione ad alium ex tuis monachis prolixior erit sermo.

Iam vero maximi momenti aggrediar quæstionem, in qua cupio  
 Lectorem attentum, eo quod disserendum sit de falsitate citatæ ab eo  
 cuiusdam epistolæ a nobis hic recitandæ, quæ si abs te germana osten-  
 di potuisset, tibi sine controuersia cedendum fuisset. Asters num-  
 e pag. 149. y. quam hæctenus visam epistolam <sup>c</sup> nomine cuiusdam Bernardi Abba-  
 70. tis monasterij S. Honorati ad Simplicium Abbatem monasterij Cassi-  
 nensis: quam ab ipso eius titulo redarguere incipimus imposturæ. sic  
 enim se habet:

Reuerendissimo monachorum patri Simplicio Bernardus Abbas Mo-  
 nasterij apud Fundanam Urbem obedientiæ subiectionem. ] Ita inscrip-  
 tio: ex qua quidem statim subodorati sumus imposturam, quam ut in-  
 uenire possemus, sagaci studio laborauimus. inuenimus tandem, Deo  
 fauente, vindice veritatis. Quod igitur in primis ad epistolæ inscriptionem  
 pertinet, ob ipsum nomen scribentis Abbatis, Bernardi scilicet, &  
 aliud quod in ipsa epistola legitur nomen Hugonis, eam possumus re-  
 darguere commenticiā, eo quod dicta nomina tempore Gregorij non-  
 dum introducta noscantur. Vnde intelligi possit ipsam epistolam confi-  
 ctam postea ab aliquo fuisse recentiore auctore, qui vixerit eo tempore,  
 quo nomina hæc vsu recepta fuerunt. quisnam autem ille impostor fue-  
 rit, non inquirō; te tamen libero, Constantine, tibi credens, inueniri  
 eam in antiquo codice Cassinate. Quisquis autem ille fuerit, dignus  
 plane fuisset, qui ad tribunal ecclesiasticum delatus, illud luisset de fal-  
 sitate supplicium, quod tempore Pij Papæ Quinti irrogatum vidimus in  
 Ciccarellum quemdam impostorem, qui cum pro animi arbitrio id ge-  
 nus



nus monumentorum fingere conuictus fuisset, traditus Curix sæculari, laqueo luit pœnas, ipsius etiam cadauere flammis absumpto. At præter hæc, quæ diximus de falsis nominibus, quænam alia grauissima suppetant argumenta ad redarguendam imposturam, iam in medium asseramus: sed primum hic ipsam, prout abs te in tuo secundo colloquio cussa legitur, reddamus epistolam, quæ sic se habet post recitatam superius inscriptionem.

Experientia compertum est multorum, Rectorum mores varias viuendi normas in monasterijs peperisse. Hinc factum est, vt iam omnia monasteria Campaniæ, Samnitiæ, Valeriæ, Tusciæ, Liguriæ, & aliarum prouinciarum Italiæ certam & rectam regulam viuendi, quam sanctissimus & Deo acceptissimus Benedictus magister tuus instituit, seruare decreuerint, vt iuxta illam viuentes, nec ad dexteram, nec ad sinistram declinare præsumant. Hanc ego seruandam proposui huic Congregationi, cum nuper me in suum Abbatem elegerit indignum. Quam cupientes in hoc monasterio, sicut in Cassinensi monasterio, obseruare inuiolabiliter, decreuimus ad sanctitatem vestram destinare religiosos ex eadem Congregatione viros, Hugonem & Paulum Fratres nostros, iuxta prædictam sanctam Regulam, & obseruantiam plenius instituendos in Cassinensi sancta Congregatione. quos commendatos apud paternitatem tuam humili obsequio rogamus. Datum in monasterio prope Vrbem Fundanum VI 1. Kal. Aprilis. ] ita descripta & recitata abs te epistola, cuius artifex subdolos (quisquis ille fuerit) id ex ea voluit posse probari, iam ipso tempore Simplicij Abbatis, ad quem data habetur epistola, prouinciæ Valeriæ monachos sub S. Benedicti Regula profiteri cœpisse, sicq. Valentionem illum primum Abbatem & institutorem S. Gregorij monachum fuisse Benedictinum. ita quidem. Si enim vera fuisset ostendi posset epistola, iam causa tota esset euicta, ac perorata, tibiq. Constantine, adiudicata; sed quoniam manifestæ conuincitur falsitatis, te eadem causa cadere, certum est.

Scias itaque, non solum ex dictis illis duobus nominibus adsciticijs, Bernardo & Hugone, reddi epistolam hanc tuam de impostura suspectam, immo conuictam; sed id ipsum a nobis demonstrandum longe euidentiori argumento, quo quidem tu ipse constrictus, atque omnino conuictus idem asserere, (nisi priuatus affectus mentem obnubilet) id ipsum, fateri cogaris, & exclamare etiam tu ipse, zelo veritatis incensus, aduersus huiuscemodi nebulonem, tanti sceleris architectum, etiam si renueris, a conscientia compellaris. Nam si ostendero ante annos decem & octo excisum fuisse Cassinense monasteriũ, quam potuerit ea epistola ad Simplicium scribi: plane falsam illam esse affirmare cogaris, quæ scripta dicitur ad Simplicium in monasterio Cassinensi commorantem.

Accipe igitur certam rei demonstrationem omni testificatione maiorem, non ab alio auctore quam ab eo, qui eodem tempore vixit, eiusdem ordinis sanctissimo monacho allatam, eodemq. discipulo S. Benedicti, Fausto scilicet dico, sincerissimo S. Mauri vitæ scriptore, cuius in

primis assertione illud constat, Simplicium æque discipulum S. Benedicti, datum fuisse comitem ab eodem Patre sanctissimo ipsi Mauro in Gallias proficiscenti, ubi vna cum eo etiam iugiter permaneret: quod & præstitit vsque ad ipsius Mauri obitum, necnon Bertulphi Mauri successoris, qui duobus post Maurum superuixit annis. Inde vero vna cum eodem Fausto, (vt ipse in præfatione testatur) est reuersus ad suos, ex quibus egressus fuerat, monachos Congregationis Cassinensis tunc Romæ in Laterano commorantes. Sed quoto anno Redemptoris id acciderit, ex eiusdem Fausti supputatione in fine vitæ ipsius Mauri facta sic accipe, ab ipso rerum principio ab eodem auctore ita deducta: « Oblatus est, inquit, Maurus beato Benedicto; habitauit cum eo annos viginti. ] sicq. inde ab eo recessisse oportuit anno salutis quingentesimo quadragesimotertio. nam in confesso est apud te ipsum absque dubitatione aliqua, ex Leone Ostiense & alijs, anno vigesimotertio post quingentesimum oblatum fuisse a patre suo Eutychio S. Benedicto Maurum ipsum. His itaque si addas annos illos viginti comoratoris cum eo, vtique (quod dictum est) salutis anno quadragesimotertio post quingentesimum, asserere opus est, ipsum S. Maurum a S. Benedicto in Gallias esse missum. Adjice rursum huic numero annos quadraginta & vnum, quibus cum Mauro vixisse, vsque ad obitum scilicet ipsius Mauri, Simplicium, Faustus affirmat, atque his adde annos duos vitæ Bertulphi successoris Mauri, quibus retenti ab eo sunt ambo Simplicius atque Faustus, antequam recedere possent ex Gallia in Italiam: fiet omnino annorum numerus octoginta sex supra quingentos, quo scilicet anno Faustus & Simplicius sunt ex Gallia reuersi ad suos Fratres Cassinensis Congregationis monachos, non autem ad Cassinense monasterium; quia iam ante destructum fuerat anno salutis (vt tu ipse etiam constanter asseris) quingentesimo septuagesimooctauo: « quo ex tempore vsque ad reditum Simplicij atque Fausti anni numerantur decem & octo. Si ergo Simplicius toto illo tempore mansit in Gallijs, nec reuersus est inde, nisi elapsis annis decem & octo post destructum monasterium Cassinense, nempe anno octogesimosexto post quingentesimum: quomodo potuit ille Bernardus Abbas monasterij S. Honorati misisse duos illos monachos ad Cassinense monasterium ad Simplicium instruendos, si neque tunc extabat monasterium Cassinense, iam ante decem & octo annos excisum? Quid ad hæc Constantine dicis? vera sunt ne ista, quorum tantus testis est auctor, eiusdem S. Benedicti charus alumnus Faustus, cuius verba & scripta omnes vt diuinum oraculum consueuerunt accipere? Detestare igitur mecum detectam de falsa epistola imposturam, labora vt flammis vtricibus detur, quæ adeo vestram honestissimam Congregationem infamat, Fausto ipso S. Benedicti discipulo vindicem aduersus eam agente.

Sed quomodo tu ipse in alijs etiam pluribus magnopere atque multipliciter ex ijs, quæ ex Fausto sunt allata, redarguaris, quæ quidem miramur abs te non esse considerata, accipe. Ac primum dum vis Simplicium

a Apud Sur.  
dis 15. Jan.

b pag. 100.  
§. 26.

c pag. 170.  
§. 22.

plicium hunc tertium fuisse Abbatem post S. Benedictum in monasterio Cassinensi, cum tamen (vt expresse habes ex Fausto) ipse Simplicius numquam sit reuersus ad suos, nisi post annos quadraginta tres a professione in Gallias, atque post excisum monasterium Cassinense annis decem & octo: Redargueris rursus a Fausto, cuius & auctoritate conuinceris, quod male sis interpretatus verba S. Gregorij, de Simplicio, a quo de vita S. Benedicti pleraque acceperat conscribenda, sic loquentis: Simplicio, inquit, qui Congregationem illius post eum tertius rexit.] interpretatus, inquam, Simplicium post S. Benedictum fuisse tertium Abbatem monasterij Cassinensis: cum tamen ex his, quæ dicta sunt ex Fausto res oculis spectante, appareat manifeste, id quod dicit S. Gregorius; post eum tertius rexit.] relationem habere non ad S. Benedictum, sed ad Valentinianum Lateranensem Abbatem. Ac licet post Valentinianum, ponatur ab eodem Fausto in præfatione Theodorus tertius Abbas, id accidit ex diuersa ratione & ordine numerandi, nimirum quod ab ipso Valentiniano inceptis Gregorius numerare, Faustus ab eo, qui post Valentinianum primo loco successit: alias inter Faustum, & S. Gregorium magna fieret discrepantia. Tertio vero loco generatim es redarguendus a Fausto, dum in supputatione tam Abbatum Cassinensium, quam Lateranensium, in qua tantopere laboras, mirum in modum errare conuinceris idem tu ipse, qui in Baronium ex perperam facta eorumdem Abbatum supputatione petulanter adeo insultasti. fortasse dicturus es more tuo, ista nos dicentes, vniuersam conuellere antiquitatem. At nos contra dicimus, velle eam statuere, atque etiam restituere, ipsa nempe veterrima veterum in lucem prodere, quæ scripta reperiantur ab antiquo S. Benedicti discipulo Fausto, eiusq. auctoritate reliquos redarguere oscitantia, quod in peruestigandis antiquis scriptis adeo tepuerint, atque cœcutierint. Vt sic intelligant omnes, vnum nostrum hoc esse studium, ipsam antiquitatem adeo obscuratū elucidare.

Sed accipe adhuc a Fausto correctionem quartam, qui ex eo etiam te redarguat, quod mendaciter illum citas, quasi asserat, post Valentinianum fuisse Abbatem Lateranensem Gregorium quemdam: <sup>b</sup> sunt enim hæc tua verba: Cui, Valentiniano, successisse Gregoriū quemdam, tradit Faustus in vita S. Mauri.] hæc tu ipse. at in vita Mauri a me sæpe perlecta nihil tale potui reperire. Siccine bona fide rem agis, vt non falsos tantum testes, sed falsas etiam testificationes adducas? Faustus igitur tuus pater, tuus corrector insurgat, teq. redarguat, quod patrem decet, amanter.

Esti autem, redarguente Fausto, qui ea, quæ vidit (vt testatur ipse) conscripsit, errasse conuinceris tam recensendo Cassinenses Abbates, quam etiam Lateranenses: veniale tamen sit tibi, quod alijs præuijs, quos es secutus, errantibus, tu quoque in eandem erroris foueam tractus, cum ipsis errasti. <sup>c</sup> Siquidem Paulus diaconus primus erroris huius signifer reperitur, dum ita ante te numerauit successionem Abbatum Cassinensium; quem secutus est postea Leo Ostiensis. <sup>d</sup> Vixit ille, scrip-

a Lib. 2. dial.  
in princip.

b pag. 169.  
vers. 10.

c Paul. diac.  
lib. 4. c. 6. in  
mon. c. 13.  
d Leo Ostien.  
Chron. Cass.  
lib. 5. c. a.

sitq. temporibus Caroli Magni, annis post S. Gregorium pene ducentis; iste vero post annos quingentos ab eodem Pontifice. Hos & alios scimus esse secutos, Paulo diacono inhærentes, qui quidem deceptus esse nascitur ex ambigua sententia verborum Gregorij, relatione ab eo facta ad Benedictum, quam ad Valentinianum proxime positum esse reuocandam ex his, quæ scripsit Faustus, apparet. Qui vnus instar omnium nobis sit, vt qui oblatu S. Benedicto septennis, coaluit cum ipso, crescens cum annis pariter & sapientia, apud quem permansit vsque ad tempus profectiois S. Mauri, quando (vt dictum est) vna cum ipso, atque Simplicio, alijsq. collegis in Gallias missus est, vbi permansit vna cum eodem Simplicio vsque ad obitum S. Mauri atque Bertulphi, post quem eundem Simplicium redeuntem in Italiam dicto tempore est secutus. qui cum & eiusdem Simplicij peregrinationis, & stationis, profectiois, & reuersionis comes fuerit indiuiduus: plane de rebus Simplicij perdisceendis, nemo erit qui cum Fausto veniat comparandus: ita vt neque, si vnîuersus orbis in contrariam sententiam conspiret, aliquid Fausti fidei detrahi possit, quæ præ tanti viri dignitate, a nemine hæcenus fuerit in dubitationem, vel controuersiam deducta. Quod vero haud, vti par erat, habita ratio est a legentibus de tempore Simplicij mansionis in Gallijs, & in Italiam reditus; euenit vt de eodem Simplicio etiam grauissimi auctores errauerint.

Ad excusationem vero Pauli diaconi, & aliorum, qui eum sequuti ponunt Simplicium tertium Cassinensis monasterij Abbatem, primum dico ac repeto, Paulum ipsum, & ipsi inhærentes ex eo deceptos, quod S. Gregorius nominauerit eum tertium Abbatem, ita existimantes tertio loco successisse S. Benedicto. Inde vero iidem ex eodem Fausto in præfatione ad vitam Mauri ex ijs, quæ proxime recitabimus, decepti quidem fuisse videntur, cum putarint, ipsum afferuisse, eundem Simplicium reuersum ex Gallijs in Italiam ad monasterium Cassinense; sicq. cum eum S. Gregorius appellet tertium Abbatem, quem Faustus asseruerit Cassinum rediisse absque aliqua ambiguitate visum est, esse dicendum, Simplicium tertium fuisse Cassinensem Abbatem. Excusatione plane dignus error, vt senties, cum audieris quæ a Fausto in dicta præfatione ad vitam Mauri narrantur. Ipse enim ibidem agens de suo reditu vna cum Simplicio ex Gallijs in Italiam, hæc ait: Ego itaque cum longe post transitum egregij Confessoris Benedicti magistri nostri, operum mirabilium patris, sepulto iam beatissimo Mauro & duobus comitibus nostris Constantino, & Antonio, ad nostrum monasterium, vltimam iam pene ætatem, vna cum Simplicio, iuxta mandatum beati Mauri, fuisset regressus: compulsus ab omnibus Fratris Congregationis Cassinensis cœnobij, de quo profecti fueramus, &c.] subdit enim, quomodo ab eiusdem monasterij monachis rogatus, scripserit vitam S. Mauri. Ista tu audiens, Lector (rogo te) nonne his suus, firmiter animo concipis, eosdem Faustum & Simplicium rediisse vnde missi fuerant a S. Benedicto, ad monasterium Cassinense? Vtique plane, dices, cum

cum id visus sit idem auctor asseruisse verbis illis : Ad monasterium nostrum regressus, compulsus ab omnibus Fratribus Congregationis Cassinensis cœnobij, de quo profecti fueramus . ] Sentirem, fateor, hoc ipsum & ego, nisi alia euidentiora obstarent omnino : neque ab ista sententia dimoueret, quod idem Faustus mox subdit, se etiam a Theodoro Abbate monasterij Lateranensis fuisse rogatum, vt de vita S. Mauri historiam scriberet. Nam nihil prohibet, quin a diuersis, diuersisq. locis atque temporibus potuerit idem Faustus esse rogatus, vt faceret sentirem, inquam, & ego idipsum, atque sic errarem cum illis, nisi exacta temporis disquisitio, ne in eundem errorem impingerem, veluti in tenebris lux veritatis, tamquam admota lucerna fulsisset.

Quænam autem ista lux fuerit, superius est demonstratû, nempe certa temporis ratio, ex supputatione annorum per eundem Faustum ex notis multiplicibus comparata, qua absque vlla penitus dubitatione, reperitur, eorumdem Fausti & Simplicij ex Gallijs in Italiam reditum contigisse post decem & octo annos ab exciso a Longobardis Cassinensi cœnobio, ita vt non potuerint ipsi vlllo pacto in idem cœnobium ad suos Cassinum esse reuersi, sed potius Romam ad Lateranense cœnobium, quo omnis beata Congregatio illa Cassinensis post destructum monasterium Cassinense confugerat, idq. non ante annum Redemptoris quingentesimum octogesimum sextum; sicq. tota illa descriptio Fausti, qua ait, se cum Simplicio ad suum monasterium esse reuersum, de quo profecti fuerant, sit intelligenda non de loco, sed de personis ipsius loci, nempe de Congregationis Cassinensis Fratribus. Qui autem ista haud adeo accurate considerarunt, mox in eam sententiam abeuntes putarunt omnino, cum Fausto Simplicium Cassinum esse reuersum, ibiq. Abbatibus munere tertio loco post S. Benedictum esse perfunctum. Fuit horum primus (vt dictum est) auctor omnium Paulus diaconus, qui secum traxit reliquos omnes, qui eadē de Simplicio asseruerunt, nec aliunde, quam ab eodē accepta. Idipsū disertis verbis Trithemius affirmavit, eodē scilicet Fausto atque Simplicium esse reuersos a Gallijs in ipsum Cassinense cœnobium. Nam audi quid dicat primum in libro de Scriptoribus ecclesiasticis, cū agit de Fausto : <sup>a</sup> Mortuo sancto Mauro, ad montem Cassinum reuersus est. ] & in libro de viris illustribus de ambobus eadem istis verbis : <sup>b</sup> Mauro defuncto, Faustus & Simplicius ad cœnobium Cassinense sunt reuersi, cum iam prope vltimam agerent ætatem. ] hæc ipse, sed errans.

<sup>a</sup> Trib. de  
Script. eccles.  
c. 2.  
<sup>b</sup> Idem.

Qui autem primus omnium eiusmodi peruestigauit & inuenit errorem, nempe fieri non potuisse, vt iidem Faustus atque Simplicius ex Gallijs post tot annorum curricula reuersi fuerint in monasterium Cassinense, quod id ratio temporis (vt dictum est) prohiberet, vt sæpe superius demonstratum est; fuit Petrus diaconus Cassinensis, qui (vt par erat) nequaquam hos voluit reuersos esse Cassinum, sed Romam in Lateranense cœnobium, & prudenter quidē. Sed qui non, vt debuit, quem inuenit, corripuit errorem : grauius inde errauit & ipse. Qui primus post annos quingentos & amplius a temporibus Fausti atque Simplicij absque aliquo præ-



*a Petr. diacon.  
de vir. illust.  
Cass. c. 5.*

uio assertore, pro animi arbitrio, duos excogitauit fuisse Simplicios, alterum scilicet tertium Abbatem monasterij Cassinensis, alterum vero collegam Faulsi ex Gallijs, reuersum Romam ad monasterium Lateranensem, sicq. vnum eundemq. secuit in duos. Sed quo auctore, qua reificatione, cuius assertionem antiquioris? nullius penitus. Nemo enim toto illo decursu quingentorum annorum inueniri vsquam potest, qui duos fuisse Simplicios dixerit, eiusdem temporis monachos præclaros discipulos Benedicti: licet ipse vltimo illo compendio volumine, quod scripsit de viris illustribus Cassinensibus, visus est correxisse errorem, cum in eo non nisi de vno Simplicio meminerit, cum tamen in duobus tractatibus, quos antea scripserat, duos finxerat sibi Simplicios, in opusculo inquam, quod inscriptum est, Ortus & vita Iustorum cœnobij Cassinensis. atque in tractatu, cuius est inscriptio, Sermo in Octaua S. Benedicti. quos ante librum illum de viris illustribus fuisse conscriptos, ex eo redditur manifestum, quod in fine eiusdem opusculi, dum suas lucubrationes recenset, eorundem meminit a se scriptorum voluminum. In quo cum (vt diximus) non nisi vnum Simplicium agnoscat, & non, vt ante bis fecerat, duos constituat, videri potest a sententia discessisse, quam quidem haud firma ratione asseruisset, dum ex sepultura ipsius id conatus fuerit demonstrare.

Quam autem ea quæ recitat sint infirma, tu Lector, attende: ait enim in opusculo illo, cuius est titulus, De octaua S. Benedicti. cum agit de inuentione eiusdem venerandi corporis: Eodem siquidem tempore, quo Ecclesiæ speculum Desiderius eandem renouabat ecclesiam, cum tres non integras vlnas fodisset, die octaua eiusdem sanctissimi Patris: subito ignorantibus cunctis sepulchrum inuenit, in quo tanti Patris conditus retinebatur thesaurus. Statim vero terræmotus factus est magnus, odoris quoque extitit tanta suauitas, vt omnes simul maximo pauore stuperent: mons etiam totus ab imo vsque ad summum quatiebatur; decem namque & septem vicibus eo die a terræmotu concussus est: super sepulchro quoque in dextero latere altaris laterem reperit, nomen eiusdem Confessoris continentem. & narratis ijs, quæ tunc accidisse ait, miraculis, ista subiicit: Aduersperascente vero die, a venerabili patre Desiderio deputati sunt quæ plurimi Fratres, qui vigilas tota nocte iuxta sanctissimi Benedicti corpus celebrarent. Cumq. omnes alij egressi fuissent, Gregorius eiusdem ecclesiæ Paramonarius dixit: Si æquum vobis videtur, sacratas reliquias, antequam dominus Abbas veniat, inspiciamus. Quod dictum dum placuisset omnibus; accedentes ad locum, inuenerunt super sepulchri sindonem expansam candidissimam, quæ cum tangebatur, euanescebat. leuantes autem lapidem, inuenerunt duas sepulturas, in quibus hoc ordine reliquiæ posite erant. Loculus erat marmoreus in dextera parte sepulchrorum longitudinis quatuor pedum, & latitudinis pene duorum, in quo ossa patris sanctissimi Benedicti, & sororis posita erant. In sinistro autem sepulchri latere locus erat ligneus positus, in quo caro eius posita erat. positi autem fuerant ita: capita

corum

eorum contra chorum; pedes contra altare sancti Baptistæ Ioannis habentes. Iuxta pedes vero eorum inuenerunt sepulchra, in quibus Carolus sanctus, & Constantinus, & Simplicius requiescebant. A dextro autem altaris latere Benedictum patrem sanctissimum, a sinistro beatam Scholasticam inuenerunt.] subiicit de sublato S. Benedicti dente per Gregorium. Sed & alia, quæ tunc accidisse tradit, narrat miracula: at hæc fati a nobis sint recitata de his quæ ad Simplicij corpus pertinent, de quo est disceptatio, quod ex eius sepultura Petrus arguat Simplicium Abbatem fuisse monasterij Cassinensis.

At hæc an in omnibus vera sint: appello in primis Leonem Ostiensem, qui tunc temporis vivebat, & ea quæ tunc contigerunt videbat, & quam exactissime describebat, studiosissimus Desiderij Abbatis, tunc eandem basilicam innouantis: appello, inquam, præcipuum vestrorum historicorum, ne refractarius nimis rerum vestrarum existimer. Quisnam nobis succeseat, si quæ vestri dixerunt, iidemq. auctoritate præstantiores, adducam in medium, ad confutanda ea quæ Petrus scripsit, vel alius nomine eius supposuit, qui necdum eo tempore natus erat? Leo igitur Ostiensis, dum de his agit, quæ tunc contigerunt, cum veteri destructa basilica, noua est ædificata, cuncta diligenter stylo prosequens, ubi venit ad effossum S. Benedicti sepulchrum, singula quæ tunc sunt facta, recensens, hæc habet de inuentione tumuli S. Benedicti: Interea dum adytum ad planitiem ecclesiæ, quæ cubitorum fere sex putabatur, consequenter disponderet: tres vlnas non integras fodiens, subito Benedicti patris venerabilem tumulum reperit. Moxq. cum religiosis viris communicato consilio, ne illum omnino mutare præsumeret, ne quis aliquid posset de tanto thesauro surripere: tumulum ipsum eodem, quo situs fuerat loco, pretiosis iterum lapidibus textit, ac desuper arcam Patrio marmore in transuersum basilicæ, idest, a Septemtrione in Meridiem, quinque per longum cubitis, opere præclaro construxit. Hoc itaque modo adytus in priori eminentia perstitit, ita vt a pavimento ipsius ad pauimentum ecclesiæ gradibus octo descendatur sub fornice scilicet maxima, quæ eidem adytui imminet, præter illum gradum, quo ad altare subitur, &c.] b prosequitur enim reliqua sigillatim eodem quo facta sunt ordine, vt nihil voluisse præterire visus sit, vt prudens Lector intelliget, si consulat ipsa.

Qui & inferius, dum agit de ipsius basilicæ dedicatione, deq. consecratione S. Benedicti altaris, post alias diuersorum Apostolorum, & Sanctorum reconditas ibi reliquias hæc addit: c Duo etiam argentea, c 2b d. lib. 3. c. 25. in fine. scrinia, plurimis Sanctorum repleta reliquijs intra ipsum altare honorifice sunt in marmore superiori suspensa, quæ reuerendissimus Papa Benedictus ob amorem & reuerentiam sanctissimi patris nostri Benedicti de sacrario Lateranensis palatii sumpta ad Cassinensem direxit ecclesiam, &c.] & ne quis dicere posset, iidem scrinijs contenta fuisse ossa Simplicij, quorumnam Sanctorum illæ reliquiæ fuerint, sigillatim inferius narrat.

At vbi nā mentio apud eundem Leonē de adinuentis & collocatis ibidē tribus alijs sepulchris, nempe Carlomanni, Constantini, atque Simplicij? insuper vbi mētio ibi, quod non vnum ibi sed duo sint inuenta sepulchra, alterum quo S. Benedicți ossa, alterum quo caro eius (vt ait) posita erat? certe quidē non nisi de vno tumulo, eodemq. S. Benedicți, Leo qui aderat, scribit: pręsentem enim se illa omnia inspexisse testatur, cū tamen reliqua cuncta longe minoris momenti, quę tunc sunt facta, memorię perpetuę tradere minime prętermiserit. Pręterea quomodo sub vno altari (vt est Petri assertio) inuēta sunt quinque sepulchra? Vel quomodo tantopere (vt idē Leo sępe testatur) esse potuit dubitatū, num illic esset corpus S. Benedicți: si quoties singulorū illorum triū Beatorum corpora illuc fuerunt illata, toties oportuerit ipsum altare detegi, & tumulum ipsius S. Benedicți perspicuum reddi omnibus intuentibus? Vel quoniam pacto paulo post Urbanus Papa successor ipsius Desiderij in Pontificatu, potuit adhuc dubitasse, (quod ipse Petrus diaconus scripsit: \*) cum Cassinum petijt, an illic corpus S. Benedicți reconditum esset, vt oportuerit eum diuinitus facta apparitione reddi certum si adeo patens nuper facta fuerat tot miraculis ipsius detectio sepulturę? Vel quomodo tot tāta signa illa coram edita ab ipso Leone Ostiensis potuerūt prętermitti, vt nec nutu saltem eorundem vilo pacto meminerit, qui longe minora de eodem S. Benedicō facta miracula scribere non prętermisit? Sed & quamam ratione, qui nouę ecclesię singula altaria dedicata recenset, & singulas in eis singulis Sanctorum reliquias collocatas enumerat, trium illorum corporum, quę tunc cum S. Benedicō essent inuenta, nullā penitus habuerit mentionem? Rursum quod ad terrę motum pertinet: potuit id nescisse qui aderat Leo Ostiensis, vel silentio rē tantam pręterijisse, qui inferius, quando reuera contigerit terrę motus ille longe post eandem extructam & dedicatū basilicam, cum domus extrueretur, meminisset hisce verbis, quibus idem Petrus manifesti mendacij arguatur? Tantam vero, dum ista foderentur, fundamenta donus scilicet, experti sumus terrę motus vim, vt vna die decem & septem vicibus, alijs vero diebus bis, ter, quaterq. ac sępius etiam per singulos dies sentiremus. Quod certe propter innumeras eiusdem loci sepulturas, necessario tunc violatas, quę sanctorum forte hominum fuerant, multis tunc contigisse putauimus: nam raro alias hoc loco contingere solent terrę motus. Hęc Leo, quibus mendacissimus conuincitur Petrus.

Hęc igitur tibi, Lector, considerāda proponimus, quibus intelligas ista a Petro omnino fuisse conficta, vel si non ab ipso, ab alio tamen fuerit potius assumētū eiusdē scriptis appositū, quo probaretur Simplicius Abbas fuisse Cassinensis, cū tamen neque ex corpore ipsius inuento, si verū fuisset, id necessario inferri possit, illic ipsum esse defunctū. Nā & corpus Carlomanni, quod dicitur ibidē repertū, liquet eiusdē Leonis assertione ex Gallijs translātum fuisse Cassinum. potuit namque accidisse, si vera essent quę apud Petrum inuenimus enarrata, vt monachi Cassinenses ad pristinum monasterium instauratū redeuntes, attulerint secū corpus eiusdem

a Leo lib. 2.  
c. 44.

b Chron. Cass.  
sin. lib. 4. c. 5.

c Leo lib. 3.  
c. 31.

d Leo lib. 1.  
c. 7. in fin.

eiusdem beati Simplicij. Ceterum nec hoc puto verum, quoniam nondum canonizatus, & inter Sanctos relatus reperitur fuisse Simplicius, vt corpus eius subtus altare poni potuisset. Nam si canonizatus, & inter Sanctos relatus fuit, vt eo honore Sanctis tantum debito dignus haberetur: quare non a Cassinensibus, vel ab alijs eius memoria aliquando inuenitur celebrata fuisse? In Benedictinorum enim Martyrologio nusquam de Simplicio mentio, nisi in recentiore Arnoldi, cum agitur de inuentione eorundem trium nuper nominatorum, auctoritate non alicuius, nisi Petri diaconi, cuius fides, quam vacillet, audisti. Euanesce itaque, vt tu vides, quæ post quingentos annos & amplius ab vno dumtaxat Petro de duobus Simplicijs adinuenta fuit assertio, a qua idem visus est recessisse, cum vltimo suo scripto nonnisi vnus meminerit, cum tam antiquiores, vt Paulus diaconus, & alij post eum, quam recentiores, vt Trithemius, nonnisi vnum suis scriptis Simplicium nouerint; licet in eo omnes errauerint, dum putarunt, eundem vna cum Fausto ex Gallia reuersum esse Cassinum. Hæc aduersus Petrum, vel Petri nomine scripta dicta sunt, non autem aduersum te, qui nonnisi vnum, vt reliqui omnes, tuis scriptis profiteris nosse Simplicium, errans tamen cum alijs, dum eundem constituis Abbatem tertium Cassinensem.

Post hæc autem tua prosequens scripta, inuenimus te sugillasse Baronium eo, <sup>a</sup> quod numerans Abbates monasterij S. Gregorij, aliquot prætermiserit. quid tum? Non eam suscepit prouinciam, vt Chronicon Abbatum monasterij sancti Gregorij compilaret; sed obiter ea attingens, quantum institutum ferret, ad alia tractanda se ex more conuertit. Inferius vero dum arguis eum, quod Abbatem vocet, <sup>b</sup> quem Præpositum monasterij S. Gregorius, quod ita S. Benedicti Regula tradideret, appellarit: hoc est quod disputatur, num eiusdem Regulæ S. Benedicti S. Gregorius esset, vt dici possit, eadem fuisse nomina præfecturarum. Sed leuia prætermittamus ista, quod nec in his Baronius immoretur. Iam vero ad sequentis diei, idemque tertium atque nouissimum Colloquium, quo absoluisi opus, conuertamus orationem, cum prolixum secundum istud Colloquium tuum iam paucis intelligas confutatum.

### IN TERTIVM COLLOQVIVM.

**N**VGaris primum in eo, seu potius calumniaris, quod affirmas ipso ferme tertij Colloquij exordio, a Baronio auctorem neminem afferri, qui asserat, quod probare conatur de S. Gregorio, eum non a S. Benedicto, sed a monachis prouinciæ Valeriæ ducere sui monachatus originem: cum sibi astipulantem citet ipsum S. Gregorium, id in dialogis iterum ac tertio profitentem, quo vno solo gaudet, vt confutet omnes tuos. Cumque his alia rursus subijs, declamans in eumdem, quasi id non recipiat, quod in hanc diem ab omnibus fuerit traditione receptum: <sup>d</sup> rursus ad tuam hæc in re incitiam pronocas detegendam, cum ex his arguaris nescire, quid nomen ipsum traditionis ab Ecclesia vsur-

patum importet; quod nempe illud dumtaxat vere traditum, & obseruatione dignum existimetur, quod ab omnibus vbique & semper sit in Ecclesia custoditum, vt, quod in exemplum ducimus, ipsum sacrum signum Crucis, quod licet nulla scriptura constet promulgatum fuisse, tamen traditum vere dici potest, & omni obseruatione dignissimum: cetera autem, quæ non sunt huiusmodi, secus, etiam si mille habeant testes, cum ex veritate certa conuinci possunt mendacij. Sit exemplo, quod ad finem colloquij dici secundæ a nobis est de Simplicio dictum. qui cum auctoritate Pauli diaconi longe ante Ioannem diaconum asseruit fuisse Abbas tertius cœnobij Cassinensis, hancq. sententiam ita mox secuti sint omnes, vt ne vnus quidem possit inueniri sensisse contrarium: tamen rei veritate comperta ex eius temporis Scriptore, qui ea cuncta vidit & scripsit, quis insaniens dixerit, tenendum esse, quod traditum; & veritatis compertæ nullam rationem habendam? Sic, cum tu ipse veritatem non ex certitudinis dignitate, momentisq. probationum expendis, sed ex numero testium, qui omnes quod ab vno esse dictum repperunt, turmatim absque aliqua discussione sequentes asseruerunt, adeo vt idem sint omnes ac vnus, cum ab vno in omnes idem fluxisse error inueniatur: perterritere fortasse poteris (quod præfati sumus) quempiam similem famulo Elisæi, a numerum immensum hostium perterritenti; ac non eos, qui ingenuitate polleant ex veritate, dicente Domino: b Cognoscetis Veritatem, & Veritas liberabit vos.] Ad hanc te in eudem prouoco, in qua crebrioribus ictibus probetur, quod sit aurum vel argentum adulterinum, quodve purum atque germanum.

At quid facis, cum aggredieris enumerare testes, qui faueant tuæ causæ, dum asseris S. Gregorium fuisse professorem Regulæ S. Benedicti? statuis ante primam aciem quem omnium fortissimum militem te habere existimas, c Bernardum videlicet Abbatem monasterij Fundani. Probe quidem, cum in tuam, tuorumq. erubescantiam (quod maxime doleo) rursus turpissimam eam imposturam spectandam adducis in scenam, rursus spectatorum sibilis explodendam. en qualem habes tuæ militiæ antesignanum. Hunc mox (ita abs te ordine isto rebus dispositis) sequuntur diplomata d eiusdem generis de donationibus factis a S. Gregorio, seu potius confectis monasterio Cassinensi. At de his nos copiose egimus in Responsione, quam post Apologeticum edituri sumus ad finem operis, vbi prouocati iisdem commenticijs scriptis, falcem & ignem immisimus in spineta illa falsorum documentorum, quo amando Lectorem.

At quid me occupas in refutandis reliquis futilissimis argumētis, & illo inter alia, quod subiicis, & deducis ex eo, quod scripsisse reperiatur S. Gregorius res gestas S. Benedicti, eiusq. instituta adamasse? Vnde huiusmodi deducis argumentum, vt dicas: c Si post cognita & laudata illa S. Benedicti instituta renuntiavit, & nuntium remisit sæculo: mirum valde esset, Gregorium aliud laudasse institutum, aliud professum fuisse. certe nouerat ipse vt iuris consultissimus illud ex eodē iure sumptū: Quod

semei

a 4. Reg. 6.

b Ioan. 8.

c pag. 184. 9.

d 127. 9. 3.

e pag. 184.

9. 25.

f pag. 186.

vers. 20.



semel placuit, amplius displicere non debet.] Quod si Gregorius non fuit ex instituto sanctissimi patris Benedicti, illud aut nesciuit, aut non obseruauit, nempe quod iuris regula est dictum. Quod illud nescierit, non conceditur, cum ex epistola eius optime comprobetur, iuris scientissimum fuisse, & si sciuit, utique & illud obseruauit. Nam ab eo, quod ei semel placuerat, numquam discessisse credam. Nisi forte rationem aliquam tu ipse attuleris, qua factum fuerit, ut tantus vir a tanto decreto discedere uoluerit. Quod cum facere non possis: necessario dicendum est, Gregorium institutum quod ipse verbis laudauit, re ipsa professum fuisse, &c.] hæc ita sunt uerba, quæ cum mirari iure possint omnes, qui legunt; totos oporteat eosdem in risum solui & dissolui, cum te videant monachum agentem iuris interpretem, qui uelis ea lege teneri quemlibet, ut quod semel laudarit, illud amplecti debeat; & non potius sit illud, quod regula iuris habet, ad contractus referendum, vel ad alia legalia placita, quibus aliquis sponte consenserit. Sed & illud quo dignum risu, dum a S. Gregorio exigis obseruationem eius legis, quam post annos ferme septingentos constat fuisse a Bonifacio Papa Octauo sancitam? *a Reg. 21. de reg. iur. in Sex.* En uides Constantine quanto periculo monachus agat iureconsultum, & quid sit, præsumere ultra crepidam. Ceterum quod ad S. Gregorium laudantem instituta S. Benedicti pertinet: nonne idem Gregorius aliorum Sanctorum virorum monachorum scripsit atque laudauit uitæ institutum, & sanctitatem, ut Equitij, Honorati, & aliorum? potuit ne omnium, quos probasset, Patrum sequi simul singulorum uestigia, & uitæ formam profiteri? Sunt enim ista uocationis Dei, & non hominum electionis, ut diuersi diuersa regularis uitæ instituta sectentur.

Post hæc autem reprehendens Baronium de eo, quod scripserat in Responsione ad alium Cassinensis Congregationis monachum, quæ es tu ipse secutus, ista subiicis: *b pag. 187. §. 20.* Scriptor ille tuus nouissimus deridet quemdam (Arnoldum scilicet Belgam, quem tu errantem nominare erubescis) quod dixerit beatum Benedictum nobilibus ortum natalibus; ac si grande peccatum esset hoc scribere.] Calumniose rursus more tuo res agis. Non negat ipse nobilitatem illam S. Benedicto tribuendam, quam S. Gregorius tribuit, immo laudat, & recitat ex uerbis eius, quod scilicet dicat, cum ingenuum ex liberioribus parentibus ortum. Risit quidem, quod Arnoldus ille tuus addiderit, ex Aniciano stemmate generatum, ex quo & genus Austriacum originem duxerit, ut sic ex eodem principio S. Benedicti genus, Philippiq. Regis Hispaniarum (ut ait) linea deducatur. Desinite ludicra ista miscere, & sic cohibebitis risum legentium. sed de questione hac, eiusq. confutatione agatur inferius in dicta Responsione. Hic uero tantum id attingam, quod subiicis uerbis istis: *c pag. 188. vers. 7.* Quare nescio, quo spiritu ductus ille tuus, qui ausus fuerit ostendere, beatum patrem Benedictum inferiorem nobilitate fuisse illo Defensoris filio, &c.] dicam ego, quo spiritu ductus; proculdubio a spiritu non uanitatis, sed ueritatis, ut qui non nisi S. Gregorij testimonio rem agens, eodem totidem descripserit uerbis; & ut ueritatis amator, haud æquo

animo tulerit, ita huiusmodi ineptijs lancinari veritatem.

a Pag. 188.  
vers. 15.

Subjicis autem ista itidem in fussionem Baronij: \* Quod idcirco dixerim, ais, vt disceres, quo animo erga nos sint illi tui Scriptores, qui ex qualibet re minima occasionem quærunt, vt quam affectu sint erga, institutum nostrum ostendant. ] hæc tu malus interpret candidissimi hac in re animi Cardinalis Baronij. Porro tu cū alias sæpe superius conuictus fueris rem hanc totā calumnijs agere: modo certe calumniosissimus (pace tua dixerim) arguaris, vt de te ipse iure Baronius verbis Apostoli possit expostulare, dicentis ad Galatas: <sup>b</sup> Ergo inimicus vobis factus sum veritatem dicens? ] Vt autem hac pessima suspitione concepta, & prodita scriptis te liberem, aliosq. simul ista legentes reddam de his omnino securos: hic ex Annalibus eiusdem Auctoris loca aliqua reddam, quibus Baronij animus explicetur. Sicut enim voces sunt earum, quæ in animo latent, passionum notæ, ita & scripta cuiuscunque id abundantius præstant. Accipe igitur sparsa per Annales elogia de sancto Benedicto, eiusq. sacra sobole ab eodem Baronio scripta; quo nomine vestri omnes eidem plurimum debeant, tu vero facti pœnitens percutere pectus debeas in detestationem concepti abs te, atque asserti mendacij: ac illud primum: \* Quod, inquit, admiratione dignum est. Sane quidem in S. Benedicti vocatione summa Dei in consulendo suæ Ecclesiæ innotuit prouidentia. Etenim tempore, quo (vt diximus) Italia, Gallia, Hispania, atque Africa a Gothis, & Vuandalis hæreticis Arrianis possidebantur, Oriensq. pene totus esset infectus hæreticis: in tam tetra noctis obscuritate densaq. caligine eiusmodi claritudo lucis effulsit, sanctus videlicet Benedictus, qua vniuersus Catholicus orbis illustraretur. Quantus autem splendor ex viro Dei Benedicto ad Ecclesiam illustrandam diuinitus emicuerit: inferius suis locis ordine temporum enarrabimus. ] & rursus de Benedictinis monachis: Illud gloriose prædicare liceat, coalescente nobili planta maioribus incrementis, in dies magis magisque dilatatum esse eundem ordinem monachorū S. Benedicti, progressuq. temporis complures alios extitisse monachorum ordines sub eiusdē sancti Regulis milites. ] & post multa de eiusdē Benedictinis: <sup>d</sup> At quis Dei consiliū nō magnopere admiraretur, dum considerat, eodem ferme tempore, quo in Oriente monachismus magna esset ex parte collapsus, compluribus ex eisdem a Fide Catholica in diuersos hæresum errores deficientibus, alijs vero ab illo veteri instituto rigido in delicias prolabantibus: eodem, inquam, tempore in Occidente instaurari, longe lateq. diffundi obseruantiam monasticæ disciplinæ, eandemq. adeo secundo germine propagari, cum veluti ex tenui furculo prægrandium exortæ sint frugiferarum arborum silux, quæ vniuersam repleuerint Occidentalem Ecclesiam: extiteritq. locupletissimum seminarium, ex quo plurimi progressi sint sanctissimi diuersarum ecclesiarum Episcopi, nec defuerint ex eis, qui in Throno Apostolico confidentes vniuersam Catholicam Ecclesiam, cum vehementiores vrgerent fluctus, constantissime gubernarint: progressiq. ex eodem monachorū

b Gal. 4.

c Annal. rom.  
anno 491.

d Annal. rom.  
anno 529.

ordine

ordine sint, qui Apostolico munere complures barbaras nationes Christi iugum ferre impatientes, tandem ad Christianam Fidem sponte capessendam conuerterint: prodierintq. alij, qui ob suscepta grandia pro religione certamina sint victores consecuti coronam martyrij. Præterim modo illos, qui sacrarum litterarum scientia nobiles, inter Scriptores ecclesiasticos floruerunt. Nec numeramus, quæ numerari vix possint sacrarum examina virginum. sicut nec facile sit recensere, quot ex hoc vno vere dicendo sui humilitate fonticulo immensa flumina sint deriuata. Quot, inquam, ex Benedicto diuersorū ordinum sint progressa agmina monachorum, qui licet diuerso nomine in Dei Ecclesia circumamicta varietate censantur; instituti tamen esse S. Benedicti, & ab ipso progredi gloriantur. Hæc tanta tibi vno intuitu, tamquam immensum cælum in paruo globo descriptū inspiciēda modo obiter proponimus &c.] & inferius eodem anno in hæreticos detractores S. Benedicti & suorum, vbi de diabolo meminit, qui S. Benedictum, Maledictum nominabat, ista subinfert: Intelligis ex his puto, Lector, cuiusnam lingua loquantur, cuiusve spiritu agitentur infelicissimi Nouatores, qui in eundem sanctissimum virum, aliosq. a Deo benedictos monachos maledicta & contumelias iaculari nō cessant. ] hæc Baronius, quem nisi scire fuisse presbyterū nostræ Congregationis, assererem fuisse Benedictinū, cum his & alijs præclaris elogijs Benedictinos, cū datur occasio, prædicet, & in eos obloquentes seuerè cohibeat. vnde sane, si res in controuersia duceretur, vter vestri, tu ipse, an Baronius magis S. Benedictū atque Benedictinos monachos diligat: & ipse vt iudex interpellatus sententiam ferrem: procul dubio primas Baronio deferrem, hac potissimum ratione, quod statera, qua expendendus est amor, vt sit verus, est rectitudo. vnde & illud Cantici: \* Recti diligunt te. ] a qua quidem si quis deuiet rectitudine veritatis, non recte amare conuincitur, sed carnali affectu spiritualia prosequi, quæ inficiant potius quam decorent. siquidem caro & spiritus sibi iniucem aduersentur. Cessa igitur talia in Baronium effundere; & in tui ordinis amoris rectitudine, si sapias, potius imitare ipsum, qui veri amoris integritate longe te superet.

Subijcis<sup>b</sup> post hæc argumentum ex Regula, quā a S. Gregorio seruandam vis susceptā, eo quod eam laudasse inueniatur illis verbis de Benedicto agens: Scripsit monachorū Regulam, discretionē præcipuam, sermone luculentam. Quam autem, inquis, tantū laudasse cōstat, quis eam non professum fuisse iure dicere poterit? ] & vnde tibi, vt quoscumque laudatores inuenis, eodē facias professores? laudatos ab eodē habes alios etiā monachorum patres, Equitium & Honoratum, siuē alios; & quomodo poruit non laudasse omnes, eorumq. instituta commendasse, quos miraculorum signis quæ scripsit, esse Dei charos amicos intellexisset? sed quod ad Regulam spectat, audi quo modo ipse Gregorius cum de sui monasterij Regula meminit, nequaquam eam S. Benedicti fuisse tradat. c ait enim, cum agit de monacho proprietario: Eiusdē mei monasterij semper regula fuerat, vt cuncti Fratres ita communiter

a Cant. 1.

b pag. 190.  
verf. 25.c Greg. dial.  
lib. 4. c. 35.

viuerent.

viuerent, quatenus eis singulis nulla habere propria liceret. ] hęc ipse, cui certe peropportuna patuisset occasio, vt si professor ipse fuisset Regulę S. Benedicti, eiusdem tunc meminisset: sicut & alibi cum contigit meminisse Regulę sancti Benedicti, agens de Specioso atque Gregorio monachis, ait: <sup>a</sup> Eius se Regulę in sancta conuersione tradiderunt. ] Quod si vna communis omnibus Regula cum Gregorio fuisset, Regulę nostrę conuenientius dixisse, videri poterat.

<sup>a</sup> Greg. dial.  
lib. 4. c. 2.

<sup>b</sup> pag. 190.  
9. 32.

Quod vero subijcis, <sup>b</sup> cum dixit S. Gregorius, loquens de Regula S. Benedicti: Scripsit monachorum Regulam. sic accipiendum, quod cum & ipse Gregorius monachus esset, sibi etiā scriptam fuisse innuat. Non enim, inquis, dixit: Monachorum suorum Regulam, sed vniuersę dixit monachorum Regulam. ] Tuum istud argumentum tollitur ex textu ipso Gregorij proxime citato, quo ipse peculiariter suę, & seorsum Regulę S. Benedicti mentionem fecit, & redarguit quod subdis: quo vsu loquendi vtitur in epistolis. Ex quo intelligitur, illum semper intelligere Regulam sanctissimi patris Benedicti &c. ] at longe postea contigit istud, cum toto scilicet orbe Occidentali, fuit communiori vsu recepta eiusdę S. Benedicti Regula, vt per Antonomasiā simpliciter dicendo, Regulam monachorum, Benedictina significaretur, secus autem temporibus S. Gregorij, cuius perperam tu citas epistolas.

<sup>c</sup> pag. 192.  
9. 9.

Quod vero perstans in argumento de laudata a S. Gregorio Regula S. Benedicti, subijcis istud Dilemma: <sup>c</sup> Aut enim monachus erat, quando res gestas sanctissimi patris Benedicti conscripsit, aut non. Si erat, vt experto vtique credendum est, & merito eum laudasse quod profitebatur. ] ad hanc priorem Dilemmatis partem primo dixerim, vtique fuisse monachum, cum illa scripsit, immo & Pontificem, agentem in Pontificatu iam quartum annum, vt est demonstratum: sed quomodo sequitur quod dicis, vt expertus laudaret eam? quasi ex tua sententia non aliam quam quę sit expertus, laudare quisquā possit, & non quod laude dignū putarit, liceat laudibus prosequi? subijcis vero: Si non erat, monachus Gregorius scilicet, cum illa scripsit, sed postea monachus effectus est: & aliud institutū elegit, audacter dico, stultissimū fuisset aliud verbis probasse, & laudasse, aliud factis exhibuisse: esset enim hominis inconstantis. quod de S. Gregorio dici nō debet, nec potest. ] hęc tu. Sed quid si fecisset, quod & factū offendimus, num abs te propterea huiusmodi factū stultitię arguendū adeo animose fuisset? Patienter tibi ferendus, sancte Gregori, monachus iste, cum tanta audacia profitetur, si hoc abs te factum esset, stultissimum dici debuisset, si, inquam, sectatus non fuisses quam laudas Regulam Benedicti. Compello te, Constantine, si tibi loquendum esset de Regula Carthusianorum, vel S. Francisci, & aliarum austeriorum, quas sancta Ecclesia Romana probauit: laudares ne illas, an non? vtique laudaturum te eas, dices recta sententia: quidni enim laudares, quas laudatas ac probatas ab Ecclesia scires? si adderem: Quare ergo non profiteris easdem, quas laudas, transiens ad arctiorem, quod licet? quid diceres? vtique illud: Non sic eas laudaui, vt nisi profitear illas,

stultitię

stultitiæ sim mox arguendus, cum diuersi sint hominum gustus, & non in idipsum vocati sint omnes. hæc tu ita prudenter. At quomodo ausus es, idipsum si egisset Gregorius, sanctissimum Patrem tam audacter summæ stultitiæ redarguere? An non dignus haberis, qui ob tam grauē culpam leuiori saltem subijciaris virgæ monasticæ? tu dicit. Grande certe piaculum, audax facinus, dictum arrogans id asseruisse, atque in illud discrimen Gregoriū adduxisse, vt si manifestissimis rationibus probaretur, alterius instituti quam S. Benedicti fuisse: mox stultitiæ imensæ & inconstantia notam incurreret. sed parcat tibi ipse Gregorius, cuius admirandam sanctitatem adeo tenui eodemq. marcido tui Dilemmatis filo suspendis.

Post ista autem rursum repetis<sup>a pag. 193. v. 3.</sup> eandem disputationem de tempore, quo S. Gregorius scripsit librum secundum dialogorum, contendens probare si posses, ab eo illum scriptum ante annum Redemptoris quingentesimum & sexagesimum. Sed quia ista confutauimus ex ijs, quæ superius dicta sunt de Simplicio, a quo partem rerum gestarum S. Benedicti idem Gregorius se accepisse testatur, qui non ante quadragintatres annos est reuersus in Italiā, anno scilicet Redemptoris octogesimo sexto post quingentesimum: omnes illæ tuæ argumentationes euanescent, vt sit tibi contra Faustum omnino silendum. His vero subijcis de propagata religione ordinis S. Benedicti in exterarum nationes, quibus assentimur. quis hoc negat, quod idem Faustus per S. Maurum factum in Galliis docet? sed de propagata tam cito in Angliā, non possumus consentire, illis obstantibus, quæ diximus in Responsione, quæ post Apologeticū in fine ponetur. Nec persuadet quod Polydorus Virgilius, qui nuper res gestas Anglorum scripsit, hoc dicat nulla antiquorum auctoritate, sed suæ mentis arbitrio: non enim recentioribus de antiquioribus testantibus fidem adhibemus, nisi quæ dicunt, vel ratione, vel antiquiorum testimonio fulciantur. Alioquin si via ista aperitur, vt nouissimo cuique quælibet asserenti absque auctoritate, vel ratione probata credatur, in potestate cuiuslibet erit, quod velit asserere, & antiquitus tradita dissipare. At sic est Baronius comparatus, vt scriptis suis nullā fidem adhiberi velit, nisi antiquiorum testificatione quæ scribit, affirmet ac comprobet.

Post hæc autem longa frustra niteris oratione, vt ostendas plurima, privilegia concessa a Romanis Pontificibus monasterio atque Congregationi Cassinensi. Quis negat? quis invidet? An non Baronius, cum datur occasio, eorumdē cum laude meminit? Numquid quia confutata falsa, vera negat? vel quia detestatus est imposturam aliquorum, condemnat quæ comperit & certo nouit esse germana? minime gentium. Vnde ergo sibi, vt eum fugillans, in ista, more tuo, amara verba amarus ipse prorumpas, vt dicas:<sup>b pag. 209. §. 19.</sup> Quare exeat nunc nescio quis male affectus erga nostram Congregationem & prædictum sacrum cenobium, & irrideat; dicatq. illa ipsa tot & tanta privilegia opus esse monachi otiosi: nam illico, prolatis archetypis, mendacio conuincetur &c. ] hæc tua, & alia his consentientia. Ad quæ in primis, quod pertinet ad dijudican-



dum animi affectum, iam superius, cum istam notam inureres, tu primū inustus ab ipsa, certa assertione monstrauiamus, præstare etiā hac ex parte Baronium tibi ipsi, qui in eo quod spectat ad cultum sancti Benedicti, eiusq. ordinis monachorum, nolit cuiquam primas deferre, & ipse numerari secundus. Quod si ab ipso quædam contigit asserta priuilegia, siue donationum instrumenta redargui imposturæ: id non insultans, sed dolens fecit; dolens, inquam, quod florentissima monachorum institutio sanctissimi patris Benedicti istiusmodi sordium aspergatur inquinamenti, quæ (quod deterius est) non expurgentur a suis; immo intacta finantur, & conseruentur; & si quis veritatis scopā euertere aggrediatur, prohibeatur omnino. siccine colitur sancta religio? Ita etiam profecto mali parentes amant malos filios proprijs affectibus indulgentes, odio prosequentes reprehensores eorum, qui eos ad meliorem frugem reuocare laborent. Ille ne amor dicendus, an odium, diligere siue in rebus, siue in personis vitia? Si ergo vere sunt vitiosa atque omnino falsa & commenticia diplomata illa: cur adeo ægro animo fertis, confutari ipsa, & manifesti erroris conuinci? si non sunt, seu non putantur a vobis talia esse, cur argumenta singula aduersus ea plane insolubilia non soluuntur illata? sed vna tantum illa responsione gaudetis, quæ vtimini,<sup>a</sup> cum ista rursus animo acriori subiungitis: Dicit, & hæc a tātis Imperatoribus emanata priuilegia esse monachi otiosi opus, & tot Imperatorū maiestatem, dignitatem, & exultationē conuellat, & nihili faciat. Et quia scio quemdam recentissime admodum scripsisse aduersus hæc diplomata & donationes, quæ omnia vocat deliria, & ficta quondam fuisse, nullamq. fidem eis præstandam scripserat, cum sola nuda verba, & non facta consideret, annisq. nos prosequitur, qui rebus magis quam verbis credimus, cum quæ patent sensibus, sciamus non egere probatione &c.] ex his nimirum, Constantine, deducis, quod cum monachi ea possideant quæ dictis diplomatibus continentur, ipsa reuocari non possint in dubium, nec erroris argui & confutari. perbella tergiuersatio, quæ sic te putas eludere simul omnia argumenta. Non hoc agit, qui ea redarguit falsitatis, vt bonorum illorum vos iniustus arguat possessores, neque quod bona illa eorumdem falsorum documentorum auctoritate possideatis, aliquando dixit; sed hoc potius, quod pluribus eiusdē monasterij naufragijs, deperditis germanis earūdem donationum scriptis, aliquis ex vestris, sed non de vestris, impostor illa cuncta finxerit, quæ sunt confutata, diplomata.

At vero quid egisti, ita carpens & sugillans illum, qui hoc non, vt tu putas, liuido, sed candidissimo animo præstitit? hoc vtique, quod cum omnia illa, quæ scripsi in Responsione ad religiosum monachum vestrum, nequaquam edere statuissem, ne viderer voluisse vestræ sanctissimæ religioni ignominiam irrogare, sed continuissem hætenus intra domesticos parietes, ostendens ea aliquibus ex vestris, vt sic res sub silentio absque vulgari strepitu ageretur, ac ita consuleretur existimationi vestri ordinis, dum pariter consulitur veritati: tu nunc hæc

ex parte ( dicam libere ) de tui ordinis Congregatione pessime quidem meritis, cum secretam illam vobis ostensam Responsionem publicis scriptis abs te cufis nifus sis confutare, coegeris nolentem, & haecenus vestrae existimationi parcentem; illam edere, quam tu ipse confutandi ita manifestasti; sicq. maximo tuo, tuorumq. dedecore huiusmodi editis scriptis insulsiſſimis, extorſeris de manu nostra illam ad Cassinatis Congregationis alium monachum Responsionem, in qua diplomata illa, quae tu dicis, redarguuntur manifestissimae imposturae: vnde in te vnum culpam conijciant omnes tui veritatis amantes. Quia tantum abest, vt his tuis scriptis confutaueris ea quae in contrarium a nobis allata fuerunt; vt magis magisq. ita frigide respondendo, vestro ordini notam inuuleris indelebilem. Nos autem Deum, & homines contestamur, ad haec inuitos & renitentes pertractos, abs te quodammodo necessitate coactos; ne si taceremus; redargueremur improbi re vera calumniatores, prout notati istiusmodi tuis scriptionibus inuenimur; sicq. tacendo, culpa, quae nulla inest, videri potuisset nobis inesse. Quam praestitisset, Constantine, vt ipsum quidem prudentius rem agentem imitatus esses Cassinensis item Congregationis monachum tuum, qui antequam sua cederet, nobis ostendit: liberaſſes quidem te, tuosq. a multis angustiis: nam inter nos sic res transacta esset sub silentio, absque strepitu concurrentium ad spectaculum, quos tu, parata scena, magna pompa ad dialogorum colloquia, tamquam ad actus comediae conuocasti. sed reliqua prosequamur.

Ad confirmationem falsorum diplomatum, S. Thomam inuitum ac reluctantem conaris adducere testem, vt in alijs saepe facere consueuisti; cum subdis: \* Libet hic ad coarguendam eius ignoratione afferre, quod S. Thomas respondens aiebat: Quod vero secundo proponitur, quod beatus Benedictus in vita sua amplas possessiones recepit, hoc sufficit ad ostendendum, quod communes possessiones non totaliter excludunt monasticam perfectionem. & haec D. Thomas, quibus vbique confirmat quod dicebant illi de possessionibus receptis a beato Benedicto; quas vtique recepit vel a Tertullo, vel ab Equitio, seu a Gordiano, prout praedictae tabellae donationum probant & factum ipsum: nam monachi nunc vsque sunt in bonis ipsis. Quod si a praedictis donatae non fuerint, vt ingeminatis, & propterea falsas illas donationes esse asseritis: alium producite vos donatorem, & alias tabellas, quae haec eadem bona narrent, quia velimus, nolimus, cogemur fateri, nos in errore esse, vos vero vera dicere. Quod cum non feceritis, nos factis credemus, vos pro libito vestro verba deridete, cum res ipsa probet nos vera dicere, vos nugas texere. ] hucusque tu Constantine, quem totum anxium intueor ex tuis scriptis; vereris nimirum, ne ex conuictis falsitate diplomatibus, mox rei vendicatione latifundia illa, omnes insuper villas, & oppida a vobis auferre laborem, cum tu non ex diplomatibus, quae aperta luce falsa comprobantur, tueri conaris bona illa vestra esse; sed ex eorum possessione probare diplomata esse vera. Non hoc agimus (vt nuper diximus)

cum certum exploratumq. sit apud nos, vos eorum omnium esse legitimos possessores, sed non plane ex diplomatibus illis, quæ falsa omnino esse conuicimus, sed ex alijs quæ non extant, in quorum locum supposita fuerint falsa illa, quæ tu tuicq. rerum inscij pro veris ostentant. Quod si coneris ex illis probare eorum legitimam possessionem: vide in quam grande periculum conijcias ipse tuos; cum ex illis hoc tantum lucri vobis accedat, vt conuincamini omnino, ea omnia falso vos titulo possidere. Vide rogo (te modo appello Lectorem) cum quo homine sit mihi negotium, qui contra propria commoda adeo impense laboret. quodq. magis displicet, sanctum Thomam S. Ecclesiæ Doctorem cogere velit falsitati astipulari, cum nec verbum quidem de illis diplomatibus apud eum extet, sed tantum de possessione bonorum, quæ non ex illis commenticijs, sed legitimis scriptis, titulo iusto possederint. sed ad reliqua.

a pag. 114.  
p. 1.

Quod autem aduersus ea, quæ dicta sunt in Responsione de tempore promulgationis Regulæ S. Benedicti, paulo \* post frustra tergierfaris, vt effugas Petri diaconi atque Sigeberti de promulgata Regula S. Benedicti post eius obitum assertionem: iam vnde ipsi id acceperint, nuper inuenimus testificationem quidem omni fide maiorem. Extat in Vaticana bibliotheca veterrimus codex, in quo ipsa S. Benedicti Regula descripta habetur, & post eam Martyrologium Vsuarii eiusdē antiquitatis. Ante ipsam autē Regulam brevis præfatio præposita legitur his ipsis verbis:

Incipit Prologus de Regula sancti Benedicti Abbatis.

Qui leni iugo Christi colla submittere cupis, Regulæ sponte da mentem, dulcia vt capias mella. Hic Testamenti veteris, nouiq. cuncta mandata. Hic ordo diuinus. Hicq. castissima vita. Hoc Benedictus pater constituit sacrum volumen, suisq. mandauit hæc seruanda alumnis. Simplicius Christi ministri magistri latens opus \* propagauit \* vt omnes. Vna tamen merces vtrosque manet in æternum.

\* Al. publicauit.

Incipit Regula. Ausculta fili &c. ] Ad istam plane præfationem visus est allusisse, quem diximus, Petrus diaconus, dum ait: Simplicius Regulā, quam suus magister condiderat, *idest occultauerat*, publice legendam omnibus monachis tradidit. ] & Sigebertus eadē ipsa recitata superius verba habet dū ait: \* Simplicius discipulus eius latens magistri opus publicauit. ] ex qua lectione Sigeberti mendum in codice illapsum corrigi potest, vt vbi legitur, propagauit, dicendum sit, publicauit. Quamuis nec inepte legitur, propagauit, vt sit sensus: Regulam in Italia propagauit, quam in Gallia, vsque ad finem Mauri & successoris, suis monachis seruandam tradiderat. Sed & ex eadem lectione præfationis ad Regulam, in eo quod ait, Magistri latens opus publicauit, siue propagauit, ] nosce in Petro diacono legitimam lectionem & germanum sensum verborum illorum: Simplicius Regulam, quam suus magister condiderat, publice legendam omnibus monachis tradidit. ] vt sit sensus secundum dictam præfationem ad Regulam, quod Simplicius Regulam, quam sanctus Benedictus occultauerat, publicauit. Sicq. vox illa, condidit, non ibi significat quod, composuit, sed quod, occultauit. At quid ex hæc

veritate

b Sigeb. de ill.  
lustr. Script.  
eccl. l. 6. 31.

veritate triplici teſtificatione probata deducimus? Equidem conſuſio-  
nem illam, qua pro Baronio quaſtio omnis abſolvitur. Etenim cum ſu-  
perius ex Fauſto S. Benediſti diſcipulo ſit demonſtratum, Simplici-  
um ex Gallijs in Italiam minime rediſſe ante annum Redemptoris quingē-  
teſimum octogēſimum ſextum, ante quod tempus nec Regulam potue-  
rit in Italia publicare: neceſſario ſequitur, vt S. Gregorius, qui ante  
Simplicij reditum ingreſſus eſt monaſterium, nullo pacto potuerit eſſe  
profeſſus eiufdem ſancti Benediſti Regulam, quæ lateret adhuc, nec vſ-  
que ad Simplici ex Gallia reditum fuerit publicata. Simplicius enim  
e Gallijs rediens, illam, quam a S. Benediſto acceperat experiendam  
Regulam, iam annis quadraginta tribus vſu probatam, ſaluberrimamq.  
inuentam, promulgari curauit pariter in Italia, cum ex Gallia ſero  
rediſſet.

Quod autem poſt hæc parallelos congeris inſtituti S. Gregorij cum  
Regulis S. Benediſti: quis negare poterit, omnes Regulas religioſorum  
aliqua habere inter ſe communia, & aliquibus peculiaribus legibus ab  
inuicem ſeparari? Quod ex omnibus Regulis oſendiſſe Benediſtum quæ-  
dam Abbatem, a Siebertus affirmat.

a Sieb. de il  
luſt. ſcrip. Ec  
cleſ. c. 62.  
b Greg. dial.  
lib. 3. c. 16.

Addis poſt hæc ex ſancto Gregorio argumentum, quod dicat in dia-  
logis, b S. Benediſtum admonuiſſe Marcium Anachoretam, vitam  
ſolitariam agentem in monte Marſico, vt ſi ſeruus Dei eſſet, non  
catena ferrea ad ſtabilitatem tenendam comparata, ſed vteretur ca-  
tena Chriſti: deducis, inquam, in argumentum quod ſanctus Benedi-  
ſtus ex officio curam gerebat omnium monachorum. At quod id  
S. Benediſtus vt Abbas faciendum præceperit, non autem vt amicus  
admonuerit, nihil eſt quo probare poſſis; immo plane contrarium in-  
ducitur. Siquidem ſi ſui fuiſſet ſub S. Benediſti diſciplina monachus con-  
ſtitutus, nequaquam aggredi permiſſus eſſet illud vitæ inſtitutum, quod  
ipſe S. Benediſtus non probaret, nedum vt tamdiu in eo perſeuerare ſi-  
neretur. ſed eſto, ſub Benediſto etiã fuerint (vt viſ) Anachoretæ: quid  
eſt quod inferſ: Monachus iſte erat in monte Marſico: Marſi a Paulo dia-  
cono ponuntur intra Valeriam: ergo S. Benediſtus curabat monachos,  
qui erant in prouincia Valeria? redargueris enim primũ ab ipſo S. Gre-  
gorio, qui ait ipſo eius narrationis inſtitio, montem illum fuiſſe in parte  
Campaniæ: ergo non in Valeria. diſtinctam enim fuiſſe Campaniam a  
Valeria, ſatis aperte idem Paulus c diaconus docet. Nec eſt quod argu-  
mentari poſſis a nomine, montem Marſicum in Marſia fuiſſe prouincia,  
cum dicat S. Gregorius expreſſe fuiſſe in Campania; ſicut nequaquam di-  
xeris aliquando montem Atticum (hactenus ita nominatum) qui eſt non  
longe a Caſſino prope Atinum, eſſe in Græcia prope Athenas, ex nomi-  
nis ſimilitudine. Sed quid tu ex his demum conaris efficere? nempe vt  
ex montis nomine prouinciam, ex prouincia monaſteria in ea ſita lucre-  
ris, & cum monaſterijs S. Equitium cum ſuis S. Benediſti præſecturæ  
ſubiicias; ac ſic vt tandem Gregorium capias, retia iuuat dilataſſe. ſed  
frustra, vt qui non niſi tenuem aerem his includeris, cum procul abſit,

c Paul. diag.  
lib. 2. c. 20.

vt sic tibi adiumento epistola Bernardi Abbatis Fundani, quam citas, quæ superius vt spuria & notha conuicta est. Frustra enim iacitur rete, ante oculos pennatorum.

a pag. 221.  
9. 6.

Addis ad hæc alia longe magis a proposito <sup>a</sup> aliena, nimirum appare-  
re ex Imperatorum diplomatibus multa loca possessa in prouincia Vale-  
ria a monachis Cassinensibus: ergo, inferis, monachi in ea prouincia po-  
siti spectabant ad S. Benedictum: nempe S. Equitium atque socios Intel-  
ligis; perinde ac si Equitius, & eius discipuli illorum agrorum coloni ad-  
scripticij fuissent, vt dominus, qui esset fundi, colonorum pariter do-  
minus censeretur? Sed quod timeres citata abs te diplomata, vt alia, re-  
uocanda in dubium fore, hæc subijcis amarulenta: <sup>b</sup> Quis adeo perfricat  
ta fronte crit, vt audeat dicere, hæc diplomata esse hominis otiosi? ] &  
paulo post: Si vero aliquis morosus, vel nasutus deliria hæc esse (vt moris  
est illis) dicere ausus fuerit, si prædicta priuilegia a me citata in forma (vt  
aiunt causidici) probanti, nõ inueniuntur in Tabulario prædicti sacri ce-  
nobij: nolo vel allata, vel nominata fuisse. ] parce tibi monache; nec te  
impellat furor in verba eiusmodi cõtumeliosa monacho indecẽtia & in-  
considerata. Quid ais? Citas Tabularium Cassinense? Num bibliotheca  
Cassinensis siue aliud Tabularium eius est Arca fœderis, vt in ea non nisi  
rabulæ sacræ legis includantur, & sacrosanctum esse affirmare necesse  
sit, quidquid in ea reperiatur esse reconditum? cum certum sit ibi repe-  
riri cuncta quæ sunt a Baronio vel a nobis confutata diplomata? Nam de  
reliquis, quæ non vidimus, licem non mouemus; quæ si prodantur in lu-  
cem, luci admouebimus ea, & ad lapidem Lydiñ, vt cetera, reuocabimus.  
sed nõ curamus ista disquirere, quæ non pertinent ad institutũ. A t tu, qui  
ita nasutos sugillas, eos nimirũ qui emunctis naribus, odoratu acuto ve-  
stra perlegũt; velles (vt video) Lectores omnes obstructis naribus habe-  
re stertentes. Verum sæculum præsens omniũ cruditißimum haud huius-  
modi consuevit habere Lectores, sed longe dissimiles, censores seuerissi-  
mos, quos iure timeant etiam illi, qui te scientia multipliciter antecel-  
lunt, quorum iudicio tu magno periculo tua legenda cum offers, fore  
puto, vt te pœniteat instituti; cum in plures nasutos, quos vocas, te sen-  
seris incidisse. Nam nec deerunt, qui etiam (quod nos consulto omisi-  
mus, ne repuerascere videremur) ob solœcismos ac barbarismos Orbiliij  
ferulæ te subijciet.

a pag. 232.  
vers. 10. 212.  
vers. 22.

Subijcis inferius, <sup>c</sup> probari sanctum Gregorium fuisse monachum san-  
cti Benedicti ex consuetudine & amicitia vsu, quam cum S. Benedicti  
Abbatibus habuit. Sed quid mirum, cum præsertim loci vicinitas sua-  
deret? etenim Lateranense monasterium haud procul positum, sed pau-  
cis passibus distans a monasterio sancti Gregorij in eodem Cælio mon-  
te situm quis ignorat? Tu vero tenuissimam huiusmodi coniecturam,  
veluti robustissimũ Enthymema istis verbis amplificas: Ex quibus omni-  
bus habetur perspicue, quod antea dicebamus, Gregorium videlicet  
ysum fuisse consuetudine, familiaritate, & quotidiana cõuersatione mo-  
nachorum instituti sanctissimi patris Benedicti, tam in monasterio suo,  
quam



quam alibi, vti & tamquam monachum eiusdem instituti. Sequitur ergo necessario fatendum esse, cum ex eodem instituto extitisse. ] scilicet, quæ sit peculiare etiam laicorum Deum timentium cum Sanctis religiosis habere amicitia ætissimum vinculum, eisdemq. assiduo frequentare.

Descendis ad zonam pelliceam, <sup>a</sup> quam inuentam esse in eiusdem S. Gregorij sepulchro, cum venerandum corpus ipsius est eleuatum, scribit Ioannes diaconus, quæ cum esset pollicis vnus mensura in latitudinem coarctata, hinc monasticæ S. Benedicti obseruantia fuisse S. Gregorium, ipsius Ioannis testificatione expressum esse demonstras. Sed quomodo ex zona mensuræ latitudinis vnus pollicis potuit Ioannes diaconus intellexisse S. Gregorium fuisse instituti S. Benedicti monachum, cum ipse S. Benedictus in Regula nequaquam zonæ latitudinem definisse, nec an instar balthei, pellicea esse deberet, vlatenus statuisse sciatur, sed dixerit hæc tantum: Cincti singuli cingulis, aut funibus. ] Sed nihil est quod dicere possis, ex zona monachorum sui temporis eius materiæ atque mensuræ Ioannem diaconum id esse interpretatum. Nam post trecentos ferme annos a tempore S. Gregorij asserere eiusdem generis zona vsos tunc fuisse Benedictinos, hoc est diuinare, cum ex eiusdem S. Benedicti Regulæ præscripto certum est, eos vti potuisse ad præcinctum etiã fuisse. Sicq. appareat, vel mihi minimum quidem curasse S. Benedictum, hoc vel illo cingulo sui monachi vterentur, cum e contra tam Orientalium, quã Occidentalium Africanorum monachorum cingulũ constet fuisse tantum pelliceum, quod ex S. <sup>b</sup> Basilio, <sup>c</sup> Cassiano, <sup>d</sup> Fulgentio est facile demonstrare. <sup>e</sup> Quinimmo ex eiusdem S. Gregorij arcto cingulo possumus interpretari, magis S. Basilij Regulam esse secutum, cum ipse S. Basilius in vestitu monachorum suorum humilitatem, exilitatem, tenuitatem ad ipsam necessitatẽ tantum, mirum in modum commendat. nam audi quale ipse genus omnium indumentorum suis vsui esse velit: Quod, inquit, ne quidquam minimum præferat curiositatis, minimoq. sumptu parari possit, & ad necessarium vitæ vsum modo sit satis. Hic canon perpetuo tenore seruetur. ] Vide igitur, an cingulũ S. Basilij monachorũ latioris mensuræ, quam pollicis esse potuerit, quod S. Basilij officina nonnisi ad mensuram necessitatis, humilitatis, & paupertatis conficere suis monachis consuevit. Ex colore autem vestium dum argumentaris, <sup>f</sup> S. Gregorium fuisse instituti S. Benedicti, quod nigris, vt illius monachi, ipse sit vsus: de his etiam inferius pluribus agitur & in Responsione, vbi inter alia ex antiquis picturis monasterij S. Andreæ est demonstratum, monachos illius monasterij vsos esse indumentis castanei coloris. sic & de monachis suis a S. Gregorio missis in Angliam, an fuerint Benedictini, inferius pariter dicendum erit.

<sup>a</sup> pag. 230.  
<sup>verf.</sup> 27.

<sup>b</sup> Basil. Reg. fus. disp. l. n. serrog. 23.  
<sup>c</sup> Cass. lib. 1. c. 16.  
<sup>d</sup> In vita ipsius Sur. rom. 1. die 1 Ian. eod. lib. l. n. serrog. 22.

<sup>f</sup> pag. 233.  
<sup>g</sup> 7.

<sup>g</sup> pag. 234.  
<sup>h</sup> 11. 246.

<sup>h</sup> 8.  
<sup>i</sup> pag. 239.  
<sup>verf.</sup> 7.

Cum autem <sup>h</sup> hinc descendis ad defensionem diplomatis, quod fingitur a S. Gregorio datum Bonito Abbati Cassinensis Congregationis; quam frigide agas, Lectores iudicent, qui ea, quæ de illo habentur in Responsione, legentes, cum hisce tuis conferent; in quibus cum te inextricabili-

triacabilibus sententiarum demonstrationibus ex tuis etiam verbis constringi; hoc tibi parvas effugium miserorum, ut ex eo legitimū esse probes, quod in Cassinensi bibliotheca Longobardicis scriptum litteris habeatur: *ac* si quidquid eo charactere exaratum inuenitur, tamquam sigillo Apocalypsis sit consignatum, in dubitationem non liceat reuocare, & desint hodie quoque Scriptores, qui eorundem formam elementorum valeant imitari, ut plus apud te probet genus characteris, quam veritas manifestis rationibus confirmata. Sed calumnia agis, dum calumniose nos dicis impostorem accusare Laurentium, qui diplomata hæc cudenda, curauit, quasi illum dixerimus fuisse eorum auctorem. Non ista diximus, sed potius ab ipso primum edita, non adinuenta, quæ scimus haberi in, Cassinensi bibliotheca, quam ab his sordibus expurgandam monuimus.

*a pag. 241.*

*f. 29.*

Idipsum dixerimus de *a* diplomate Zachariæ Papæ, quod frustra munire laboras auctoritatibus successorum Pontificum, nisi contra illud obiecta diluas: nam sic successores illud confirmasse dicendi erunt, si verum illud & legitimum esse constitisset, non autem si subrepticum, multo minus si falsum omnino esse conuinceretur. Id quoque dixerimus de recentioribus nostri sæculi Scriptoribus, qui nulla de eo habita diligentiori discussione, quod legerant, germanum esse existimantes, eiusdem meminerunt.

*b pag. 241.*

*f. 29.*

Sed quod iam deuenimus ad id, quod ab exordio Apologetici huius polliciti sumus, ut ostendamus nimirum, Zachariæ Papæ nomine priuilegium collatum monasterio Cassinensi esse adulterinum, sicut reliqua, a Laurentio monacho cusa post Chronicon Cassinense: cum tu de ipso acturus es ista præmittis: *b* Quia enim nouissimus ille tuus Scriptor deridet priuilegium Zachariæ; a me, ut dixi, consultus antefatus Bibliothecarius, Cassinensis, præcedentibus hæc infra dicenda subiecit, &c. Attigit plane Baronius in *c* Annalibus ista quam breuissime, sed obiter de ipso agens, quod tunc occurrebat, absque aliqua derisione (quæ tu calumniose more tuo obijcis) ut ex falsis notis temporis sibi inuicè aduersantibus, & diuerso Zachariæ in his conscribendis vsu, idem priuilegij diploma in suspicionem tantum adduceret falsitatis. Ita Baronius paucis transiliens, attigisse rem potius videri voluit, quam tractasse; ne si absque leui saltem censura illud præterijisset, oscitantæ nomine iure quidem redargui posset; si vero in eo confutando immoratus esset præter institutū, inuidiam vestrorum, & odium (quod nec sic vitare potuit) incurreret.

*c Ann. 10.9.*

*an. 748. in f.*

Sed quod iam tu amariuscule rem tractas, impellis sane, ut copiosius de his agam: & quæ tunc modestè causa apud se, vobis parcens, continuit Baronius, hic aperiā. vnde tibi, Constantine, non mihi, tui succenseant, qui ad detegenda indecora ista, me plane coegeris, tum ex eo, quod ad tua falsa probanda, e falso illo scripto elicis argumenta, tum etiam, ut calumnia tua Baronium liberem. In re autem adeo seria pertractanda hoc nobis ordine incedendum, ut primum a tuis argumenta illa petamus, quibus idem priuilegium in vehementem suspicionem falsitatis adducatur; inde reliqua subiiciamus, quibus imposturæ manife-

stissimæ

stissimæ conuincatur. Quod igitur ad primum attinet, Leo Ostiensis ipso ferme exordio Chronici Cassinensis de legitimo priuilegio Zachariæ Papæ concessio eidem monasterio agens, eiusdem sic referat argumentum: <sup>a</sup> Ab hoc etiam Papa sanctissimo prædictus Abbas priuilegium primus accepit, vt hoc monasterium cum cellis omnibus ad se pertinentibus, vbicumque terrarum constructis ob honorem, & reuerentiam sanctissimi patris Benedicti, ab omni Episcoporum ditione sit liberum, ita, vt nullius iuri subiaceat, nisi Romani Pontificis. ] hæc Leo de his, quæ legitimo Zachariæ priuilegio continerentur. quæ minima censetur pars eorum, quæ nunc dicto priuilegio adsciticio continentur, eademq. ad finē ipsius posita, cum ista præcedant longe maiora, quorum Leo in primis meminisse debuisset. Et quænam ista? audi verba ipsa ibi descripta: Præterea corroboramus, & in perpetuum confirmamus eidem dilecto filio, eiusq. successoribus in omni conuentu Episcoporum, & Principum superiorem vniuersis Abbatibus sedem, & in Concilijs, & iudicijs priorem sui ordinis omnibus sententiam proferre. ] & paulo post: Pro quo Cassinense cœnobium exaltantes, decernimus, atque in perpetuum confirmamus, vt supradictus locus dignitate, vigore, & honorificentia præcellat omnia monasteria, quæ constructa, & construenda sunt in toto orbe terrarum, &c. ] sunt ne ista eiusmodi, vt eorum mentio minime habenda fuerit a Leone, dum veri diplomatis collegit argumentum?

Sed & cū in hoc eodē adsciticio priuilegio adeo indubitata & expressa mentio fiat de venerandis corporibus S. Benedicti, & S. Scholasticæ in eodem monasterio quiescentibus: <sup>b</sup> cur idem Leo, cum acerrime disputat aduersus eos, qui assererent eadem translata in Gallias, non citauit, quod nosset, Zachariæ diploma, id firmiter asseuerans? An non sunt hæc talia, quibus diploma merito debeat induci in suspicionem falsitatis? adde his maiora. <sup>c</sup> Petrus diaconus, idemq. Cassinensis Bibliothecarius, qui quartum addidit librum ad Chronicon Cassinense, agens de disputatione habita coram Lothario Imperatore cum Gerardo S. R. E. Cardinali sub Innocentio Papa Secundo, de iuribus & priuilegijs Cassinensium monachorum, cum citata ab ipso contra aduersarium afferat plurima de nobilitate, dignitate, & priuilegijs monasterij Cassinensis, hincinde non sine labore quæsitæ, de eiusmodi tamen priuilegio Zachariæ Papæ mentionem nullam penitus habuit, quod certe primo loco citandum fuerat ob tot tamq. insignia in eo posita de eiusdem monasterij dignitate & priuilegijs: ex quo in eam persuasionem omnino adducimur, vt existimemus, eo tempore nondum illud commenticiū, priuilegium fabricatum, sed postea excogitatum, atque confictum. Nam si extitisset, tunc necessitas maior, quam vniquam fuerit, vrgebat, vt citaretur, atque ostendendum aduersantibus adduceretur in medium. Quis neget, ista ex vestris deducta vehementem de falsitate suspicionem inducere?

At quæ sint illa, quæ id ipsum priuilegiū manifeste redarguant falsitatis, & imposturæ certæ conuincant, sic accipe. Extant eiusdē Zachariæ Papæ complu-

<sup>a</sup> Chron. cass.  
lib. 1. c. 4. in  
fine.

<sup>b</sup> Leo Ostien.  
chron. cass.  
lib. 2. c. 44. &  
45.

<sup>c</sup> Chron. cass.  
lib. 4. c. 110.  
111, 112, 113  
& 114.

complura Scriptorum monumenta, immo & eiusdem generis priuilegiū ab eo cōcessum nobilissimo Fuldensi monasterio tunc erecto, in quorū omniū fine ad significandum tempus, quo ipsa data noscatur, præter Indictionē, poni semper cōsuevit certus annus tūc regnantis Imperatoris, sicut inter alia expressum habes in priuilegio concesso Fuldensi monasterio, in cuius fine leguntur ista: Dat. pridie Non. Nouembris, Imperante domino Augusto Constantino, anno trigesimosecundo Imperii eius, Indictione quinta.] Sic ibi, sicut & in ceteris eiusdem Pontificis diplomatis, alijsq. publicis monumentis recitatis in Annalibus<sup>b</sup> per singulos annos, quibus ipse vixit. At cum hæc nota desideretur in isto diplomate commenticio Zachariæ, vbi nulla prorsus mentio Imperatoris: quis non intelligat imposturam? præter diuersam in nomine Notarij, & muneris eius nomenclaturam, quæ diuersa ponitur in vtrisque.

Insuper, ne ab his recedamus, cum idem priuilegiū datum Cassinensibus habeatur Indictione prima anno primo eiusdē Pontificis: quomodo ista sibi cohererent, cū primus annus eiusdē Pontificis incidat in decimam Indictionem? Rursus quomodo fieri potuit (vt iā ad res in eodem priuilegio contentas veniamus) vt Zachariæ Papa muniat priuilegio illo, anno, vt asserit, primo sui Pontificatus dato, cuncta quæ concessa fuissent ab Agilulpho, siue Agilulpho Duce Beneuentano, qui nondum eo tempore a Luitprando Rege fuerat institutus Dux Beneuentanus, occupante adhuc illum Ducatum Godeschalco? qui cum extremo tempore Luitprandi a Beneuentanis fuisset occisus, tum demum ab eodem Rege Agilulphus iisdem præfectus est Dux: quæ quidem accidisse noscuntur paulo ante obitum eiusdem Luitpradi, quæ incidisse liquet anno Redemptoris septingentesimo quadragesimoquarto, cum Zachariæ ageret in Pontificatu annum tertium. Certe quidem post dictum Zachariæ priuilegium, ea præstita ab Agilulpho, Leo quoque Ostiensis cōmemorat.

Præterea quomodo ibi ponitur, post Cassinense monasteriū iunctum fuisse eodem priuilegio nobile monasterium sancti Ioannis in Venere dictum cum pertinentijs suis (sic enim loquitur) si nondum id monasteriū fuisse erectum, constare possit ex matricula, seu inuentario (vt vocant) eiusdem monasterij Cassinensis, scripto a sancto Abbate Bertario de rebus positis sub diocesi Theatina, in qua idem monasterium, & bona eius essent? in quo nulla prorsus de eo mentio habetur, quod tamen si extitisset, pro insigni nobilitate sua primo loco recensendum fuisset. Recitat idem Bertarij documentum Leo Ostiensis, quod tu consulere poteris. Quin si huius monasterij scriptorum fuissent etiam deperdita monumenta; tamen quæ extarent solo fixa ipsius bona, eius nomine fuissent omnino recensenda. quæ cum sub alienis titulis ibi posita esse legantur: plane satis euidenter apparet, nondum fuisse erectum tempore Zachariæ Papæ dictum celebre monasterium S. Ioannis in Venere. Ex his accipe & intellige, Constantine, cuius sint ponderis illa, quæ ibidem quoque scripta leguntur, quod Deus S. Benedicūm patrem omnium constituit monachorum, quæ abs te, nulla de veritate diplomatis habita diligentiori peruesti-

<sup>a</sup> Annal. 10.  
9. ann. 491.  
prope finem.

<sup>b</sup> Annal. 10.  
9. ann. 741.  
cap. 751.

<sup>c</sup> Paul. diac.  
lib. 6. c. 16.  
57. 58. edit.  
Plantin.

<sup>d</sup> Idem lib. 6.  
c. 18.

<sup>e</sup> Leo Ostien.  
chron. Cass.  
lib. 1. c. 3.

<sup>f</sup> Idem lib. 1.  
c. 47.

peruestigatione, sunt affixa tamquam gemma pretiosissima in epistola nuncupatoria ad Clementem Papam, nesciente vitru' reiectaneum esse, quod putasti smaragdum.

Quid dicam de epistola eiusdem Zachariæ Papæ nomine ibi posita ad Petronacem Abbatem? Eiusdem plane farina cum priuilegio illo esse cognoscitur, in qua & eadē ex parte dicantur, quæ in illo habentur; addatur vero illud absurdissimū, quod cum memoriam Sanctis conuenientē plenariam & solemnē fieri ipse iubeat; post sanctos Benedictum atque Scholasticam, Tertullum etiā atque Placidum, & simili modo Gregorium Papam prædecessorē, de sua pariter agenda memoria mox ista subiiciat: Ac nostræ paruitati anniuersario depositionis die solemnem atque festiuam commemorationem faciant. ] pari modo scilicet (quod præmisit) vt nominatis Sanctis dixerat faciendā. At quis Romanorum Pontificum vnamquam, siue prædecessorum, siue successorum, sibi statuit post mortem reddendos honores debitos Sanctis, vt sic seipsum suo diplomate retulerit inter Sanctos, vt eorumdem cultum sibi reddendum præceperit sub anathemate? Facebant spuria ista stomachum ad nauseam permouentia.

Quid ad ista tu singula, Constantine? An satisfactum putas, si testificatione eius, quem citas Bibliothecarium Cassinensem, idē Zachariæ nomine priuilegium asseritur reperiri plumbatum in Archiuo Cassinensi, ac si id efficere impostori fuerit difficile, quod sibi, vt fidem aliquam mereretur, necessario sciret esse præstandum? Vel putas subsistere ex eo posse, quod reperiatur ab aliquibus esse citatum ex Scriptoribus vestris? Vel mihi persuadeam esse verum, quod asseris, confirmatum a tribus Romanis Pontificibus, Gregorio Nono, Urbano Quinto, & Bonifacio Nono? Non enim spurium, & falsum, quod nullum penitus est, dicendi sunt iidem confirmasse, sed legitimum illud potius priuilegium, quod ab eodem Pontifice Zacharia Leo Ostiensis (vt diximus) affirmat eidem monasterio fuisse concessum. quod etsi non extaret; tamen quid ipso contineretur, satis ab ipso expressum fuisset. Quod si adhuc contendis, non illud legitimum, sed istud spurium ab iisdem confirmatum: tunc præter primam falsitatem a nescio quo impostore patratam adijce alias perpetratas ab eis, qui per surreptionem falsi diplomatis, eas quas dicis confirmationes, surripuerunt. Tu vero, Constantine, si potiora foues iura, age, singula argumenta superius recitata conuelle, vt sic tibi tuisque illud ipsum integrum vendices priuilegium; alias te sentias frustra aerem verberare, & dum non eas euerrendo, sed ita miscendo agitas sordes istas, scito te semper maiore multiplicare luti congeriem, quæ iam ipsum aerem fœtore exhalante possit inficere.

Subdis de Mariniano Archiepiscopo Rauennate, quod fuerit & ipse eiusdē S. Benedicti Regulæ monachus; sed cū constet fuisse ipsum S. Gregorij monasterij monachū, ad principium quæstio reuocanda est, an S. Gregorius fuerit monachus ordinis S. Benedicti, de quo disseritur. At quod subiicis de Cassiodoro Senatore ex Trithemio, quod & ipse monachus fuerit ordinis S. Benedicti: haud patiar tantū mendacium ferri, illiq. a te

pag. 242.  
vers. 2.

pag. 249.  
vers. 23.

pag. 250. 9.  
392



coniungi, quo asseris ab eodem Cassiodoro Classense iuxta Ravennam, ædificatum esse monasterium, illudq. Benedictinis monachis ab eodem traditum incolendum. Quisquis ista ex recentioribus nostri temporis Scriptoribus obiter dixerit absque accuratori habita examinatione, non curo, cum idem ipse Cassiodorus, ubi locorum a se ædificatum monasterium fuerit, & quibus Regulis, & sub quibus Abbatibus institutum, suo stylo reliquerit aperte testatum: ut mirandum sit, te ista sicut & alia multa adeo secure profiteri, antequam eiusdem Cassiodori Jegeris commentarios, ad quos legendos, vel sero saltem, ut ista intelligas, prouocamus. Sed quot simul congesta mendacia? Cassiodorum asseris ex auctore, quem citas, & probas, post necē Boetij Classense monasteriū ex S. Benedicti instituto fundasse, eidemq. se dedicasse. Quod autem nonnisi vnum a Cassiodoro constet omnium testificatione cretum fuisse monasterium: quodnam illud ipsum fuerit, & ubi erectum, accuratius peruestigandum est. in quibus omnibus astruendis nemo negarit, maiorem fidem adhibendam esse ipsi Cassiodoro, quam ceteris omnibus. At quam diuersum a Classensi monasterio fuerit illud, quod Cassiodorus crexit, ex eius scriptis poteris intelligere; scies vero enucleatius, si Annales consulas, ubi de ipso agitur, anno Redemptoris quingentesimo sexagesimosecundo. Quam insuper longe post Boetij necem Cassiodorus monasticam vitam sit professus, ex eius scriptis quis non intelligat? cum constet perseuerasse post necem eius in obsequio Regum Gothorum ad plures annos. sed quod ipse sit amplexus Regulam S. Benedicti, ubi vel leue vestigium in ipsius scriptis, quæ ad suos monachos edidit de Institutione diuinarum lectionum? quis impressum poterit inuenire? Qui cum de se ipso testetur<sup>b</sup> fuisse annorum ætatis nonaginta-trium anno Redemptoris quingentesimo sexagesimosecundo, iam viginti annis post obitum S. Benedicti, ne verbum quidem de Regulis S. Benedicti in eodem commentario habet, cum agit de plurimis libris, quos legendos suis monachis tradidit. Quod quidem fauet illi sententiæ vestrorum, qui dixerunt post obitum S. Benedicti a Simplicio in Italia eandem Regulam promulgatas: sed reditum Simplicij ex Gallijs non ante quingentesimum octogésimum sextum annum contingere potuisse, ex Fausto in vita S. Mauri manifestissime est demonstratum. Sic igitur non solum ex Romanis S. Gregorius, sed & Cassiodorus perfunctus magistratibus nobilissimis, professione monachus in sua senectute, alterius tamen instituti fuisse reperitur, ut longe sit diuersum ab eo, quod asseris, omnes monachos eius temporis necessario ordinis S. Benedicti professores fuisse.

Inferius vero cum agis de monachis a S. Gregorio missis in Angliam, ad probandum eos fuisse ex institutione S. Benedicti, recentiores colligis auctores, etiam hæreticos id asserentes. Sicq. nos acriter pungis, qui quod non negant etiam hæretici, negare ipsi ausi fuerimus. Ad hæc primum dicimus, non diuidendam hanc questionem a primaria, de qua agitur, sed eandem esse cum illa, nempe, An S. Gregorius fuerit monachus

a pag. 251.  
7.5.

b Cassiod. de  
tribogr. in  
præfat. & de  
Comput. Pas-  
chali.

c pag. 255.  
7.6.

chus ordinis S. Benediſti, cum ſatis conſtet ex monaſterio S. Gregorij Auguſtini & alios collegas in Angliam miſſos eſſe progreſſos. quamobrem ſi S. Benediſti Gregorius monachus fuit, certum eſt, eiſdem ordinis ſuos miſiſſe in Angliam monachos: ſi non fuit, ſtultum eſt dicere, miſſos ſuos monachos fuiſſe alterius ordinis cuius ipſe non erat. Cum ergo a priori quaſtione iſta omnino dependeant, ea cuiſta, de iſta non fuerit amplius diſputandum, quod omni dubitatione penitus careat.

Sed præter hæc, quæ ſufficere potuiſſent, adhuc ex ipſo S. Gregorio atque Beda inferamus alia, quibus poſſimus perſpicue intelligere, nequaquam S. Benediſti Regula uſos tunc temporis eſſe monachos Anglicanos. Atque primum ex Auguſtini conſultatione de hiſ ad S. Gregorium ſcribentis, & Gregorij ad eum respondentis argumentum accipiamus. Eſt iſta Interrogatio Auguſtini: *Quæro, Pater beatiffime, de Episcopis, qualiter cum ſuis clericis conſeruentur?* ] reſpondit ita inter alia ad iſta Gregorius: *In eccleſia Anglorum, quæ auctore Deo, nuper ad Fidem perducta eſt, hanc debet inſtituere conuerſationem, quæ in initio naſcentis Eccleſiæ fuit Patribus noſtris, in quibus nullus eorum, ex hiſ, quæ poſſidebant, aliquid ſuū eſſe dicebat, ſed erant illis omnia cōmunia.* ] hæc ad Interrogationem Auguſtini Gregorius, præter hæc nihil amplius. Cui, ſi fuiſſet ipſe S. Benediſti monachus, ut tu viſ, & eiſdem Patris Regulā Anglicanis clericis præſcribendā (quod tu aſſeris) in Angliā intuliſſet; eamq. ab eiſdem obſeruari S. Gregorius voluiſſet: haud ſatis ſufficienter ab eodem Gregorio reſponſum videri potuiſſet, ut tantū ſeruaretur ab eiſ, quæ in Eccleſia primitiua Apoſtolorum tempore ſeruabatur, nimirum, ut omnia inter eos cōmunia eſſent; ſed addi neceſſe fuiſſet, ut præter hæc S. Benediſti Regulam eiſdem ſeruandam proponeret.

At quomodo ea, quæ reſcripſit ſanctus Gregorius ad Auguſtinum, per ipſum & alios fuerint in praxim deducta: ex Beda, qui aderat, videbat, atque ſcribebat, accipiamus, qui de ſancto Aidano primum agens hæc ait: *A temporibus antiquis ibidem Episcopus cum Clero & Abbas ſolebat manere cum monachis, qui tamen & ipſi ad curam Episcopali ſamiliariter pertinerent. Quia nimirum Aidan, qui primus eius loci Episcopus fuit, cum monachis illuc & ipſe monachus adueniens, monachicam in eo conuerſationem inſtituit, quomodo & prius beatus pater Auguſtinus in Cantia feciſſe noſcitur, ſcribente ei reuerendiſſimo Papa Gregorio, quod & ſupra poſuimus, & c.] Recitat eandem de hiſ S. Gregorij reſponſionē ad Auguſtinum, ſuperius a nobis deſcriptam. Idemq. Beda de iſdem in S. Cutberto agēs hæc ait: *b de ſucceſſoribus Aidani: Vnde ab illo omnes loci ipſius Antiſtites uſque hodie ſic Episcopale exercent officium, ut regente monaſteriū Abbate, quem ipſi cum conſilio Fratrum elegerint, omnes præſbyteri, diaconi cantores, leſtores, & ceteri gradus eccleſiaſtici, monachicā per omnia cū ipſo Episcopo Regulā ſeruent.] Sed quā Regulā? non Benediſti nominat, ſed quā idē mox ſubiicit iſta dicēs: Quā viuendi normam multū ſe diligere, probauit beatus Papa Gregorius, cū ſciſcitātī per litteras Auguſtino, quem**

*a Bed. de hiſ.  
Angl. lib. 4.  
c. 27.*

*b Bed in vita  
S. Cuthberti.  
c. 16.*

primum genti Anglorum Episcopum miserat, qualiter Episcopi cum suis clericis conuersari debeant, respondit inter alia: Sed quia tua fraternitas monasticis regulis erudita &c. ] vt supra. haecenus Beda de Regula per S. Gregorium praescripta Augustino seruanda. At quantum abhorreant ista ab ipsa S. Benedicti Regula, vt Abbates vna simul cum Episcopis degerent; sciunt omnes qui legerunt ipsam. cum praeter haec & in vestitu disparem fuisse Regulam monachorum Anglorum a Regula S. Benedicti, ex eodem Beda dicturi sumus inferius, quibus plane intelligas Regulam primitiuorum monachorum Angliae, a S. Gregorio Augustino (vt audisti) praescriptam, fuisse omnino diuersam a Regula patris sanctissimi Benedicti.

Quod vero tu his omisiss, ad tuam sententiam comprobandam vt ris recentioribus Scriptoribus testibus, multorum saeculorum intercapedine separatis: dicimus quod alias diximus, & ratio semper dicere cogit, recentioribus de antiquioribus haud simplici assertionem credendum, nisi antiquiorum adminiculo adiuuentur. Quod & tu ipse, Constantine, cum sapis, ingenue proferis, cum statim subdis: <sup>a</sup> Non reijcio in his, quae conuenientia, & congruentia ceteris Scriptoribus, & maxime antiquis, litteris mandarunt, sed eos summa veneratione suscipio & obseruo. At in his, in quibus ab antiquis eos discrepare video, & a communi sententia, nullo praeuio solido veritatis fundamento discedere conspicio: in ipsorum suspensionem abire non possum &c. ] ita tu, & quidem sapienter. Vnde tuis te verbis adstringam, quotiescumque recentiorum adducis testimonium a (quod frequentissime facis) qui aliquid testentur simpliciter arbitrati suo: cum tales tua sententia non sint admittendi; vt autem admittantur, his debeant conditionibus recipi, si ab antiquis non discrepent, alias nullus locus sit quidpiam nitentibus affirmare suspicionibus suis. At huiusmodi esse vt plurimum testes tuos quis non intelligat? Qui dum de antiquioribus aliquid asserunt, nullis id antiquiorum testimonijs, quod dicunt, astruant, sed velut obiter dictum transiliant, nulla mora interposita, vel consideratione, aut disquisitione adhibita, sint ne vera, vel falsa quae dicunt. Sic igitur tua sententia transilire liceat nubem tuorum testimonij, qui iidem, quae requiris, non polleant signis. Quod ad quaestionem vero propositam spectat de monachis, eos ferme omnes amplexatos postea esse S. Benedicti Regulam, quis negabit? vt plane in his frustra labores, cum id ipsum de his sentiam quod tu sentis, & attestatio Alcuini nequaquam a nobis reuocetur in dubium, quam veneramus, & amplectimur, qui tamen id non dicit, quod tu ipsum asserere dicis, cum Bedam ab eo laudatum fuisse, vt S. Benedicti monachum affirmas, sed ad alia.

Inter haec autem differenda in vno ex tuis interlocutoribus haec inge-  
<sup>b</sup> pag. 257. y.  
27.  
ris: <sup>b</sup> Certe ingenti admiratione obstupesco, obstupescant etiam posteri, & mirabuntur nouitatem tantae rei. multo vero magis mirabuntur propositi illius, qui primus huius controuersiae auctor fuit. ] sed vnde admiratio ista? si ex rerum ignorantia, vtique dimouenda est rerum cognitione & peritia. quae cum asseritur, admiratione ac plane stupore iu-  
re af-

re afficiat homines, quomodo haftenus de his falsa crediderint offusi caligine ex ignorantia inualefcantis erroris; at hoc nomine non indignentur admoventi lucernam veritatis errantibus, sed gratias agant.

Cum vero illud omnino fit in Ecclesia Catholica exploratum, errorē aduersus veritatem præscribi nulla quauis longitudine temporis posse, vt pluribus disputat Tertullianus libro de Præscriptione: tu tamen quā perperam, dicam & erronee, mox subdis: Mendacium quod non obstit, esse in Ecclesia retinendum? sunt ista verba tua: \* Cum etiam (inquis) si verum non esset, Gregorium professum esse institutum nostrum: nullum tamen detrimentum, nullius rei iacturam ex tam antiqua traditione Ecclesiæ Dei vel Fidei Catholicæ consequeretur. ] Quid ais, Constantine? compello te, conuenio verbis tuis. Vis in primis illis asserere, S. Gregorium haberi monachum Benedictinum, esse traditionis Ecclesiæ, vel Fidei Catholicæ? Sed vnde hoc tibi, & quæ auctoritas tanta tua, vt credenda Fidelibus augeas, & ingeras pro arbitrio Christianis? Quid in his tantopere abuteris nomine traditionis & Catholicæ Fidei? Cū enim Fideles teneantur ex præcepto recipere traditiones ecclesiasticas, & cetera quæ sunt Fidei; dum asseris esse traditionis ecclesiasticæ, asserere S. Gregorium fuisse ordinis S. Benedicti: quid aliud agis, quam (quod haftenus inauditū in Ecclesia Dei) vt sit de necessitate salutis asserere, S. Gregorium fuisse ordinis Benedictini? Appello aduersus te nouū Symbolum Fidei in Ecclesiam inferentem, supremum Tribunal eiusdem Ecclesiæ.

a pag. 257.  
vers. 31.

Sed & his quoque, eadem tua sententia, deteriora miscuisse videris, dum etiam quæ non vera sint, contendis in traditionibus & ijs quæ sunt Fidei Catholicæ, absque detrimento, vel iactura aliqua esse recipienda. repetam verba ipsa tua ab exordio, & ob oculos ponam, vt quæ contineant ambiguum valde sententiam, quæ Fidei Catholicæ contradicat. ais enim: Et certe ingenti admiratione obstupesco, obstupescunt etiam posteri, & mirabuntur nouitatem tantæ rei; multo vero magis mirabuntur propositi illius, qui primus huius controuersię auctor fuit: cum etiam si verum non esset, Gregorium professum esse institutum nostrum; nullum tamen detrimentum, nullius rei iacturam ex tam antiqua traditione Ecclesiæ Dei, vel Fidei Catholicæ consequeretur. ] fateor, ad hoc auditum expaui, & vitiata esse sententiam errore Typographi ad excusationem tui ipsius interdum existimaui: vt germana textus lectio hæc esset: Nullam iacturam ex tam antiqua traditione Ecclesia Dei vel Fides Catholica consequeretur. ] sed errata consului ad calcem posita, in quibus cum sint plurimæ mendorum correctiones, & hanc non reperiam, quid dicere possum, nisi volentem errasse? Corrigendus igitur, detestandusq. in vna sententia duplex error, quo dupliciter Catholicæ Fidei regulam lædis, vel cum inter Ecclesiæ traditiones & quæ sunt Fidei, & quæ non sunt vere traditiones, nec sunt Fidei, inferuntur, & mendacium in Fide Catholica absque detrimento vel iactura aliqua tollerandum aliquo modo videaris asserere. Quæ plane eiusmodi esse noscuntur, quibus omnes simul nerui Catholicæ Fidei succidantur. Verum puto,



puto, te non sentire ista, sed quæ sunt pia & orthodoxa; at vitiosa oratione te ipsum his nexibus implicuisse, vt absque dubio, quid de his sentias, sis serio interrogandus.

a pag. 219.

vers. 10.

b 16. g. 1. c.

sunt nonnulli.

In eo autem quod inferius \* asserit auctoritatē Bonifacii Papæ Quarti, ad significandum S. Gregorium fuisse monachum ordinis S. Benedicti; eandemq. apud \* Gratianum in libro Decreti positam, ista præmittis: Cuius rei argumentum alia etiam ratione, ante oculos tam mentis quàm corporis tibi exhibere posse, citra omnem dubitationem confido. cui nisi prius obfirmata fronte fueris, quod haud credere possum, tuam possit penitus retundere, immo radicitus euellere suspicionem. ] ita tu. o vtinam quod polliceris, præstare possis. Non inuideo (testis est Deus) nam quæ inuidentiæ causa esse possit, vt ægro feram animo, S. Gregorium dici monachum Benedictinum? nulla penitus: quin magis certe gauderem. At ne faciam, veritas, quæ in primis audienda est, vetat, cuius imperio omnes cedant, cum & ipse dicat Apostolus: \* Non enim possumus aliquid aduersus veritatem, sed pro veritate. ] Ceterum non desunt innumera loca, quibus eadem sacrosanctæ Congregationis Castitatis, ex qua tamquam e fonte lucidissimo vniuersus Benedictinus ordo manauit, atque aliæ plures sanctorum monachorum Congregationes sunt deriuatæ, gloriosissimis laudibus possit extolli, iisdemq. verissimis: vt non opus sit pulcherrimam Christi sponsam, iam matronali gravitate decoram, huiuscemodi pigmentis & fucis, fictis ac mentitis coloribus comparatis delinitam reddi deformem: prout tu facere niteris; cum ego e vultu veneranda maiestate micante superinductas eiusmodi sordes abstergere, digne, iusteq. laborem.

c 2. Cor. 13.

Quid igitur dicam de Bonifacii Papæ Quarti decreto abs te citato, ac recitato, quod tãti facis, tumescēs ex eo, vt secure iam dicas, ipsum omnem dirimere controuersiam, vt de his nō relinquatur locus amplius dubitandi? Illud sane & apposite (cū detumescere fecero tumorē istum) ex diuino oraculo comparatū: \* Hic confringes in te tumentes fluctus tuos. ] quos iam in tenuē spumā videris resolutos. Ita magnificere, Constātine, conseruisti res tuas, vt incutere timorem possis etiam animi fortitudine præditis; verum risum moueas, cum eadē propius cognitz, quam inanes sint, deteguntur. At vtinam inanes tantum inuenirentur; & non subdola, commenticiæ, adulterinæ, ac penitus falsæ in summum tuz existimationis præiudicium ostendi possent! Accedit autem hoc loco, non quod superius de epistola Abbatis Fundani abs te recitata, & a nobis manifestæ imposturæ conuicta vidisse contigit: sed quod explorando sollicitius veritatem textus Bonifacii decreti, abs te citati, & collatis pluribus diuersorum veterum codicum lectionibus, inuenerimus recitatum ipsum Bonifacii decretum decurtatum clausula vna; quæ cum omne tuum euacuet argumentum, certe haud fiet, vt negligentia Librariorum id effectum existimare possimus, sed callide potius sic redditum, vt ex eo absque obice probari posset, quod tu inducis & asseris, ipsum S. Gregorium fuisse monachum ordinis S. Benedicti. Doleo (Deus scit) me necessitate

d Iob 38.



cessitate compulsum istam detegere fraudulentiam in textu corrum-  
pendo patraram. Aperiam tamen, quod id extorqueat a nobis inuitis  
tanta tua de victoria ex eo iam consecuta iactantia. reddamus igitur pri-  
mum verba textus, quem citas. sunt ista.

Sunt nonnulli, a nullo dogmate fulti, stulti magis zelo amaritudinis, a pag. 160.  
vers. 17.  
quam dilectionis inflammati, asserentes, monachos, quia mundo mor-  
tui sunt & Deo viuunt, sacerdotali officio indignos, neque penitentiam,  
neque Christianitatem, seu absolutionem largiri posse per sacerdotalis  
officii iunctam gratiam. sed omnino falluntur. Nam si ex hac causa ve-  
teres æmuli vera prædicarent, Apostolicæ Sedis compar beatus Grego-  
rius monastico cultu pollens ad summum apicem nullatenus conscende-  
ret, cui soluendi & ligandi potestas concessa est. Augustinus quoque eius-  
dem sanctissimi Gregorij discipulus Anglorum prædicator egregius,  
alijq. quamplurimi sanctissimi viri, pretiosorum monachorum habitu  
fulgentes, nequaquam a quoquam pontificali officio subarrarentur.  
Neque enim Benedictus monachorum pater & præceptor almificus hu-  
ius rei aliquo modo fuit interdictor. ] hæc Bonifacius. Quo certe decreto  
(subijcis mox tu ipse) luce solari clarius redditur, & Gregorium & Au-  
gustinum fuisse monachos instituti sanctissimi patris Benedicti. dicat  
quidquid velis quidam Constantinomastix. Nam cum Gregorius & Au-  
gustinus monachi fuerint, & ad solium Pontificale tracti: illud obtinere  
potuerunt utique, quia hoc a patre & præceptore eorum Benedicto pro-  
hibitum non fuit, cum S. Benedictus absolute dicatur monachorum pa-  
ter & præceptor almificus. quod & glossa in eodem loco & sensit & nota-  
uit cum dixit: Quidquid ergo non prohibuit S. Benedictus, hoc mona-  
chis licet. non enim suis dixit, sed tantum monachis, intelligens mona-  
chos omnes militare sub Regula S. Benedicti. ex quo quid sequatur, stul-  
tis etiam patet &c. ] hæc tu. Sed quam male inducere possis ex recitato  
textu S. Gregorium fuisse discipulum S. Benedicti, satis illud declarat.  
Quia sicut certum est, cum dicitur in textu S. Benedictus monachorum  
pater, includi eos minime potuisse, qui semper militarunt & militant  
vsque hodie sub Regula S. Basilij, sed tantum monachos illos qui sub  
ipsius Regula vivebant; ita neque Gregorium vel Augustinum qui al-  
terius Regulæ fuisse probantur, contineri: adeo ut suum ad principium que-  
stio reuocetur, num scilicet S. Gregorius fuerit monachus instituti S.  
Benedicti, nec ne. Ex glossa autem quod arguis, ad S. Gregorium utique  
male deducis. Nam cum textus a Gratiano recitetur mutilus, & præ-  
termittantur illa omnia de sanctis Gregorio atque Augustino exempla,  
non potuit glossæ auctor diuinasse de eisdem Gregorio, & Augustino,  
quod ex verbis illis comprehensi sint sub Regula Benedicti. hæc itaque  
satis, esse possent ad eludendum, & ad nihilum redigendum Enthymema  
tuum, quod dicis fortissimum esse.

Sed iam patratum scelus in textus deprauatione aperiamus. Quænam  
autem maximi momenti a textu per Constantinum recitato, sint dolo  
malo subducta, Lector attendat. Antiquiores Collectores canonum, qui  
longe

longe ante Gratianum floruerunt, præstantissimi habentur Ino Episcopus Carnotensis, & Anselmus Episcopus Lucensis, ambo doctrina, ac pietate clarissimi. Hi quidem intulerunt in suum ipsum volumen illud ipsum integrum, idemq. prolixum Bonifacij Papæ Quarti decretum. præter hos autem auctor Collectionis, quæ inscribitur, Polycarpus, eundem quoque textum, ut se habet, prolixè descripsit. In quo quidem, quod spectat ad rem nostram, singulorum ipsorum singula accipe verba.

*a Iuo. par. 7.  
c. 22.*

ac primum, <sup>a</sup> sic Iuo: Nam si hac ex causa veteres æmuli verà prædicarent, Apostolicæ Sedis compar beatus Gregorius monastico cultu polens, ad summum nullatenus apicem conscenderet, cui quidem ostiatim fungendi, ligandi, soluendiq. officio potestas summa conceditur. Augustinus quoque eiusdem sanctissimi Gregorij discipulus Anglorum prædicator egregius, & PANNONIENSIS BEATVS MARTINVS, aliq. quamplurimi viri sanctissimi pretiosorum monachorum habitu fulgentes, nequaquam annulo Pontificali subarrarentur. neque enim Benedictus monachorum præceptor huiuscemodi rei aliquo modo fuit interdictor, sed eos sæcularium negotiorum edixit expertos fore (solummodo, &c.) ita apud Iuonem, cuius codex Decretorum iam præ

*b Ansel. lib. 5  
post. c. 95.*

manibus omnium cufus habetur. sic & Anselmi <sup>b</sup> Decretum, cuius exemplar scriptum Vaticana bibliotheca possidet, in quo pariter post Augustinum S. Martini nomen, ut in Iuone vidisti, cum huiusmodi additamento sic exprimitur: Augustinus eiusdem sanctissimi Gregorij discipulus Anglorum prædicator egregius, ac PANNONIENSIS MARTINVS BEATISSIMVS, CUIVS SANCTITATIS FAMAM, LONGE LATEQ. DIFFVSAM, TOTVS PERSONAT MVNDVS, aliq. quamplurimi sanctissimi pretiosissimo monachorum habitu fulgentes nequaquam annulo Pontificali subarrarentur, sed quia monachi fuere, prædictis uti prohiberentur. Neque enim Benedictus monachorum præceptor almiscus huiuscemodi rei aliquo modo fuit interdictor, &c. ut supra. Ita pariter legitur & in Polycarpo, <sup>c</sup> quæ Collectio habetur in Vaticana bibliotheca numero MDCCCLII. iisdem verbis, quæ iterum hic reddere non piget: Augustinus etiam eiusdem sanctissimi Gregorij discipulus prædicator egregius, ac PANNONIENSIS MARTINVS BEATISSIMVS, CUIVS SANCTITATEM LONGE LATEQ. DIFFVSAM TOTVS PERSONAT MVNDVS, aliq. quamplurimi, &c.] ut supra.

*c Polyc. lib. 4.  
tit. 34.*

Ecce tibi, Lector, ipsa germana lectio ex tribus antiquis auctoribus restituta. ex quibus vides, qua versutia in lectione, quam recitat Constantinus, fuerit subductum nomen S. Martini, quo stante, relatio illa ipsius de Benedicto ad S. Gregorium fieri nullo modo potuisset, ut S. Benedictus superius nominatorum Gregorij, Augustini, atque Martini præter atque magister assereretur, cum S. Martinum longe ante S. Benedictum vixisse constet. Quod igitur nomen ipsius S. Martini esset omnino impedimento, ne illa fieri posset inductio, expuncto illo, atque sublato,

ea lectio, quam audisti, est edita a Constantino. Sed sint ista, Lector, obsecro, apud te, nec diuulgentur apud alios: semper enim monachorum existimationi est pro viribus consulendum. nam satis ad poenam fuerit erubescencia eius, quia iuxta Comicum, Si erubuit, salua res est; siquidem non nisi de valde improbis illud est sacrum oraculum: <sup>a</sup> Frons mulieris meretricis facta est tibi, noluisti erubescere. ] in quem statum, absit, vt quisquam sancti ordinis monastici homo deficiat. Quod autem citat ipse codicem bibliothecæ Columnensis, cuius sit titulus (vt ait) Variorum sermonum, ipsum perquisitum hæcenus inuenire non potui, nec puto requirendū in libro Sermonū eiusmodi Bonifacij Quarti Papæ decretum, quod non nisi in Collectionibus canonū consuevit esse receptū.

a 1er. 3.

Sed quid faciam, cum obruar falsitatibus, si quod monachus sis, non timeas legis Cornelie fasces? nam audi quid paulo post dicas: <sup>b</sup> Quod autem Augustinus ædificasset monasterium Benedictinum in Anglia ipsa, testis est etiam Beda ipse, qui sua historia de Ecclesia Anglicana hæc habet: Fecit autem & monasteriū non longe ab ipsa ciuitate ad Orientem, in quo eius hortatu Edilbertus ecclesiam beatorum Apostolorum Petri & Pauli extruxit a fundamentis, ac diuersis donis ditauit. ] hæc ille. & hucusque tu. Vbi ergo in his mentio, quod illud monasterium fuerit Benedictinum, vt profiteris, a Beda dictum? & sequenti pagina sic habes: <sup>c</sup> Cutbertum autem illum cum Aidano fuisse ex instituto sanctissimi patris Benedicti, liquet clarissime tum ex illis verbis: Vt regente monasterium Abbate, quem ipsi cum consilio Fratrum elegerint. quibus expresse ostendit, Regulam in ordinando Abbate ipsius sanctissimi Patris seruata fuisse &c. ] At quid tam commune omnibus monachorum ordinibus tum Orientalium, tum etiam Occidentalium, quam vt per monachos Abbas electio fieret? sunt hæc istiusmodi tua argumenta, quibus paginas multiplicas, vt vel hoc vno excedas aduersarium, si grandiori eum superes libro, in quo tibi cedimus, quod veritatem tuemur, quæ non indiget verborum ambitu, vt mendacium.

b pag. 262.  
vers. 82.c pag. 263.  
v. 22.

In eo autem quod Beda sanctum Benedictum patrem nominet, nihil est quod arguere possis, eius se fuisse discipulum, cum ibidem & S. Antonium eodem titulo, & maiori præconio appellet, dicens: <sup>d</sup> Reuerendissimi & sanctissimi patris Antonij sequebatur exemplum. At vis discere, eosdem monachos Anglicanos alterius fuisse instituti, quam sancti Benedicti? hoc saltem vno accipe signo a te ipso ex Ioanne diacono in argumentum deducto, nempe quod monachi S. Benedicti præcingerentur zona pellicea latitudinis pollicis vnus: at vero S. Cutbertum linea, vsum zona, idem Beda eius <sup>e</sup> vitæ auctor affirmat. sed adde adhuc aliud. Tu constanter affirmas, monachos Benedictinos ab ipso principio Regulæ vti consueuisse vestimentis nigri coloris, quod & testatur Petrus diaconus in disputatione sub Innocentio Papa Secundo & Lothario Imp. & tamen S. Cutbertum cum suis vti consueuisse vestimentis ex lana nulla tinctura infecta, sed naturalis coloris qualicumque esset, idem ipse testatur <sup>f</sup> Beda.

d Bed in Cnebert. c. 19. in fine.

e Idem ibid. c. 23.

f Id. ibid. c. 16. in fine.

a pag. 268.  
vers. 13.

b Paul. diacon.  
lib. 4. c. 19. in  
mona edit.

c pag. 269.  
vers. 3.

Post hæc potentissima ( vt tibi visum ) insurgis <sup>a</sup> coniectura , nempe S. Gregorium scripsisse ad Arrigem Ducem Beneuentanum de restauratione cœnobij Cassinensis, idq. constare dicis ex epistolis ipsius Gregorij ad eum dē datis, quas, ais, non inueniri impressas, sed asseri id ipsum a Sabellico . Primum ad hæc respondemus , quod cum Paulus diaconus <sup>b</sup> de consuetudine eiusdē Gregorij cum ipso, & epistola ad eum scripta agat, nec meminerit de alia epistola pro restauratione Cassinensis monasterij ad eum data ipse monachus Cassinensis: an sit verum quod Sabellicus tradit, magnopere in dubium reuocatur . Deinde eslo quod scripserit: plane ex Potificio munere id fecisse potest intelligi, vtpote cui inerat cura omnium Ecclesiarum , vt apparet ex omnibus eius epistolis positis in Registro . At tu tanti facis eiusmodi leuissimam coniecturam, & incertissimam assertionem, vt dicas de Blondo & Sabellico <sup>c</sup> hæc asserentibus: Auctoritas autem horum duorum grauissimorum virorum ea est, vt nisi fronte perfricata reiici non possit, & ita refellit ea, quæ nouissimus ille tuus Scriptor exarasse dicitur, vt penitus non scripsisse, sed somniasse videatur. ] ita tu derisionibus rem agis, appetens S. R. E. Cardinale, qui tibi ita deliranti parcat, tui commiseratione commotus, quod monasticos mores sic exueris. Sed illud ridiculum, quod subijcis de S. Gregorio, quod ( vt ais ) non inueniatur scripsisse pro restauratione monasterij S. Equitij, sicut S. Benedicti, ex eo conuinci, non ex S. Equitij, sed ex S. Benedicti ordine fuisse. At quis scit, an omnino Equitij monasterium repARATIONE indiguerit, vel quod destructum, vel quod non fuerit ante hæc tempora restauratum? Vel quomodo tu scis, non scripsisse? dices, quia litteræ non extant. atqui nec datæ de restauratione Cassinensi extare dicuntur.

d pag. 269.

Inferius autem post derisiones narras <sup>d</sup> tuam diligentiam, Romæ dum esses, exhibitam in peruestigandis antiquis monimentis monasterij S. Gregorij in Cluio Scauri, quibus totus intentus non vidisti præsentia ob oculos posita, nempe monachos ibi degentes non esse montis Oliueti, vt scribis, sed Camaldulenses; nec vidisti, seu non vidisse dissimulas, in Oratorio S. Andreæ, loco primario, habitum monachorum S. Gregorij in antiquis picturis non esse nigri coloris, vt tu contendis fuisse Benedictinorum, sed castanei; quo vel saltem signo discere potuisses, ipsum a Benedictinis fuisse distinctum.

Addis post hæc, te natum codicem prægrandem membranaceum, in quo essent descripta antiqua atque recentia eiusdem monasterij diplomata : & inter alia diploma Bonifacij Papæ Octauī abs te citatum in margine, non ( vt abs te signatur ) pagina ducentesima prima, sed trecentesima quinquagesima secunda, in quo ista leguntur, quæ ita a te recitantur: Bonifacius Episcopus seruus seruorum Dei dilectis filijs Abbati & Conuentui sancti Gregorij in Cluio Scauri de Vrbe, ordinis sancti Benedicti &c. ] in his autem litteris, inquis, renouat priuilegium Innocentij alias concessum eidem monasterio, quod incipit: Innocentius Episcopus seruus seruorum Dei &c. & infra: Ea propter,

propter, dilecti in Domino filij, vestris iustis postulationibus clementer annuimus, & monasterium S. Gregorij in Clivo Scauri de Vrbe, in quo diuino estis obsequio mancipati, sub beati Petri & nostro protectione suscipimus, & presentis scripti priuilegio communimus. In primis siquidem statuantes, vt ordo monasticus, qui secundum Deum, & beati Benedicti Regulam in eodem monasterio institutus esse dignoscitur, perpetuis ibidem temporibus inuiolabiliter seruetur &c. ] Datum Anagnin anno quinto Pontificatus. ] subijcis alia diplomata ibi scripta, reperiri, in quibus asserantur monachi ibi degentes esse ordinis S. Benedicti. post hæc autem longissimam subdisputationem, An, & quando verba enuntiatiua fidem faciant ad probationem. sed incassum laboras. Etenim concedimus tibi ( si id cupis) verba illa etiam esse dispositiua, (vt appellant) siue etiam sententiæ definitiue, nempe vt Innocentius, & Bonifacius ea repetens, aut etiam alij, definierint decreto Pontificio, monachos in eodem monasterio degentes esse ordinis S. Benedicti, & in eo institutum esse ordinem monasticum secundum ordinem S. Benedicti.

Vide Constantine, quam liberaliter tecum agam, vt liberem te ab illa difficultate probandi enuntiatiuas propositiones fidem facere, cum velimus, fidem facere omnino, perinde ac si essent sententiæ definitiue, ibiq. degentes monachos esse ordinis S. Benedicti, illicq. institutum ordinem monasticum secundum Regulam S. Benedicti, cum constet post expulsum inde Græcos monachos ( vt tradit Ioannes diaconus ) S. Benedicti Regulæ monachis illud monasterium esse traditum . at quid ad rem ? Nam quid ad Gregorium, de quo est disputatio, asserere quod in idè monasterium introducti sint monachi ordinis S. Benedicti ? ergo sequitur S. Gregorium eiusdem ordinis fuisse ? cum teste etiam te ipso liqueat, quàm plurima monasteria diuersorum ordinum suscepisse postea seruandam Regulam S. Benedicti. Quid enim, ( vt hoc exempli causa ponatur ) cum in diplomate Gregorij Papæ Decimertij, quo est facta concessio eiusdem monasterij monachis Camaldulensibus, dicatur, vt ibi degentes monachi obseruent eas omnes constitutiones, quas obseruare consueverunt cœnobitz Camaldulenses : numquid aliquis ex his inferre poterit, S. Gregorium fuisse monachum Camaldulensem ? At nec considerasti, Constantine, non dici ab Innocentio Papa monasterium illud erectū esse secundum Regulam S. Benedicti, sed in eo institutum esse ordinem monasticum secundum Regulam S. Benedicti : sicut cum dicit Gregorius Decimustertius Papa, in eodem institutū esse monachorum ordinem secundū Regulas Camaldulensiu cœnobarum, vt eas ibi obseruent. Nihil ex his igitur refert lucri, sed damnum potius, cum id factum scribat Ioannes post eiectionem inde monachos Græcos, quando id monasterium datum est Benedictinis.

Attamen tu ipse more tuo tunc amplius victoria velut adepta exultans, cum magis causæ succumbis, ista subijcis : <sup>a</sup> Quare nescio quomodo iure recentissimus ille tuus Scriptor scribere potuerit, se valde mirari, cur quidam e nostris scribere ausus fuerit, & auctoritatibus probare, S.

<sup>a</sup> pag. 273.  
vers. 27.



Gregorium monachum fuisse Benedictinum, nihil ducens tantam antiquitatem, quam aliter tradidisse, asserere conatur, cū ex iam allatis manifeste constare perspicue appareat, eum valde hallucinari, cum neminē ex antiquis asserere possit, qui tradiderit, Gregorium alterius fuisse instituti, quam ante nos tot testibus prolatis probauimus. ] hæc tu. ad quæ breuissimè: Recētissimus iste auctor antiquissimorum nititur probatione, contra communem errorem, quem perperam (vt demonstratum est) tu nomina traditionem; Gregorij nimirum ipse iustus auctoritate, eos hallucinatos ostendit, qui contrarium asseruerunt.

a pag. 279.  
verf. 24.

Ita pariter & inferius de victoriā tamquam ex verbis Gregorij vendicata glorians, ista subiicis ex Concilio Lateranense sub Gregorio Papa: Gregorius Papa exorsus est: Quam sit necessarium monachorum quieti prospicere, & de eorum perpetua securitate tractare, antea cū nos officium informat, quod in regimine monasterij exhibuimus, &c.] pergis: Sed & ipse in sermone quodam habito ad monachos Cassinenses, satis aperte se ex eorum numero extitisse ostendit, cum inquit: Nos enim, qui monachi nuncupamur, inter Martyres computamur, si professionem nostram factis implemus. & infra: Claustralis enim inclusio, regularis restrictio, vestium abiectio, Prælatorum inuectio, iuge silentium, alienum imperium. & paulo post. Nos vero iugo obedientiæ subditi, & regularium præceptorum loris restricti, non nos, sed alium sequimur imperantem, &c. ex quibus certe verbis, certius, quam vt probatione egeat, constare posse puto, nos vera asserere, cum dicat; se cum ipsis regularium præceptorum loris restrictum, nempe eiusdem Regulæ præceptis additum. Quo quid clarius dici possit, videre nequaquam possum. ] hucusque tu ex verbis (vt tibi vendicas) ipsius S. Gregorij. quibus abs te causam euictam ostentas. Bene actum, quod cum de tanta victoriā exultas, non pariter aliquo scommate, vel disterio insultaueris more tuo. sed iam quantopere decipiaris, attende.

Etenim nihil præterea ex recitatis verbis consequi poteris, quā probari ex eis, S. Gregorium fuisse monachum, & eo modo monachos allocutū, siue in Concilio, siue per sermonem illum, quem citas, hætenus in Romana Ecclesia inauditum, quem habitum esse dicis ad monachos Cassinenses, cum tamen nec Cassinense tunc extaret monasteriū, iamdiu ante a Longobardis excisum. quod si non ad eos, sed ad Lateranenses monachos vis habitū esse: vtique dicendum erat, habitum esse non ad monachos Cassinenses, sed Congregationis Cassinensis. Sed abis, vt tua tantūmodo assertionē nūquam Romæ cognitum sermonem S. Gregorij nomine accipias, absque habita de eo diligentissima peruestigatione, cum non nisi in sancta quatuor Euangelia, & super Ezechielem ab ipso siue scriptas, siue dictas homilias fuisse, eiusdem Gregorij testificatione habeatur exploratum. Sed concederemus (tibi in his etiam indulgentes) sermonem abs te citatum esse legitimum ipsius Gregorij, nisi obstaret, quod auctorem sermonis illius longe alium a Romano Pontifice fuisse, necesse sit affirmare, dum in recitatis illis paucis abs te verbis, sæpe tamen proficitur auctor, se sub alterius iugo obedientiæ constitutum. At id dici a

Gre-

Gregorio Papa potuisse, vt sub Prælati sui fuerit obedientia, quam absurdum est? & Abbatem aliquem super Pontificem præfectum asserere, quã penitus inauditum? At dicere, ipsum Gregorium illa respectu aliorum, ad quos sermo esset, locutum esse: hæc si tu vera esse contendis, profecto ex verbis illis non elicies, quod prætendis, cum Gregorium ab illis velis exemptũ, si quæcumque de monachis ibi dicit, non ad ipsum dicentem, sed ad auditores monachos sint referenda. Vides igitur, Constantine, qualia sint arma tua, ex quorum vsu adeo securum polliceris tibi triumphum? & quam oporteat graui veritatis lance suspendere, quæ ex abditis consueuisti in lucem proferre?

Quid tandem? Ad testimonia confugis recentiorum, quorum tamen inuenis neminem, qui de hac disseruerit quæstione, sed quod quisque putauit esse verum, hoc obiter scripsit. Etenim quod ipsi omnes in S. Gregorij monasterio viderent monachos esse Benedictinos, quodq. apud Ioannem diaconum id quoque peritiores legere potuissent, & sparsum in vulgus audirent, S. Gregorium fuisse eius ordinis monachorum, qui in eius monasterio habitarent: absque alia ea de re diligentiori peruestigatione, inter scribendum, cum se occasio dedit, dixerunt & ipsi, S. Gregorium fuisse monachum ordinis Benedictini. Quorum ex numero in primis citatus abs te fuit S. Thomas, qui hæc dixerit: Beatus Gregorius de facultatibus suis intra Urbis mœnia vnum monasteriũ, in Sicilia vero sex legitur construxisse.] Ita, legitur, apposite dixit, vt fides remaneret apud auctorem: & sic iuxta ea, quæ legi sciret, subdit, quæ sequuntur. Eadem ratio est de beato Gregorio, qui construxit monasteria secundum Regulam a beato Benedicto institutam.] hæc ex S. Thoma in opusculis, quem citas. Cui tanto Doctõri cum in more positum fuerit, si quid vellet vt verum accipi, illud formato articulo subtilissime disputaret, obiectiones contrarias asferret, easdemq. reselleret, vt sic conclusio examinata subsisteret: si quid interdum (vt accidit) obiter ab eo dici contigerit, haud perinde sane accipi voluit, vt sancti Euangelij verba; cum præsertim, quæ tradit (vt hic fecisse cognoscitur) ex aliena, se potius relatione referre fateatur. Accedit quod non hic versamur in scientijs speculatiuis, sed practicis, & in his, quæ sunt facti, in quibus quisque etiam sapientissimus possit errare, eoq. magis cum de ijs agitur quæ ante plurima sæcula acciderunt. Quod intelligens ipse S. Thomas, qui ea narrabat, quæ iã olim ante annos sexcentos & quinquaginta contigerant, magna cautela illud, legitur, apposuit, quo significaret, se potius referre, quod legerat, quam affirmare, quod certo scire ipse non potuisset. hæc ipsa plane de ceteris omnibus Scriptoribus, quos eadem scripsisse narras, dicta sunt; vt nõ sit opus referre singulos, quos absque firmiorum testificatione loquentes eadem asserta ratio respuit.

Ad postremum recitatis auctoribus recentioribus, qui videntur fuisse tuæ sententiæ, posita Arnoldi vestri monachi huius temporis Scriptoris auctoritate, subijcis ista: Quem etiam sannis prosequuntur, quod vocauerit Gregoriũ ipsum Archidiaconum, quo nomine etiam a multis,

a pag. 280  
vers. 7.

b pag. 287.  
p. vii.

a pag. 288.  
p. 7.

qui ante eum de eo egerunt, vocatus fuit. ] & paulo post: <sup>a</sup> Sed ego quorū  
sum hæc? Ac si ipse Arnoldus is esset, qui perstreptentes muscas abigere  
flabello veritatis non posset. ] eo vsque, Constantine frater, progredi  
es contumelijs, vt non verearis tibi contradicentes, muscas perstrepen  
tes nominare! Sed falleris admodum: scies, vbi ista nostra perlegeris,  
ex infixis aculeis eas quas existimasti muscas, fuisse crabrones, quos te  
peniteat irritasse, cum vnde euadas, quo effugias, non inuenies, vbique  
eorum aculeis confixus, atque perfossus, nec erit, vt leui flabello eos ex  
pellere valeas: Dimoue, vita, si potes, eum, qui tibi modo infigitur ob  
tuum Arnoldum aculeus. Dixit ille S. Gregorium fuisse S. R. E. Archi  
diaconum, cuiusdam (vt tu excusas) recentioris Scriptoris auctoritate.  
Anne potuit non risisse Baronius, audiens Archidiaconum asseri S. Gre  
gorium, quem certo sciret vltimum diaconorum fuisse? Qui hoc testa  
tur, fuit æqualis nostri Gregorij Gregorius Turonensis, qui non solum  
eodem vixit cum ipso tempore, sed (vt ipse tradit) Romam venit, &  
quæ scripsit, oculis vidit. hic ergo de S. Gregorij diaconatu agens, hæc  
habet: ¶ Qui ante serico contextu, & gemmis micantibus solitus erat per  
Vrbem procedere trabeatus: nunc vili contentus vestitu, ad altaris Do  
minici ministerium consecratur, septimusq. Leuita in adiutorium Papæ  
adsciscitur. ] hæc ipse. plane his significans, eum vltimum omnium crea  
tum diaconum, vltimum locum nactum, vt septimus diaconus dictus sit  
in numero illo septeno diaconorum Cardinalium, quorum primus Ar  
chidiaconus esset. Sed deceptus est numerando imprudens Lector, dum  
inuerso ordine numerauit, atque primum diaconum putauit infimum,  
septimum vero summum. At vero primum diaconum eundem fuisse,  
Archidiaconum, accipe ex his, quæ habentur in exordio libri secundi  
epistolarum S. Gregorij istis verbis: Temporibus Gregorij Papæ, Con  
sulatus Mauritij Augusti anno septimo, depositus est Laurétius, qui pri  
mus fuerat in ordine diaconij Sedis Apostolicæ, propter superbiam, &  
mala sua, quæ tacenda duximus, & factus est Archidiaconus Honoratus  
coram omnibus presbyteris, & diaconibus, Notarijsque, subdiaconibus,  
vel cuncto Clero in basilica Aurea. ] hæc ibi. Ex quibus vides primum  
diaconum, eundem fuisse Archidiaconum, quo titulo auctus, qui in  
locum ipsius est subrogatus, ita vt Gregorium, qui septimus ordine,  
diaconus asseritur, eundem diaconorum fuisse nouissimum, necesse sit  
affirmare. En, Constantine, tuo nunc flabello eijce muscam istam,  
quam pateris perstreptentem, tuis auribus permolestam.

b Greg. Tur.  
lib. 10. c. 1.

At num hic finis derisionum tuarum atque calumniarum, cum ad  
muscam vsque perueneris? minime gentium. Pauca ista tibi adhuc visa  
sunt, Constantine (quo impulsore spiritu, dicat alius) qui quidem eo li  
centius rem agis, quod sub velamento dialogi, mutatis nominibus ve  
lut imposita larua tegaris; tantoq. securius agas, quod cum Baronius  
modestæ re causa e campo subduxerit, factus videri possit tamquam  
homo non audiens, nec habens in ore suo redargutiones. Sic igitur post  
tor tantaq. calumniose in ipsum allata; ad postremū prioribus deterio

ra compingis. Cum enim iure redarguis auctorem illum, qui stulte admodum negauit S. Gregorium fuisse monachum: mox subiicis: <sup>a pag. 289.</sup> Quæ <sup>vers. 32.</sup> scilicet sententia, quod Gregorius non fuerit monachus, ex parte a te, & a tuis symmystis fuscitata est, nullo licet fundamento veritatis nixa.] At quid illud est, quod ex parte dicis? Quanam ex parte cum illo negauit Baronius S. Gregorium monachum fuisse? Numquid vis omnes monachos, præter Benedictinos, non fuisse dicendos monachos, sed semimonachos, ex parte tantum? non puto te adeo delirare, licet hoc ipsum ex necessaria inductione dictum oportuerit; cum tamen Baronius constantissimus monachatus S. Gregorij fuerit semper assertor. Vides Lector, an alia maior in Baronium potuisset conflare calumnia, quam hæc fuit, quod scilicet ex parte negauerit, S. Gregorium fuisse monachum. Esto tu iudex, & tanta calumniæ propulsator, non aliunde quam ex sexcentis locis Annalium, quibus plenissime S. Gregorius asseritur fuisse monachus. O si non me Baronius cohiberet, qualia experiri iacula cogereris!

Post hæc te conuertis ad ludicra, dum ex monacho graui atque seueriore agere te delectat <sup>b pag. 291.</sup> mimum in scena, qui verbis his carpas aduersarium <sup>vers. 21.</sup> tuum: Ad argumentum vero, quod recentissimus ille tuus Scriptor fecit ab Ecclesia Romana, quæ, ut ait, numquam Gregorium depingere solita fuit monastico habitu,] ista tu reddis haud fideliter, aliqua mutilans. Nam dixerat, non consueuisse Romanam Ecclesiam S. Gregorium Papam pingere monastico habitu indutum, sed Pontificio, ut audiet Lector in Responsione. Tu vero vniuersæ negans, mox ista garris: Responsum esse velim, illum aut captum esse oculis, aut eius caligasse oculos, vel specilla, seu orbicula illa vitrea oculis non adhibuisse, quibus uti solent hi, qui minus clare vident. quæ si adhibuisset, profecto vidisset in plurimis ecclesijs, vbi solent quatuor Doctores Ecclesiæ depingi, an Gregorius ipse habitu monachi subtus vestimenta Pontificia depingatur. Sed quid ego in re vniuerso orbi notissima laborare contendo? ] hæc tu, mox ad alia diuertens. Sed siste gradum, licet inuitus, detineberis tamen, mecum annitente Lectore, qui arbiter sedeat iudicans, vter nostrum visu præstet. Facetum spectaculum! Dicas tu, Constantine, aduersarium tuum, vel cæcum fuisse, vel oculis certe caligasse, quod depictum S. Gregorium habitu Pontificio cum alijs tribus Latinis Ecclesiæ Doctoribus intus indutum monastico habitu non viderit; arguis vero amplius, quod ad id videndum specilla non admouerit oculis suis. Sed excuso, quod non putauerit inueniri specilla, quæ faciant videre, quæ pictor subtus talem lineam vestem prolixam valde, eius habitu Pontificio occultauit; cum quæ foris apparent tantum viderit, pluuiatile, pallium, stolam, atque laciniosam lineam tunicam, quæ sinuosis rugis ea omnino occultaret, quæ subtus laterent, ut videri non posset, qualis intus sit ille tuus, quem dicis, monasticus habitus. Rogo te, detege, ut sic videat. Quod si facere renuas, quod non possis; credam tibi nihilominus asserenti intus latere monasticum habitum; sed cum illum dicis nigri coloris esse; te ut putem hallucinatum, facit, quod dictum est sa-

pe, monachos S. Gregorij adhuc apparere in antiquis picturis Oratorij sancti Andree coloris fuisse castanei, quæ etsi non adeo antiquæ, vt sancti Gregorij tempore coloribus expressæ doceri possint: ex antiquioribus eas deductas, nemo puto, iure negarit. En vides, Lector, quam iuste Constantinus ipse nos sublannet; & velit omnino ipsis intueri oculis corporis, quæ ipse tantum imaginetur oculis mentis. At omittimus cetera friuola, & ridenda potius, quam confutanda, vt inter alia illa de S. Equitio, quem tu non magis inuidiose, quàm calumniose exueris monastico habitu, non solum cum fœnum secaret in agro, sed (vt b ais) alias etiam cum vel foras procederet, vel domi maneret.] & quod tunc penitus Benedictinis caruerit vestimentis. Sed ex ijs etiam Benedictinum monachum non fuisse, satis intelligere potuisti, quem fingis postea pro animi leuitate non veritate trāsisse ad tuos, quos postea exortos esse, in Respon- sione docuimus. In qua, si quæ reliqua sint, quæ toto hoc tractatu deside- rari possent contingat, copiose disputata, Lector, inuenies.

Hic vero Apologetici commentarij finis esto: ex quo abs te ante tempus Epinicum decantatum conuertatur in naniam, cum per illum tuus dialogus sit eodem plane tempore, quo est natus, extinctus; vt ad eius inuitandi sint funus, quos conuocaueras ad triumphum, ne penitus sepeliatur inglorius. Hæc nos cursim, his paucis diebus (quod tu mireris) aduersus ea, quæ tu pluribus frustra conatus es annis; ne- queri posses, tui libri editionem esse dilatam. Expecta vero locupletio- rem, fortioremq. tractatum, si his te, tuosq. non acquieuisse senserimus, cuius comparatione nos hic modo lusisse, cognoscas. Vale.

*Finis Apologetici in Constantinum Bellottum monachum Cassinatem.*





## AD LECTOREM ADMONITIO

## QVA OCCASIONE AVCTOR

scripserit ad alium Cassinatem monachum hanc, quæ subijcitur, Responsionem.



Cum V M. innotuisset Annales legentibus, quæ de monachatu sancti Gregorij Cardinalis Baronius conscripserat, dum eiusdem Pontificis auctoritate suavis, & alterius potius quam sancti Benedicti ordinis eum fuisse monachum demonstravit: visa est sententia ista duriuscula Benedictinis, qui Ioannis diaconi auctoritate ipsum vt suum sibi hactenus vendicassent. Quamobrem vnus ex eisdem Congregationis Cassinensis venerandus monachus, zelo iustitiæ motus, quæ quisque auitam hereditatem tueri laborat, commentarium scripsit aduersus eam, quæ in Annalibus idem Baronius confirmasset. Cuius nomen silentio honorifico inuolutum idcirco relinquimus, ne videamur in certamen rursus reuocare nolentem; eumque orationis aculeatæ stimulis subijcere, qui non cudendo sua, visus sit se a certamine subduxisse. Abstinuimus, inquam, ab eius nominatione consulto, ne vel nominando videremur eum quasi in triumphum ducere voluisse captiuum.

Hic, inquam, librum a se contra eam Baronij sententiam conscriptum antequam ederet, prudenter quidem modestissimi religiosi numeros explens, Romam misit ad dignæ memoriæ virum Camillum Illustrissimum Patriarcham Alexandrinum, per eum eidem Cardinali Baronio ostendendum, vt si quid haberet neruosius, quo rationes a se allatas infringeret, proderet; & sic ipse quiesceret: sin minus (quod æquillimum esset) quidquid ea sentiendo, vt homo peccasset, vt veri amantissimus ipse corrigeret. Cognouit ipsum accurate Baronius, examinauit diligenter, atque exacte discussit; sed haud talem inuenit, vt discedere a sententia cogeretur. Verum vt eidem, qui cognoscendum obtulerat, satis faceret, Responsionem hanc elaborandam curauit, quam per eundem Alexandrinum Patriarcham eidem venerando patri ostendi voluit. Quæ ipse co-

gnita; ab edendi operis sui cupidine protinus desistit; prudens volensque; atque illud intra domesticos parietes continendum putauit. Quod tamen cum apud suos notius factum fuisset: ex eo Constantinus ille Bellottus eiusdem ordinis monachus suam scriptiōem confarcinasse cognoscitur; adeo ut perspicue appareat intuentibus, nihil fere amplius suo præstitisse labore; quam ut illas multiplicaret, quas legisti, calumnias, & petitas a diuersis falsitates hinc inde congereret, quas oportuit palam fecisse, atque ut audisti, pariter confutasse. Quod vero idem Bellottus & Responsiōem hanc a nobis elaboratam, per amicum acceptam, competam habuerit, & confutare totis viribus laborarit: ut intelligat Lector, quam vane, quam frigide & infulse, quam denique falso & calumniose id conatus sit: necessarium duximus præter illa quæ superius dicta sunt, eandem ipsam hic quoque, ut in Apologetico polliciti sumus, edere Responsiōem. Cui ea præmittere, quæ in Annalibus Baronius habet; quibus scilicet inductus sit, ut S. Gregorium a Benedictino Ordine dirimendum putarit, & qua in primis occasione ad hanc deueniret edisserendam quæstionem, opus esse existimauiamus.

Cum enim tomo Annalium Septimo, anno Redemptoris quingentesimo octogesimoprimo, præfecturæ Urbane sancti Gregorij ratione, qua eo anno perfunctus est, deuentum esset ad eius monachatum, quem ante inisse non potuit, quam eo vinculo solutus esset: corū in primis discussionem habendam putauit, quæ in eo argumēto de se ipso S. Gregorius scriberet, cui aduersari, summæ dementiæ videretur; cum iam triplex reperiretur eius assertio vnus eiusdemq. sententiæ, iisdē ferme verbis expressæ, quibus ita habetur a Baronio recitata ex eiusdē Gregorij dialogorū libris: <sup>a</sup> Vite venerabilis Valentius, siue Valentinus, qui post in hac Romana Vrbe mihi, sicut nosti, meoq. monasterio præfuit, prius in Valeria prouincia suum monasterium rexit &c. ] Hunc itaque, quem suum fuisse Abbatem, sibi, suoq. monasterio præfectum tertio dicit, cū petitum constaret ex Valeria prouincia, vbi eadē muneris functione præfuerat monasterio, & eiusdē prouinciæ monasteriorū præcipuus omnium Abbas S. Equitius fuisse sciretur, ut idem ipse S. Gregorius testatur: <sup>b</sup> iure deducendum Baro-

<sup>a</sup> Greg. dial.  
lib. 4. cap. 21.  
supra lib. 1. c.  
4. & lib. 3. c.  
22.

<sup>b</sup> Lib. 1. c. 4.

nus existimauit; ex illo S. Equitij germine suum in Vrbe  
monasterium a S. Gregorio institutum & propagatum idq;  
(vt audisti) ex ipsa eius assertione tertium repetita.

Cum insuper eo tempore, quo S. Gregorius profecti cœpit  
vitam monasticam, nullum inueniretur superesse monasteriū  
Cassinese, iam diu ante a Longobardis excisum, unde &  
monachi Romam migrassent ad monasterium Lateranense;  
cuius etiam Abbates cum sigillatim ab eodem S. Gregorio

a Dial lib. 2.  
in prin.

recenserentur, nullum tamen eorum sibi, vel suo monasterio  
proxime posito præfuisse scriberet: iure pariter in eam senten-  
tiam idem Baronius induci potuit, vt assereret, distinctos fuis-  
se penitus monachos Congregationis S. Equitij a monachis  
ordinis S. Benedicti: ipsum Gregoriū vero illis nomen dedisse.

Ex quibus demum in idem merito redarguendum putauit  
Ioānem diaconū, qui alium a Valentione provincie Valeriae  
monasterij Abbate fuisse primum S. Gregorij institutorem es-  
narret. hic cardo totius quæstionis, quam explicatam & elu-  
cidatam, atque ab obiectionibus vendicatam in Annalibus  
leges, vberius autem & locupletius in sequenti Responsione  
tractatam. Cumq; aduersantes, quod viderent nullo modo  
contradici posse ijs, quæ de se ipso S. Gregorius pluries affir-  
maret; illud in primis conati essent, si possent astruere,  
monachos illos provincie Valeriae eosdem fuisse cum mona-  
chis ordinis S. Benedicti: hoc ipsum idem Baronius in Addi-  
tamento ad Annales apposito, ad ista respondens, eiusdem  
S. Gregorij assertione valide confutauit. hucusque, Lector,  
de his, quæ sunt in Annalibus pertractata.

Reliqua audies in hac, quæ sequitur, Responsione ad mul-  
tiplices obiectiones postea illatas elaborata. Illā vero præci-  
puam, quā calumniose nimis idem Baronius patitur, dum no-  
uitatis auctor ab ipsis asseritur, atque nouæ sententiæ inuētor  
ab aduersarijs sugillatur, conuulsorq; antiquitatis vna eorum  
omnium voce immani strepitu conclamatur; cum re vera ni-  
hil vmquam apud eum antiquius fuerit, quam de veneran-  
da antiquitate in primis bene mereri, eandemq; diu exulem  
postliminio reuocare, obrutamq; mendacijs pristinae red-  
dere veritati, vendicareq; in apertissimam lucem, quæ Cym-  
merijs offusa tenebris, tetro inclusa carcere delituisse inuisa

mortalibus quo nomine nunc ipsi plaudant cultores omnes  
eiusdem antiquitatis, laudibusq. immortalibus ornent; præ-  
dicent vero magis omnes studiosissimi veritatis, celebrentq.  
præconijs, cum eius studio eandem ipsam suo fulgore ni-  
tentem, tandem p. densa caligine emergentem aspexerint,  
eidemq. ex animo bene præceatur: nascantur vero simul  
omnes ipsi Magnò Gregorio, cuius triplicis elogio commu-  
nita, tanto prævio duce ipsa veritas lata atque secuta pro-  
cedat. quibus tē iungendum fore, Lector, non dubitamus,  
si verus es cultor veritatis, atque studiosus custos antiquita-  
tis; ab ijs procul abhorrēns, qui cum erroribus, quos semel  
imbiberint, consensescere, ac denique mori, animo obdura-  
to statuerint. Quibus solis certo scimus, ista Baronij, & quæ  
nos in eius defensionem elaboramus, placere non posse;  
quos merito uti profanos a suo templo semper arceant  
æditi Veritatis.



R. P. DOMNO. N.

MONACHO CONGREGATIONIS

CASSINENSIS

ANTONIVS GALLONIVS

Congregationis Oratorij Presbyter, S.

**R**VDENTER quidem abs te factum est, vt librum tuum de sancti Gregorij monachatu, antequam, prælo subijceres, Romam mitteres ostendendum, Illustrissimo ac Reuerendissimo Cardinali Baronio per tuos æque ac meos Illustrissimos dominos Caietanos. In cuius præfatione dum ais affectu sincero: Rogo, vt Illustrissimus Cardinalis Baronius, quæ ego semper in honore habui, benigne excipiat, perspectaq. rei veritate, religioni nostræ gloriâ, idest Gregorium S.R.E. Pontificem & Doctorem maximum, quem eripuit, ipse restituat. Id non nisi euicta causa, & errore, conuicto, suadendum fuisset; immo nec opus erat: siquidem sponte id Baronius præstitisset, summaq. perfecisset alacritate. Ita enim comparatus est, vt cum veritatis vindicem agat & defensorem, quemcumque libenter audiat monitorem, summisq. gratiarum actionibus prosequatur eum, per quem ipse proficiat, cum veritatem interdum læsam, labantemq. ipsam ita firmari contingat. Vidit ipse quæ scripsisti, quæ etiam antea relatione piorum subodoratus, ijs. satisfactum putauit, si in Parergis ad Nonum Annalium tomum appositis quædam adderet, quibus asserta Septimo tomo sententia firmaretur, confutarenturq. simul omnia, quæ in contrarium obijci potuissent. Nec tua ista scriptione, permotus, ipsis aliquid addendum putauit, illud vulgatum vsurpans: Sapienti pauca: bene conscius, viris doctis satis esse persuasa, quæ scripsit. Verum, ne eius silentium in deteriolem partem accipi posset, cum fieri sæpe soleat, vt tacens tamquam veritate destitutus manus dedisse intelligatur: subij haud inuitus hanc ipse prouinciam, non vt assertam ab eo sententiam roborem (non enim quæ omni ex parte subsistit, nostro indiget fulcimento) sed vt, quæ tu multipliciter frustra obijcis, quam inanissima esse, demonstrarem.

In cuius disputationis ingressu illud in primis persuadeas tibi velim, procul abesse debere a pio Sanctorum cultu mendacium: cum haud minor sit reputanda blasphemia, aliquid illis detrachere ex his, quæ habent, quam tribuere, quæ non habent. Etenim falsa laudatio irritio est reputanda, non cultus; nec Deo placet oblatio, quam veritas non comitatur. Hinc illud mystice designatum, quod species omnes aromatum, quibus



*a Exod. 30.* quibus sacrum thymiama conficiendum erat, \* pondere Sanctuarij prius expendi oportebat; vt his symbolicis signis ostenderetur, nullam, quantumvis religiosa videatur esse laudatio, quoquo modo pietatis intuitu comprobendam, quam prius sacra veritatis statera non ponderet. Sancta sancte colenda, nos docuere maiores; nec in his priuato vllatenus indulgendum affectui, sed cedendum in omnibus veritati. Absit igitur, vt quia S. Gregorium peculiarem nos patronum habemus, & sub eius titulo militamus, atque stipèdijs viuimus, ipsi plus, quam decet, aliquid tribuamus, vel S. Benedictum non bene dicta laude colamus. sed ad quæstionē.

Rem agis hanc vnam integro libro tuo, Sectionibus decem & septem distincto, vt assertam a Baronio sententiam in Annalibus, de sancti Gregorij monachatu sub sancti Equitij professoribus, non autem sub sancti Benedicti discipulis, multipliciter impugnare possis. Mel vero hæc est ratio instituti, non vt cuncta in illis errata redarguam (parum amici id esset animi, remq. odio magis agentis, quam Christiana charitate, veritatis amore, tractantis) sed illa tantum conuellam, quæ a te allata, ad hanc, de qua agimus, causam spectare noscuntur; idq. quam breuissime potero, memor in primis monentis Apostoli: Omnia <sup>b</sup> vestra in charitate fiant. ]

Habes autem in prima tua Sectione ista: In Ecclesia pro certo semper est habitum, traditumq. omnium consensu, sanctum Gregorium Benedictinum monachum extitisse. ] secunda vero Sectione adijcis ista: Verum tempestate hac nostra Illustrissimus Cardinalis Cæsar Baronius nouam in suis Annalibus inuexit opinionem de monastica sancti Gregorij professione: monachum illum quidem fuisse non negat, nequaquam tamen sancti Benedicti patris nostri, sed sancti Equitij disciplina, præceptisq. informatum, &c. ]

Miror valde quod in his astruendis Ecclesiæ in primis traditionis vendicas tibi nomen. quid traditio, nisi quod ab omnibus vbique & semper factum liquet? quid in huiusmodi ab omnibus vbique & semper traditum ostendere poteris, vt non prorsus inane nomen traditionis vsurpasse intelligaris? quid nouitatem impingis ei, qui ex ipsis Gregorianis purissimis fontibus totum deducit quod asserit? Quid hoc antiquius excogitari potest? Quidve fortius atque solidius? Hæc enim ex parte tibi laudandus plurimum fuisset ipse Baronius, vtpote quod sit imitatus illum, qui commendatur sententia Domini, <sup>c</sup> Scribam doctum, qui proferet de thesauro suo noua & vetera: Deus qui iustificat, quis est qui condemnet? Habet nouitas illa crimen, vel criminis suspensionem non vitat, quæ a nulla deducitur antiquitate. Laudanda vero & amplectenda, fouenda atque arctius retinenda, si a vetustatis fonte deriuata, intelligatur, quæ non nouitas adinuenta, sed antiquitas restituta sit potius appellanda. Proscribenda igitur Ioannis diaconi primi vestræ sententiæ auctoris assertio, quæ nullas habeat ab antiquitate traduces, retinenda Baronij, in quâ copiose originarij fontes influant antiquitatis.

Stat eodem auctore Gregorio, dispar & distincta sancti Benedicti successorum

cessorum Abbatum series ab ea, qua recensetur prædecessorum Abbatū sancti Gregorij ipsius verbis deducta successio, diuersis prorsus discretis limitibus, diuersitate nominum, locorum, & personarum, ab ipso Baronio Septimo <sup>a</sup> Annalium tomo recensita. stat pariter stabilitum firmiter ab ipso in Appendice ad Nonum <sup>b</sup> tomum, tam Equitium, quam successores eius Abbates ita distinctos a monachis Benedictinis fuisse, vt nulla ratione sub ipsdem censi valeant. stat insuper <sup>c</sup> triplici assertionem ipsiusmet sancti Gregorij demonstratum, & absque controuersia definitum, ipsum non sub aliquo successorum sancti Benedicti Abbatum, sed sub Valentio ( siue Valentionem, aut Valentinum dicere malis ) monasticam vitam esse professum. Hunc siquidem vnum, nec præter hunc aliū vllum Abbatem suum nominat, de quo & vltimo dialogorum libro sic loquitur: <sup>d</sup> Vitæ namque venerabilis Valentius, qui post in hac Romana Vrbe mihi, sicut nosti, meo quoque monasterio præfuit, prius in Valeria provincia suum monasterium rexit. ] monachos vero provincie Valerię S. Equitij fuisse propaginem, eisdē sancti Gregorij attestatone idē Baronius docuit. Sunt istæ quidem Baronij, immo ipsius S. Gregorij assertiones, hæc iacta antiquissima fundamenta, quibus nihil possit hac in re antiquius inueniri. quæ tu vide quomodo nomines nouitate, cum ex antiquis per decursa trium sæculorum curricula vsque ad Ioannem diaconum primum nouatorem nemo repertus sit, qui adeo bene locata fundamenta reuellere auderet, vel minipum quid mutire aduersus adeo canam venerandamq. antiquitatem, non Isidorus, non Ildephonfus, vel Beda, Paulusve diaconus, qui res gestas S. Gregorij ante Ioannem diaconum conscribere: quos vestros fuisse monachos, cum dicatis, haud dubium quin omnes id summo certe præconio promulgassent quod dicitis, si veraciter asserere potuissent. Fuit vnus & primus Ioannes diaconus, qui ita ab antiquitate resiliit.

<sup>a</sup> Annal. 10.  
<sup>7.</sup> an. Dom.  
<sup>582.</sup> prop. fin.  
<sup>b</sup> in fin. pag.  
<sup>882.</sup> edit. Ro.  
<sup>c</sup> Greg. dial.  
<sup>lib. 1. c. 4. lib.</sup>  
<sup>3 c. 12. lib. 4.</sup>  
<sup>c 21.</sup>  
<sup>d</sup> 1d. dial. lib.  
<sup>4. c. 31.</sup>  
<sup>e</sup> 1d. dial. lib.  
<sup>1. c. 4.</sup>

Sed videamus an tu aliquid ingeras, quo loquentem Gregorium arguas, & silentes tot Patres negligetiz nomine merito reprehendas. persequar tua vestigia, quæ Sectionibus singulis fixa relinquis. Confutata igitur in prima, & secunda Sectione de nouitate calumnia, conuertimus stylum ad tertiam Sectionem, qua conaris alterum de duobus efficere, vt nimirum vel redigas sanctum Equitium cum successoribus suis sub Regulam sancti Benedicti, atque hac saltem via ipsum Gregorium etiam eiusdem Regulæ professorem constituas; vel si hoc non possis consequi, eo te cōuertas, vt veluti iurato quodammodo bello, omnia ipsius Equitij destruas monasteria, quo eius intercepta successione, Gregorium sic cogas sub Benedicto monachatu profiteri. Vt primū illud obtineas, probare studes, sanctum Benedictum antiquiorem fuisse sancto Equitio, vt ex hoc inducas, Equitium Benedicti fuisse propaginem: aisq. S. Benedictum anno salutis quadringentesimo nonagesimo quarto petijisse loca, deserta; inde ex Sublacensi monasterio petijisse Cassinum, anno quingentesimo vigesimotertio: vixisse vero sanctum Benedictum vsque ad annum Redemptoris quingentesimum quadragesimumsecūdum vel tertium.

tium. Aetate igitur sancti Benedicti sic definita, ad Equitium te conuertens, ipsum dicis post sanctum Benedictum claruisse, atque ipsius pene Gregorij Papæ tempora attigisse, idq. probare niteris in primis auctoritate domestici testis adhuc viuents Arnoldi Belgæ, monachi Cassinatis, tibi (vt profiteris) amicitia coniunctissimi. Ita quidem testium laborans inopia, rem antiquissimam recentissimo teste, quod alium non inuenias, probare nifus; taliq. teste te, quod dicendum erit inferius, causa cadere sentiens, totus nutabundus, male securus, eo demum te conuertis, vt ex scriptis sancti Gregorij quocumque modo id coneris elicere hoc genere argumenti:

a Greg. dial.  
lib. 1. c. 4. ubi  
fuit.

Cum testetur, inquis, sanctus Gregorius, \* de Equitio scribens, eum se accepisse a Fortunato Abbate, qui eidem Equitio fuerat familiaritate coniunctus: consequitur, quod sanctus Equitius fuerit sancto Gregorio proximus. ] sed non plane sequitur, quod sancto Benedicto fuerit ætate posterior. Siquidem potuit sanctus Equitius ante sanctum Benedictum esse natus, anteq. ipsum collegisse monachos, & post sanctum Benedictum, quem dicis annos natum sexagintaquinque mortuum esse, superstes adhuc plures vixisse annos, atque ad ætatem decrepitam peruenisse, vt sic post sanctum Benedictum viuens decesserit tamen senior ipso. Sicut accidisse scimus Cassiodoro, qui, antequam discessisset ab Vrbe S. Benedictus puer, ipse gerebat sub Theodorico amplissimos magistratus, & post obitum eiusdem sancti Benedicti annis decem & octo superstes erat, anno Redemptoris quingentesimo sexagesimo secundo, agens annum suæ ætatis nonagesimum tertium, vt ex eiusdem ipsius scriptis Baronius facile colligit in \* Annalibus. Vide quā leuis illa argumentatio cedat. sed leuior alia quam subijcis, dum probare itidem nifus, sanctum Benedictum sancto Equitio antiquiorem, in hunc modum argumentaris: Quæ scripsit de sancto Benedicto Gregorius, fatetur se accepisse a quatuor sancti Benedicti discipulis, eisdemq. in præfectura monasterij successoribus, siue Cassini, siue Romæ, siue Sublaci vt Honorato. Ex quo possumus, inquis, iure inferre, Benedictum egregium monachorum legislatores sancto Equitio fuisse ætate superiore, ] eo quod, quæ de sancto Equitio Gregorius scripsit, ab vno tantum Fortunato Abbate Equitij familiari se accepisse testetur. Hæc tu cum dicis, iam non ex ætate, sed ex maiore numero testium sanctum Benedictum Equitio antiquiorem ostendis. At cum quatuor illi omnes æque sancti Benedicti fuisse discipuli asserantur, ac simul æquales, licet sibi inuicem successisse dicantur Abbates, nihilo magis, quam vnus, sicut nec vnus minus quam centum, adijcere vel detrudere possunt eius ætati, quo illum vel seniore, vel iuniorem ostendant; cum præsertim tua quoque sententia certus sit annus, quo sanctus Benedictus obierit, nempe (vt astruisti) Redemptoris quingentesimus quadagesimus secundus vel tertius (vt vsque ad tempus, quo scribebat illa Gregorius, anno scilicet quarto (vt ipse testatur) sui Pontificatus, qui est annus Domini quingentesimus nonagesimus tertius, quinquaginta anni numerentur ab obitu, inquam;

b Annal. rom.  
7. ann. 556.  
c. 562.

sancti

sancti Benedicti, vsque ad eam dialogorum scriptionem, per quos postea  
tuor Abbates illi, omnes &que discipuli & filij eiusdem Patris, post eius  
transitum ipsi successisse dicantur, omnes &que testes rerum gestarum  
sancti Benedicti: a quibus Gregorius accepit, quæ de ipso sancto Patre  
conscripsit. sed quid porro ex his inferas, tuis verbis audiamus: sicut enim  
scribis: Sanctus Equitius igitur ex his, quæ dicta sunt, cognoscitur quod  
non nisi ætatem hominis vnus Gregorium antecessit: contra sanctus Be-  
nedictus ætates fere duorum vel trium hominum præcessit Gregorium.]  
Quid ergo? si asseris S. Benedictum diu obijisse anno quingentesimo qua-  
dragesimosecundo vel tertio, Gregorium vero (quod & tu fateris) an-  
no quarto Pontificatus scripsisse dialogos, qui est annus Domini quin-  
gentesimus nonagesimustertius, quonam pacto inferas, duas vel tres ho-  
minum ætates sanctum Benedictum antecessisse Gregorio? quam-  
quæso annorum periodo vnus hominis claudis ætatem? num annorum  
spacio vigintiquinque, vel etiam minori, cum inferius quoque asseue-  
res, tribus hominum ætatibus sanctum Gregorium S. Benedicto fuisse  
posteriorem? numerum ita deducens: Gordianus proauus sancti Gre-  
gorij vixit temporibus sancti Benedicti, eiq. multa donauit: cui succe-  
ssit Gregorius auus, quem secutus est Gordianus minor pater S. Grego-  
rij. Sed de auo & proauo sancti Gregorij quam sint commenticia quæ  
assers, inferius dicturi sumus; cum tamen etsi vera essent, tibi non pro-  
sint, dum spacio sexaginta annorum proau, au, & patris claudis om-  
nia simul tempora vsque ad Gregorium Papam.

Ad postremum autem ex deductis abs te hanc stringis conclusionem: Si  
Benedictus est Equitio antiquior, non potuit iste, eremum illo petente, &  
monachos congregasse. Sic ipse concludēs, nihil prorsus stringis. Etenim  
non dicit, quod tu ais, S. Gregorius, Equitium congregasse monachos, sed  
multorum monasteriorum extitisse patrem. adeo vt minime sint inter se  
pugnantia dicere, S. Benedictum ante S. Equitium eremum petijisse, &  
Equitium ante sanctum Benedictum multorum simul monasteriorum ab  
alijs erectorum Abbatem electum. Accidere enim interdum potest, vt  
iunior eligatur Abbas, prætermisiss monachis ætate grandæuis. at quid  
frustra laboras vt demonstres, sanctum Benedictum antiquiorem esse,  
Equitio? Concedamus, miserationis ergo, quod probare non potes, eo  
quod nec verum sit; demusq. Equitium Benedicto ætate posteriorem.  
quid inde lucraberis, vt asseras, quod conaris, sanctum Gregorium fuisse  
monachum ex Regula sancti Benedicti & non Equitij? nihil penitus.  
non enim ex eo, quod Equitius fuerit ætate iunior Benedicto, huius il-  
lum Regulæ mox constitues professorem. Nam (vt dicetur inferius) di-  
uerforum ordinum erant eo tempore monachi, diuersisq. Regulis insti-  
tuti: inter quos Equitius, successoresq. ipsius Abbates magna famæ  
existimatione florebant.

Ceterum de tempore, quo sanctus vixit Equitius, Arnaldo tuo in-  
obscuro laboranti, ex Cassiodoro comparata lucerna libenter occuri-  
mus, eademq. ex Annalium\* promptuario de prompta, vbi agitur de

\* Annal. 10.  
6. ann. Domi:  
104.



Valentino Episcopo Amiterni sub Theodorico Italia Rege, sub quo etiā claruisse reperitur Equitius . nam audi , dum sanctus Gregorius de sancto Equitio scribit , de Basilio mago hæc habet : \* Hic in magicis operibus primus fuit , in monathico habitu ab Vrbe fugiens Valeriam petijt . ] & inferius ipsum ab Equitio prophetico spiritu probe cognitum , expulsūq. e monasterio fuisse subdit . ex hoc ergo Basilio tempus , quo vixit sanctus Equitius , facile poterimus intelligere . Quis enim fuerit ille Basilius , ex duabus Cassiodori epistolis satis reperitur expressum . In epistola quidem Theodorici Regis nomine ad Argolicum Præfectum Urbis conscripta Cassiodorus hæc habet : <sup>b</sup> Magnitudinis tuæ relatione comperimus , Basilium atque Prætextatum artis sinistræ iamdiu contagione pollutos in accusationem tui examinis personarum intentione deductos . Super qua re te asseris nostram expectare sententiam , vt confidentius fiat , quod pietatis nostræ mandat auctoritas &c. ] Subiicit autē inferius a se constitui Quinqueuirale Senatorum . Patriciorum iudiciū , a quo maximi ponderis causa ipsorum maiorū tractetur . Alia vero <sup>c</sup> epistola hanc sequente scribit idem Cassiodorus nomine eiusdē Theodorici Regis ad Arigerum Comitem , vt eisdē magos iudicio Quinqueuirali conuictos , sed fuga lapsos inquirat . in qua epistola hæc inter alia : Præfectus Urbis sua nobis relatione declarauit , Basilium atque Prætextatum magicis artibus inuolutos impeti accusatione multorum ; quos elapsos insinuat mentis alienatione custodum . Eos te præcipimus vbicumque repertos ad iudicium Quinqueuirale ducere &c. ]

Sic igitur ex nomine , loco , crimine , & in crimine excellentia personæ delinquentis , atque fuga , quinque notis hisce amplissimis eundē esse Basilium , de quo Gregorius in dialogis , & Cassiodorus in epistolis scribit , nemo iure poterit dubitare : nimirū quod ambo Basilii nominent , Romæq. deliquisse consentiant , magicis intendente artibus tradant , & inter magos eidem principem locum tribuant ; quodq. captum cum alijs magis , atque fuga pariter lapsum asseuerent . Ex quibus probe inferri possit , S. Equitium tunc claruisse , monasteriorum in Valeria iam Abbatem agentem , cum Theodorico Rege Italia Romæ regnante , Argolicus , ad quem datæ extant litteræ , præfecturam Vrbanam administraret . Quod certum tempus , Dei beneficio , qui voluit adeo antiqua monumenta illibata conseruari , in promptu est demonstrare . Siquidem ex eiusdē Theodorici Regis <sup>d</sup> epistola reddimur certiores , Argolicum creatum ab eodem Rege Urbis Præfectum per Indictionem quartam , per tertiam vero Indictionem ante ipsum creatum Præfectum Vrbanum Artemidorū , <sup>e</sup> idem Cassiodorus habet . erat præfectura annuus magistratus . Porro ex certa Indictione notata annus pariter Redemptoris , quo famosum illud maiorum iudicium Romæ contigerit , tota luce redditur exploratus . Sed quoto Redemptoris anno , quarta Indictio sub Rege Theodorico primum inciderit , hoc videndum . Marcellinus Comes suorum temporum res gestas scribens , iungensq. Consularibus Indictiones , sub Consulatū Pauli solius quartam numerat Indictionem : est is annus Theodori-

<sup>a</sup> Greg. dial.  
lib. 1. c. 40.

<sup>b</sup> Cassiodor.  
Var. lib. 4. ep.  
22.

<sup>c</sup> Id. Var. lib.  
4. ep. 23.

<sup>d</sup> Cass. Var.  
lib. 3. ep. 11.

<sup>e</sup> Id lib. 1. ep.  
42. 43.



ci quartus, Christi autem quadragesimus nonagesimus sextus, quo tempore ex tua sententia sanctus Benedictus annum secundum agebat in specu, nondum alicui præterquam Romano monacho cognitus; ut sanctus Gregorius tradit,<sup>a</sup> qui triennium eius commorationis in specu ponit (ut ex eodem Gregorio audisti) cum iam Equitius non solum multorum pater esset monachorum, sed etiam monasteriorum Abbas.

<sup>a</sup> Greg. dial. lib. 2. c. 1.

At ne te cauillis inuoluam, sed sine fūco & fallacijs sincere in omnibus agam, nullo modo ista referri volumus ad quartū annū superioris Indictionis, sed sequentis; affirmamusq. (quod sic suadeat Cassiodori series epistolarum) ad insequētem Indictionū periodum sub eodē Theodorico Rege præfecturam Vrbānam Argolici reuerēdam. contigisse autem tunc dictā quartam Indictionem sub Consulatu Secundini atque Felitis, idē Marcellinus affirmat. est is annus Redemptoris quingētesimus vndecimus, quo tempore sanctus Benedictus (ut ex eodē S. Gregorio apparet) monachos colligere incipiebat, cum iam sanctus Equitius (ut dictum est) multorum esset monasteriorum pater: sicq. etiam sancto Benedicto antiquiorem Equitium in monasticis institutis iure possumus affirmare. quantum autem temporis Equitius vixerit, ignoratur. Ceterum longā vixisse ætatem inde possumus intelligere, quod Fortunatus Abbas, qui de illo retulit sancto Gregorio cuncta quæ scripsit, fuerat ipsi Equitio familiaritate coniunctus, cum tamen esset idē, quando ista sancto Gregorio enarrabat, iam ætate grandævus. nam de ipso sic aliquando Gregorius:<sup>b</sup> Crebro ad me nunc vsque veniens, dum facta mihi veterū narrat, noua refectione me satiat. ] & superius: <sup>c</sup> Etiam quæ subiungo, prædicti venerabilis viri Fortunati, qui valde mihi ætate, opere, & simplicitate placet, narratione cognoui. ] Ex his igitur vide, quam frustra labores, ut sub S. Benedicto S. Equitium statuas, eiusq. discipulos eīdem sancto Benedicto coniungas, atque cum eis sanctum quoque Gregorium alliges. nam quo tēpore incipiebat iste, iam consummauerat ille.

<sup>b</sup> Id. dial. lib. 1. c. 10.  
<sup>c</sup> Id. dial. lib. 1. c. 4.

Sed ad quartam tuam Sectionem transeamus, si quid fortasse abs te, fortius dictum inuenire poterimus. Qui igitur sanctum Equitium cum suis monachis sub S. Benedicti Regulā redigere tertia Sectione (ut vidimus) laborasti; hac Sectione quarta id eniteris, ut stylo tuo, quasi potenti ariete omnia simul eueras & destruas solo tenus sancti Equitij monasteria. at quomodo istud, Lector, attende. Dum enim interpretem agit verborum sancti Gregorij, quibus dixerat <sup>d</sup> Equitium pro suæ magnitudine sanctitatis multorum in ea prouincia monasteriorum patrem extitisse, sic ratiocinatur: Cum vero, inquit, ut re ipsa constat, ad hodiernam vsque diem neque ope scriptorum, neque hominum memoria ac conditione, præter locum, in quo celebris est sancti Equitij recordatio, vlla reperiantur monasteriorum, eiusq. viuendi Regulæ vestigia: facile crediderim, vitam egisse Equitium cum suis discipulis anachoreticam. Illud coniecturam nostram iuuat, quod monasterium iuxta nominis etymologiam vnius etiam monachi habitationem significare potest. <sup>e</sup> quod enim Græce, Latine vnus, vel singularis, vnde monachus *monachos*, quod

<sup>d</sup> Ibidem.

quod est in solitudine, & quasi singularem vivere. Monasterium itaque, quod Græce *μοναστήριον*, Latine solitudo, est vnus monachi singularis habitatio. Idemq. confirmat vulgata illa quorundam antiquorum etymologia, quæ monasterium deducit a mona, quod est vnus, & sterium, quod est statio, ac si dicatur, solitarij habitatio.] & paulo post: Multorū ergo monasteriorum pater in prouincia Valeria erat Equitius, id est multorum monachorū singulariter viuentium in singulis cellis, quarum vna ab alia haud multum distaret.] hæc ipse. Ex quibus verum esse, Lector; intelligis, quod diximus, ipsum stylo suo, velut ariete omnia S. Equitij monasteria conatum euertere, atque singula in singulas cellas redigere.

At vnde eiusmodi verborum sancti Gregorij interpretatio deducenda? quæ etsi aliquando ab aliquo vsurpata fuisset (quod nemo vmquam inueniret) ad ipsum tamen sanctum Gregorium, cuius ea sunt verba, oculorum acies conuertenda esset, si vmquam forte eam vocem tali sensu accipere consueuisset, vt suorum verborum ipse auctor esset interpretes. sed certe quidem nusquam a sancto Gregorio in hunc sensum vsurpatam poterit inueniri. At frustra & illud ais, tot monasteriorum abolitam esse memoriam: quasi nouum id videri possit, cum barbarorum adeo frequentes in Italiam eruptiones fuerint, vt admirationi potius esse debeat, quod vel vnus monasterij integra memoria manserit post tanta & toties repetita naufragia totius Italix, & maximarum quoque ciuitatum excidia.

His subiectis immensas laudes sanctissimi Benedicti; qui licet numquā satis laudari possit, tamen quæ ipsi conuenire nō possunt, procul abest, vt ipse recipiat, quin potius excretur, vt oblatum sacrificiū de rapina. sunt hæc verba tua: Quod vero Benedictus monastici ordinis auctor nō Italix modo, sed totius Christianæ Reipublicæ bono natus erat &c. ] & inferius: Summi itaque & sanctissimi Pontifices illum prædicauerunt monachorum præceptorem almificum, monachorum omnium patrem, monasticæ legis latorem, & operatorē, & sacræ religionis monachalis venerandū auctorem.] hæc tu cū affers, nimis effers: indigent encomia fræno, ne nimia laudandi cupidine attexantur veris etiā mendacia, vt visus mihi es modo fecisse, dum diceres, S. Benedictū monastici ordinis auctore: dicere potius debuisses, Benedictini ordinis, seu Benedictinæ religionis auctorem. Nam quomodo verū esse potest, ipsum simpliciter dici monasticæ religionis auctorem, cum negare non possis, antequam vel ipse nasceretur, non Orientalem tantum Ecclesiam, sed Occidentalem etiam monachis diuerforum ordinum abundasse? Et vt dicere de reliquis prouincijs omittamus, quis ex Aegypto primum in Urbem inuexerit germina monasticæ vitis, sanctus Hieronymus \* te docebit: fuisse nimirum magnum Athanasium, & Petrum, vtrumque Patriarcham Alexandrinū. & quantum eadem secunda germina fuerint propagata, extenderintq. vsque ad mare propagines suas, eundem audi, dum S. Fabiolæ effusas elemosynas prædicat: <sup>b</sup> Quod monasterium, inquit, non illius opibus est sustentatum? ] & paulo post: Peragrabat ergo insulas, & totum

Hetrus-

<sup>a</sup> Hieron. ep.

60.

<sup>b</sup> Id. ep. 30.

Hetruscum mare, Volscorumq. prouinciam, & reconditos curuorum litorum sinus, in quibus monachorum consistunt chori, vel proprio corpore, vel transmissa per varios Sanctos & Fideles munificentia circumibat.] hæc ex Aegypto germina monachorum, cum alia ex Cappadocia, sancto Basilio auctore, longe ante sanctum Benedictum; non Italiam solum, sed vniuersam Occidentalem Ecclesiam impleuerint, vsque ad diuisos etiam toto orbe Britannos. Vides quam patens mendacium sit, asserere monasticam religionis sanctissimum Benedictum auctorem? vt aduersus ista adeo toto cælo patentia nullus testis possit admitti.

Sed prosequamur reliqua, quibus argumentum mutans, exagitas iterum sanctum Equitium, cumq. suis rursus niteris priuare monasterijs, asserens multa illa eius monasteria, quibus præfuisse ipsum Abbatem sanctus Gregorius <sup>a</sup> tradit, non alia fuisse, quam illa duodecim <sup>a</sup> *Greg. dial. lib. 1. c. 2.* sancto Benedicto apud Sublacum erecta. His vna satis superq. possit esse responsio; nimirum auctoritate ipsius sancti Gregorij luce clarius demonstrari, fuisse omnino diuersa, cum dicat, a sancto Benedicto <sup>b</sup> singulis <sup>b</sup> *Id. dial. li. 2. c. 3. d.* monasterijs singulos monachos fuisse præfectos: at de sancto Equitio verba faciens, ipsum vnum multis fuisse præpositum monasterijs Abbatem affirmat, nec ipsum fuisse sub aliquo constitutum: vt plane ostendat luce clarissima, distinctas ab inuicem fuisse collectiones monachorum Equitij & Benedicti; Equitij vero (vt est demonstratum) antiquiorem. declarat hoc ipsum & locorum diuersitas. Nam eodem teste, sancto Gregorio, duodecim illa sancti Benedicti monasteria circumquaque (vt <sup>c</sup> ait) constructa erant; hæc autem Equitij apud Amiternum, <sup>c</sup> *Id. lib. 1. c. 4.* fuisse cum idem sanctus Gregorius docet, tum vetera, quæ nunc eodem in loco extant monimenta, quæ & tu ipse non negas, ostendunt.

Rursus vero de duodecim illis monasterijs Sublacensibus ex eodem S. Gregorio, qui ipsorum primus meminit, illud considerandum, non ipsum dicere, singulis ipsis monasterijs singulos fuisse præfectos Abbates, quod scilicet locorum tenuitas, & paucitas monachorum in ipsis gentium id minime ferret, sed simpliciter monachos dixit, <sup>d</sup> quos inferior <sup>d</sup> *Id. dial. lib. 1. c. 3.* nominat Præpositos, cum de eius inde discessione agens, hæc ait: Inuidiæ locum dedit, atque Oratoria, & cuncta, quæ construxerat, substitutis Præpositis, adiunctis Fratribus, ordinauit, &c.] Porro Præpositos minores Abbates fuisse, vt qui eisdem subiecti essent, idem Gregorius sæpe docet, & S. Benedictus in Regula, quam postea scripsit, significauit. Hinc etiam est, quod Sublacense ipsum monasterium ab eodem S. Gregorio non Abbatia nominatur, sed Cella, vt quæ Abbatie subiecta esse soleret. Nam de Honorato agens Sublacensis monasterij præfecto, hæc ait: <sup>e</sup> Honorato etiam, qui nunc adhuc Cellæ eius, in qua <sup>e</sup> *Id. lib. 2. dial. in præf.* S. Benedictus videlicet conuersatus fuerat, præest.] hæc Gregorius. Quibus intelligas, nondum adhuc tempore S. Gregorij illa omnia monasteria Sublacensia eiusmodi fuisse, vt illis Abbates præfici possent, sed Præpositi tantum, minores Abbates. Cum igitur S. Equitius non Præpositus, sed Abbas in prouincia Valeria multa monasteria, non

Cellam

Cellam rexisse dicatur : plane conuincitur ex hoc etiam , ipsum esse non potuisse vni ex illis Sublacensibus cellis præfectum , quod tu affirmare frustra laboras . Etenim cum idem S. Equitius a S. Gregorio pater multorum monasteriorum fuisse asseratur , ipsum fuisse Abbatem , est necessarium affirmare .

Quod vero subiicis etiã Sublacum oppidũ fuisse in Valeria prouincia positum: Paulum diaconũ vestrum monachum Cassinatem legisse oportuerat , qui secundum eius temporis vsum vniuersam Italiam diuidens in prouincias quindecim , cum de Valeria agit , hæc habet . \* Tertiadecima prouincia Valeria , cui est Nursia annexa , inter Vmbriam , & Picenum , & Campaniam consistit . ] subdensq. fines eius ab Occidente , vbi & ipsa Valeria via ducit principium : Habet , inquit , vrbes Tiburim , Carsolim , Reate , Furconium , & Amiternum , regionemq. Marforum , & eorum lacum , qui Fucinus appellatur .] sicq. Sublacus ab ipso ferme exordio Valeriæ viz extra ipsam a dextris relinquitur , posita in ea parte , quæ secundum eundem recentiorẽ descriptionem Campaniam appellatur , sub qua etiam censetur hodie . Remaneant igitur tua sancto Equitio monasteria , & ab eis distincta sancto Benedicto sua , quem tu inuitum cogis ,<sup>b</sup> vt perdicem , oua fouere non sua .

Sed ad quintam Sectionem tuã veniamus , qua hoc tu astruis paradoxum , vt dicas , ante sanctum Benedictum in Italia monachos vixisse Regularum expertes . quod primum hac probare niteris ratione : Si qui , inquis , eo sæculo in Italia ( de hac enim loquimur ) certis scriptisq. legibus militassent , huius rei vestigium aliquod superfuisset .] at hoc ipsum inferius facile confutabitur . Deinde probas exemplo ,<sup>c</sup> sanctum Gregorium testem adducens , qui de sancto Honorato , patre ducentorum monachorum affirmet , ipsum a Deo edoctum , nullo vsum esse magistro . At non addit sanctus Gregorius , ipsum suos ducentos monachos absque Regulis , solo vitæ exemplo instituisse , qui tota illa disceptatione cum Petro diacono hoc agit vnum , vt ostendat interdum accidere , vt aliquis absque magistro instituitur a Deo , quod tamen in exemplum non esse trahendum affirmat . Honorato istud accidisse , vt cum ruri semper vitam egerit , adscripticij coloni filius , absque magistro a Deo bene fuerit institutus : quod ipsum sanctus Gregorius de sancto Benedicto pariter docet , a Deo scilicet doctũ atque pariter institutum . Sed tamen cum Abbas præfectus est monachis , ipsum eos ad omnes numeros vitæ regularis reuocasse , antequam ipse Regulas suas scripsisset , testatur idem Gregorius , dum de illis agit qui ipso exordio eius se gubernationi commiserunt :<sup>d</sup> Cum in eodem , inquit , monasterio regularis vitæ custodiam teneret , &c .] Quid enim per regularem vitam intelligit , nisi ex Regularum præscripto vitam bene composita m ? Sed idem ipse sanctus Gregorius ibidem de Romano quoque monacho ait , cum sub Regula Theodati Abbatis vixisset . Sic igitur , qui regulariter suos gubernabat sanctus Benedictus , antequam suas scriberet , alienis Regulis iam antea promulgatis vt eos instituerit necesse est . quas cum tibi inco-

<sup>a</sup> Paul. diac.  
de gest. Long.  
lib. 2. c. 20.

<sup>b</sup> Jerem. 17

<sup>c</sup> Greg. dial.  
lib. 1. c. 3.

<sup>d</sup> Id. lib. 2.  
c. 3.

gnitas dicis, nec earum inueniri vestigium existimēs, negas (quam prudenter, tu videris) vllas vquam fuisse. Verum non cernis antiquarum Regularum vestigia in ipso, de quo agitur, sancto Benedicto satis expressa, dum regulari disciplina (vt testatur in loco citato sanctus Gregorius) illos gubernaret monachos, qui cum sibi constituissent Abbatem. At quanam illæ Regulæ fuerint, cum suas nondum ipse scripsisset, tibi querendum erat, & non negandum quod essent. sed & quanam ex fuerint, ab ipso sancto Benedicto intelligere potuisses. Nam qui recens suas condidit Regulas, noluit antiquas abolitas, sed ob oculos suorum discipulorum semper voluit ipsas versari. Etenim de his ita cauit sua Regula numero septuagesimatertia: Collationes Patrum, & instituta, & vitæ illorum, & Regulæ sancti Patris nostri Basilij quid aliud sunt, nisi bene viuientium & obedientium monachorum exempla, & instrumenta virtutum? ] Hæc ipse vere sanctissimus, sicut & gratissimus, dum, per quem profecerit, non occultans, sanctum patrem nostrum, Basilium nominat, vt ostendat, quemnam in suis instituendis monachis fuerat magistrum secutus, & quibus, antequam Regulas suas scriberet, ipse vixerit, & suos monachos erudierit.

At nō ita tu, Frater, qui vbi de Regulis S. Basilij a Rufino Latinitati donatis, quas adeo S. Benedictus commēdat, agis, hanc perperā abs te confictam interpretationē apponis: Verū hæc, inquis, nullum nobis facessunt negotium: Rufinus enim Latine reddidit, nequaquam ad instituendos Occidentis ordines, vitamq. monasticam excōlendam; sed vt spirituale opus, quod ad cuiusque spiritus profectum maxime conducere-]t. ] hæc ipse. Qui eadem dicturus eras de Regula sancti Pachomij diuinitus accepta, quam S. Hieronymus æque in Latinum sermonem trāstulit. Tu vero neutram vis apud Occidentales in vsum acceptam, vt frustra hac in re primas deferas Benedicto, qui malis tot monasteria totius Occidentalis orbis sine Regulis vixisse, quam ante Benedictum Regulas ab aliquo accepisse. At quis (rogo te) tam amens inueniri poterit, qui collecturus monachos, & monasterium erecturus, non prius cogitaret, quibus illi essent Regulis instituendi, & sub quo ordinis titulo cōnobiū statuendū? cū præsertim diuersi generis extarent in Italiā alata Regulæ magni nominis virorū, nempe Basilij, atque Pachomij, Cassiani, Eugippijque. Et tibi placet scriptis Regulis tot agmina monachorum vixisse, antequā suas ederet Benedictus? amētibz ista suade. Nos autem libere affirmamus, non sine Regulis scriptis tot monasteria in Occidentali Ecclesia militasse: immo non hoc tantum dicimus, sed & amplius affirmamus, eundem ipsum sanctum Benedictum primum quidem alienis Regulis, nempe sancti Basilij (cum cum communem patrem appellat) se, suosq. monachos instituisse: cum tamen non negemus, eas illum ipso vsu ad suum institutum paulatim accommodasse, & experientia conuertisse, non tamen, illis reiectis, suas scriptas Regulas obseruandas promulgasse.

Ista vt demonstramus, primum de tempore, quo vir sanctus suas Regulas



gulas scripsit, dicendum erit. Communioni vestrorum sententia (vt tu etiam asseris) receptum est, non, antequam Cassinum peteret, id egisse. Modo rogo te, quibus Regulis duodecim a se constructa monasteria sub præfectis totidem rexit, vel regenda reliquit? vel quibus Cassinensem Collectionem moderatus est, prius quam Regulas scriberet? Plane non alias, quam sancti Basilij delegisse seruandas, eius conuicti testimonio, fateri debemus, dum sanctum Basilium suum suorumq. communem patrem appellat.

Sed non solum sub monachatus sui primordia, atque media, sed ad postrema vsque ipsa, & obitum, sanctum Benedictum iisdem Regulis suos monachos informasse, vestrorum patrum assertionibus (quod absque eorum testificatione dicere non ausi essemus) cogimur profiteri. Si quidem Petrus diaconus Cassinensis, magnæ apud omnes auctoritatis vir, vtpote qui Chartularius, & Bibliothecarius cœnobij Cassinensis cum esset, quæcumque extabant antiquitatis monimenta, ex penetralibus vendicauit in lucem, dum pertexit catalogum virorum illustrium eiusdem monasterij, hæc de sancto Benedicto in primis habet: Scripsit autem iam senex in eodem cœnobio Cassinensi monachorum Regulam discretione præcipuam, sermone luculentam, ] & eodem libro capite quinto hæc addit. Simplicius sanctissimi Benedicti discipulus, Regulam, quam suus magister condiderat, publice legendam omnibus monachis tradidit. ] hæc ipse. Scimus alicubi vitio Scriptoris legi: Quam suus magister ediderat. ] sed repugnat lectio illa sequentibus. Nam si iam eam S. Benedictus ediderat, quid opus fuit vt Simplicius eam legendam omnibus traderet, quæ iam cunctis editione facta per Benedictum innotuisset?

At quænam sit germana lectio, doceat vos vester monachus Siebertus, suorum scriptorum multiplicium fama notissimus, qui in libro, quem scripsit de illustribus Scriptoribus ecclesiasticis capite trigessimoprimo, hæc de sancto Benedicto: Prouectus ad summum culmen monasticæ perfectionis, secundum quam vixit, scripsit Regulam monachorum, sermone luculentam, discretione præcipuam: Simplicius discipulus eius latens magistri opus publicauit. ] hæc Siebertus: cuius verbis, dum ait, secundum quam vixit, scripsit Regulam, ] possumus intelligere præcessisse (vt diximus) experimentum, inde vero subsecutam scriptionem, nempe vt S. Basilij Regulas ipso vsu ad suum institutum paulatim inflexerit, senex demum scriptis suas mandarit, nõ tamen viuens (vt audisti) promulgarit, sed potius occultarit: quæ tandem publicatæ sunt a Simplicio, qui (vt de eo testatur sanctus Gregorius) tertius non Cassinensis, (vt putant) sed Lateranensis Abbas Benedictinos monachos gubernauit. Qui perspicue satis in præfatione Regulæ sancti Benedicti præposita tradit, latens hæctenus magistri opus se publicasse, Regulas scilicet ipsius, de quibus tunc sermo, vt de his esse dubitatio nulla possit, a quo tum Petrus diaconus, tum Siebertus eadem, quæ de his scripsere, accepisse fiantur. Ex quibus non solum Petri diaconi germanam habes lectionem, sed perspicue declaratum, absque scriptis a sancto Benedicto Regulis

gulis, non solum ipso Benedicto viuento, sed & post mortem eius vsque ad dictum Abbatem Simplicium Benedictinos monachos in Italia gubernatos. Istud quidem non ignominie sanctissimo viro cedit, vt alienis potius quam suis se suosq. monachos scriptis Regulis instituerit, sed summæ gloriæ, idq. multipliciter. Ac primum quidem vitabat illud, quod Dominus dixit in Euangelio: <sup>a</sup> Qui ex proprijs loquitur, mendax est. ] atque insuper illud: <sup>b</sup> Nolite plures magistri fieri. ] Itaque cauens vtrumque scopulum, Basilium patrem suum atque suorum elegit, & hoc nomine (vt audisti) summopere gloriatus, cum vt communem patrem etiam post scriptas a se Regulas suis colendum proposuit: vt sicut sanctus Hieronymus sancto Gregorio Nazianzeno, ita Basilio Benedictus magistro se vsum esse prædicator. Dignus pariter & eo nomine plurima laude, quod non ante ad suas Regulas scribendas addixit animum, quam vsu & experientia alienas summa prudentia, considerasset, & quæ addenda, quæ minuenda, vel moderanda, temperandave forent, pro temporis, loci, personarumq. ratione didicisset, vsuq. paulatim & experimento seruanda introduxisset.

Sed & præ ceteris ex eo sibi summam gloriâ comparauit, quod, ne suas quantumlibet elaboratas, sub incedē sapius reuocatas, omniq. ex parte probatas, in omnibusq. perfectas, præferre videretur antiquioribus a sanctis Patribus statutis Regulis, eas noluit, vt nouus legislator, fastu turgens edere & promulgare, sed recondidit & latere voluit. Ex his tu mihi dignosce Sanctos, æstima sanctiores, iudica sanctissimos. hanc adhibe <sup>c</sup> Christi staterā, & pondera Sanctuarij, quibus expenditur maior in regno cælorum, ex gradu nempe maioris humilitatis. Ex his, inquam, mihi eximiam Benedicti sanctitudinem prædica, tolle præconijs, & exaggera: nam paucorum est ista præstare, plurimorum scribere libros. Quamuis & hac ex parte sanctus Benedictus non sit sua laude fraudandus, vt pote, qui scribens Regulas, non de monachis tantum suis, sed de omnibus est bene meritus, factus toti orbi proficiuus atque conspicuus. Vt iam non habeat, quod fastu tumens Græcia Latinis insultet, viuere Occidentales monachos Orientalium Regulis, cum tanti Patris beneficio habeat Latina Ecclesia in thesauris, quod Græcia mutuari possit ab ipsa. nam pene exolecentibus reliquis, Regulæ Benedicti vbique locorum frequentiori sunt vsu receptæ, & obseruantiori cultu retentæ. De his enim Honorius Augustodunensis hæc ait: <sup>d</sup> Benedictus Abbas monasterij Cassinensis scripsit Regulam monachorum, per totum mundum promulgatam. ] ex his igitur satisfactum sit tuæ quintæ, atque etiam sextæ Sectioni.

Sed & septimæ quoque, qua rursus demonstrare contendis antiquiorem Equitio sanctum Benedictum, abunde satisfactum est superius, cum de tempore, quo sanctus Equitius claruit, ex Cassiodoro præcipue declaratum est; sicut & confutatum est pariter, quod hic refreicas, sanctum Equitium anachoreticam egisse vitam, pariterq. erroris etiam conuictum, quod nullas dixeras fuisse Regulas, quibus S. Equitius suos mo-

<sup>a</sup> Ioan. 8.<sup>b</sup> Iacob. 3.<sup>c</sup> Matt. 23.<sup>d</sup> Honor. Aug. de illust. eccl. Script. in Bened.

nachos instituire potuisset. Sed æque etiam satisfactum sit ijs, quibus confutare ad postremum id nifus es, quod Baronius dixit, in prouincia Valeria celebre monasterium eo tempore, nisi S. Equitij, nullum fuisse, ex quo peti posset Abbas, qui ad regimen S. Gregorij monasterij in Vrbem vocaretur. Quod enim opposuisti, S. Benedicti monasteria Sublacensia ex nomine S. Benedicti fuisse celebriora: satisfactum sit, inquam, dum est demonstratum, non fuisse in Valeria prouincia monasteria Sublacensia, pariterq. declaratum, auctoritate S. Gregorij, ea minime fuisse celebra, sed exilia, quibus nec Abbates dandi essent, sed Præpositi, quæ & cellæ potius proprii vocabulo dicerentur, quam monasteria.

Deinde, quod ad celebritatem Equitij monasterij pertinet, quodnam illo in ea prouincia potuit tunc inueniri celebrius? Erat illud nobilitate præcipuum, sub quo reliqua illa monasteria, quibus præerat sanctus Equitius, posita erant. Quodnam illorum duodecim S. Benedicti, in quibus singulis duodecim tantum monachi sub vno præfecto debebant, cum isto comparandum? An non celebrius cunctis Valeriz prouinciz monasterijs illud Equitij habendum fuit, illustratum tanti viri regimine, qui non ab hominibus, neque per homines ad conuersionem animarum, sed a Deo Apostolatam accepisset, quem & reuereri coactus sit ipsum totius Ecclesiz caput Romanus Pontifex, illum numine exterrere? Quantam ex his putas viro sanctissimo gloriam comparatam, ac publice promulgatam, & quantum inde ipsius monasteria illustrata? præcipue vero illud, cuius Oratorium post obitum eius tutum asyllum factum sit (vt ostendit sanctus Gregorius) a fauorem incursionem Longobardorum. Vt non immerito ex successoribus & virtutum eius heredibus sibi Gregorius Abbas elegisse intelligatur.

Octauam his subiicis Sectionem, rursus insurgens in ea, quæ a Baronio sunt asserta de S. Equitij in prouincia Valeria monasterio, ex quo Valentius Abbas a sancto Gregorio est petitus: Non recte, inquis, concludit, nullum aliud celebre erat in prouincia Valeria monasterium, quam S. Equitij: ex eo igitur accersitus est Abbas Valentius.] vrge nimis, potuisse Gregorium ex minus celebri monasterio eius prouinciz Abbatem sibi deligere. sed, vt video, vel cauillaris, vel vim minime percipis argumenti. Audi igitur vnde sit deductum, & quo tendat Baronij argumentum. <sup>b</sup> Quod enim sanctus Gregorius suum Abbatem dixit fuisse Valentium, eundemq. petitem e prouincia Valeria: cum in ea nulla alia nominata (sic enim voluit celebra dixisse) nisi Equitij monasteria fuisse legantur, ex vno illorum dictum Abbatem fuisse petitem, iure existimandum putauit. At quonam ex alio, quam ex aliquo monasteriorum S. Equitij Abbatem illum petitem dices, cum nullum in ea prouincia nominatum reperiatur monasterium, quod non esset positum sub S. Equitio? nam Sublacensia illa cœnobia extra Valeriam prouincia fuisse constituta, nec talia quibus præficerentur Abbates, superius est demonstratum. Mendax ergo Trithemius recens auctor, qui inter Benedictinos Abbates numerat Valentium istum. sed peculiare ipsi, quotquot

<sup>a</sup> Greg. dial.  
lib. 1. c. 4. in  
fine.

<sup>b</sup> c. d. ibid. l. b.  
c. 6. 28.

quotquot legerit vsquam monachos, etiam ex illis, quos constat ante sanctum Benedictum vixisse, mox inter Benedictinos annumerare.

Gregorio igitur potius inhærendum est, immo & cum eo solo sentiendum, qui pluribus notis ipsum a monachis sancti Benedicti fecerit. Ex loco primum, quod in prouincia Valeria Abbatis munere fungeretur, quæ nec nominata saltem toto illo secundo dialogorum libro, quo sanctus Gregorius vitam sancti Benedicti contexuit, inuenitur; in qua tantum Equitij fuisse posita monasteria tradit. item ex loquendi vsu. Nam cum de Benedicti discipulis verba facit, semper eiusdem sancti Patris monachos fuisse docet. Valentium vero hunc, quem suum Abbatem fuisse dicit, cum reliquis sancti Benedicti successoribus Abbatibus non coniungit; neque ab eo, sicut ab alijs Abbatibus, S. Benedicti discipulis, de S. Benedicto se vel verbum obiter vllum accepisse testatur; cum tamen in rerum ab eo gestarum narratione, vna cum tribus illis nominatis Lateranensibus Abbatibus contexta debuisset vel quauis saltem occasione eiusdem viri mentio fieri, vt patris & institutoris ipsius, quod de alijs factum constat. Demum vero (vt vnica sententia rem absoluam) cum plura sint, quæ Valentium sancti Gregorij Abbatem, a monachis S. Benedicti distinguant, nihil penitus inueniatur, quod ipsum illis adiungat; contra vero, cum nihil sit inuenire, quod ipsum ab Equitij monachis constituat alienum; plura vero sint, quæ ipsum ex eius germine propagatum ostendant: iure ex Equitij potius sobole, quam Benedicti eum fuisse monachum, est assertum. sed iam de his satis, ad nomina tuam Sectionem veniamus.

Qui hætenus frustra laborasti, vt positas ex S. Gregorio de suo monachatu diuerso ab ordine S. Benedicti confutares rationes: iam hac ipsa & ceteris, quæ sequuntur, Sectionibus plura argumenta afferre conaris; quibus doceas, ipsum S. Gregorium Benedictinum fuisse monachum. Atque in primis ex cognatione cum sanctis Mauro & Placido S. Benedicti discipulis ita probas: S. Gregorius hos habuit consanguineos: ergo sicut illi, ita & ipse inter S. Benedicti monachos numerandus. Vtinam posses probare, quod astruis, fuisse S. Gregorium Mauri & Placidi consanguineum: concederemus, indulgentes tibi, vt quos nexuit vinculum carnis, strinxerit quoque simul spiritus nexus. licet hæc sibi iniicem aduersentur; & sancti viri timentes, ne quoquo modo teneantur affectu carnis, cum a spiritu ducti, mortificatuti opera carnis, seculari vitæ nuntium remittunt, monasteria non deligant, in quibus stringi possint compede carnis, perfectam Abraham renuntiationem imitantes, cui dictum est: \* Egrede de terra tua, & de cognatione tua. ] Sed vnde ista quæso propinquitas sanguinis a te ostenditur? quod, inquis, sicut Maurus & Placidus, ita & S. Gregorius ex Anicia familia fuerit procreatus, & diploma extet antiquum, in quo Gordianus id disertis verbis affirmet. Trahis inuitum, fateor, & renitentem cogis apertissimam, detegere imposturam de commenticio isto, quod citas, diplomate Gordiani, quod honoris causa optassem potius alto sepultum silentio

a Gen. 12.

& obliuione deletum : tamen quoniam ad ipsum prouocas, quale sit illud, patefacere, id te exigente, compellor. Extat ipsum editum post Chronicon Leonis Ostientis, post librum quartum additum a Petro diacono, pagina centesima nonagesimaseptima, cusum Venetis anno salutis millesimo quingētesimo decimotertio, curante Laurentio Vicētino monacho, vt ipse sua epistola nuncupatiua docet. quod sic se omnino habet:

In nomine Domini nostri I E S V Christi Dei æterni, anno Incarnationis eius quingentesimo vigesimonono, Imperij vero Domini nostri conseruandi Iustini perpetui ac triumphatoris Augusti anno quarto, mense Iulij, die decimaquarta.

Christum se sequentibus, suaq. iussa seruantibus promissus est centuplum redditurus, & in cælesti regno vitam æternam daturum, quia, quod Deo, & Sanctis eius conceditur, potest hanc vitā in cælesti palatio inuenire. Quod ego Gordianus illustrissimus ac spectabilis Consul almæ senioris Romæ aduertens, declaro deuenisse nos Cassini vna cum consanguineo domino nostro Tertullo Patricio, causa videndi, ac querendi propinquos nostros clarissimos Placidum, Maurum, ac Felicissimum. Cumq. eundem locum ingressus, & a venerabili patre Benedicto in fraternitatem, & societatem bonorum operum fuissem susceptus, nomina cum discipulorum suorum nominibus describi fecit. Quo facto nos quoque ad remunerandum tantæ charitatis vinculum, in præsentia dicti gloriosissimi Tertulli, nostræ ac conseruandæ ciuitatis Romanæ Patricij, in conspectu quoque parentum nobilium nostrorum, scilicet Symmachi, Vitaliani, Equitij, ac Dorothei, interuentu quoque ac postulatione dilectissimi filij nostri Gregorij, de præsentia in perpetuum, concedo tibi serue Dei Benedictæ, castra omnia, municipia, possessiones, & villas, omnia & in omnibus, quæ mihi ex parte Octauiz stirpis, & Siluiæ nostræ dilectissimæ contestalis pertinet in territorio nostræ Ciuitatis Romanæ, suburbio Aquinensi villam Eucheliam cum pertinentijs suis inter hos fines, &c.] post fines descriptos ista subiiciuntur: Hæc omnia interuentu dilectissimi filij nostri Gregorij, propter singularem dilectionem, quam iam dictis Placido, & Mauro, ac Felicissimo habeo, ac pro redemptione quoque animæ meæ, & Siluiæ vxoris meæ, nec non propter Felicis, atque Transillæ, totiusq. stirpis Octauiz, ad possidendum eidem seruo Dei Benedicto in perpetuum tradidi, confirmaui, donauimus, ac roborauimus ad semper habendum. Atque pallam altaris sancti Baptistæ Ioannis in eadem Cassinensi ecclesia obtuli cum intra se habentibus subter & supra cum vijs suis intrandi, & exeundi per omnia, & in omnibus. Si quis autem huius nostræ concessionis indiculum in aliquo violare præsumperit, decem millia talenta auri purissimi Romano soluat Imperio, & hæc nostra concessio firma & stabilis in æuum permaneat. Añum est anno Imperij Iustini quarto, trecentesima vigesima sexta Olympiade.] post hæc istæ subscriptiones adduntur.

Ego Gordianus Romanorum Senator illustr. manus meæ signo roborauimus.  
Ego Gregorius filius eius Consul illustr. subscripsi.



Ego Tertullus illustris ac spectabilis almæ Ciuitatis Romæ Patricius.

Ego Symmachus Patricius & Consul.

Ego Vitalianus Patricius & Consul.

Ego Belisarius Patricius & Consul.

Ego Boetius Patricius & bis Consul compleui & reddidi decimaquinta. Iulij. ] hucusque diploma, quod, quicumque ille fuerit qui confinxit, certe ineruditus, imprudens, omniq. ex parte leuissimus homo extitit, vt qui nihil magis conari visus sit, quàm vt quod commentus est, nullius penitus fidei inuociretur esse diploma. Omittimus dicere de eius Latinitatis imperitia, de phrasi ab eo tempore aliena, atque inusitatis formulis, vsu illo adsciscendi in fodalitiũ post longa tẽpora introductis: quotupliciter in notis tẽporis cõuincatur, ex quo impostura manifesta reddatur, sic accipe.

Anno Incarnationis quingentesimo vigesimonono, quo scriptum diploma ponitur, non Iustinus imperabat, siue Senior qui triennio antea iam obierat, siue Iunior, qui post plurimos annos successit, sed Iustinianus, qui tertium annum agebat in Imperio. Quod insuper Olympiade trecentesima vigesima sexta datum asseritur, omisso quod annus Olympiadis cum notato anno salutis non cohæret: inusitatum prorsus erat, vt publicum vllum monumentum his temporibus Olympiade consignaretur. Ac licet magna ista sint, quibus iure falsitatis diploma redarguas, minima ducimus si cum ijs conferantur, quæ dicturi mox sumus.

Mentio in eo habetur Gregorij filij Gordiani, quæ ex matre Siluia, cuius in eodem iterata sit mentio, nõ alium quam sanctum Gregorium expressum Papam existimare cogimur, quem & ex subscriptione cum titulo Consulatus ætate iam grandiore possumus intelligere. At eo anno valde puerum, immo necdum natum fuisse Gregorium, ex multis apparet. Tu vero ista adeo deformata vt quoquo modo aptare posses; nominatum illum in diplomate Gregorium, non Papam fuisse dicis, nec Gordianum illum, patrem Gregorij Pontificis, sed proauum, Gregorium vero auum Gregorij Papæ. sed ex quonam antiquitatis fonte ista deducis? Nonne ex matre Siluia agnoscis, Gregorium Papam ab impostore confictum? Quem tu vel ex eo redarguas, quod cum mentiendi habuerit voluntatem, nescierit falsitatem aliqua saltem verisimili ratione velare. Tu vero, vt dissuta mendacia consuas, sicut alium Gordianum, & alium Gregorium, ita & oportet vt aliam quoque Siluiam fingas. sed num vel sic stabit ita male confarcinatum commentum? minime gentium. nam attende alias in lacero panno scissuras.

Quid nam tu dicis de illa tam enormi in diplomate apposita multa, decem millium talentorum auri purissimi? ignorasse visus est qui finxit, quanti ponderis esset talentum auri: quod si scisset, plus satis ipsi videri potuisset talenti vnus adiecisse penam. Sed & quid Romano ea persoluenda Imperio ipse decernit, cum in Occidente iam nullum esset Imperium, soli. in Italia Gothi regnarent, sub Iustino Theodoricus, & sub Iustiniano tunc imperante Athalaricus. cum Imperatores, non nisi extinctis Regibus Gothis, iuris quidquam sibi Romæ, vel in Italia vendicarent?

dicarint? Quid insuper ponitur subscripsisse Belisarius Patricius & Consul, cum Romam non viderit Belisarius ante annum Domini quingentesimum trigcesimumseptimum, quando aduersus Gothos cum exercitu veniens eadem potitus est Vrbe, id Procopio, id reliquis omnibus antiquis Scriptoribus absque controuersia asserentibus? Quale illud insuper, quod ad calcem diplomatis habetur: Ego Boetius Patricius & bis Consul compleui & reddidi? Num tabellionis munere Boetiusungebatur? vel quomodo bis Consul potuit subscripsisse, quem ante triennium constat a Theodorico Rege iussu truncari capite? Hæc de diplomate pauca e multis, quæ obijci possent, dicta sunt. Ex illo nunc probari contende, Gregorium Placido & Mauro sanguine fuisse coniunctum.

Quod autem eundem Gregorium pari ausu asseueras fuisse Anicianæ familiæ; certe nobilissimo ortum genere nemo prudens puto negarit; fuisse autem huius vel alterius familiæ, cum antiquorum nemo reperitur id testatum alicubi reliquisse, id vero diuinare est, & temerarium, valde, quod nescitur, asserere. Qui autem dixit Felicem Papam, quem atauum suum Gregorius appellat, Anicianæ fuisse familiæ, vnde acceperit, cum ipse non prodar, nullius potest esse auctoritatis, quod recēs Scriptor pro arbitrio tradit. At tu in hoc omnino audiendus, qui ex antiquioribus monumentis id te proditurum iactas: sed ex quibus, audiamus; sic enim ais de homine tibi amicitia cōiunctissimo: Vir doctissimus Arnoldus Belga ex archiuo Cassinensi assert alind donationis instrumentum sancto Bonito Cassinensi Abbati quinto a Gordiano Gregorij patre concessum. At hunc auctorem in his citasse, plane vereor ne sit te, ipsum insigniter leuitatis nomine sugillasse. Apud doctos enim & peritos rerum antiquarum, quibus abundat sæculum nostrum, ex libro, quæ edidit de Aniciano stemmate, quo nititur probare, Philippum Regem Catholicum ex familia sancti Benedicti descendere, quem & Anicianum genere fabulatur, ipso auditu exploditur cum risu, & eiecitur cum nauſea tota eius narratio, tamquam opus contextoris mendaciorum, & delirantium somniorum auctoris. de quò, vt me calumnia liberares, percontare eos, qui Romæ sunt eius facultatis, viros doctissimos, vestri etiam ordinis studiosissimos. Ex eius igitur fabellarum promptuario inter alia recitas fragmentum, in quo Gregorius Anidius cognominatus inuenitur. Ego hic reddam integrum, vt ab Arnoldo ponitur. in ipso libro, quem scripsit de Aniciana familia in stemmate secundo, gradu octauo, Aniciano vigesimoquarto, vt magis miretur Lector, eum viderit ex impostura compositam imposturam. ita enim legitur apud Arnoldum.

In nomine Domini Dei Saluatoris N. I. C. Imperante domino Iustino Iunior perpetuo Augusto, anno quarto, post Consulatum eiusdem domini nostri anno secundo, Indictione secunda, mense Iulij, die decimaquarta, sancto & venerabili monasterio in monte Cassino, a beatissimo Benedicto constituto, in quo est Bonitus reuerendissimus Abbas, & per eum cunctis successoribus suis, in isto sanctissimo monasterio man-

suris,

suris, & regulariter substituendis in perpetuum pro laude & gloria & honore Dei, & beatissimi Benedicti; in quibus fiduciam habeo: ego Anicius Gordianus pro Dei omnipotentis amore, & animæ saluatione dilectissimum nostrorum parentum, Symmachi, Tertulli, Vitaliani, Equitij, Dorothei, interuentu quoque & postulatione dilectissimi filij mei Anicij Gregorij, de præsentī in perpetuum concedo, dono, offero tibi seruo Dei Bonitio fundos, villas, & possessiones, quæ ad me ex parte Aniciæ stirpis, ac Siluiæ meæ coniugis pertinent in territorio Aquinensi &c.] ita infra in eodem instrumento: (nam illa tantum, ait ipse, affero, quæ præsentī instituto seruiunt) paulo post subditur: Hæc omnia dilectissimi filij mei Gregorij interuentu, pro redemptione animæ meæ, & Siluiæ iugalis meæ, totiusq. Aniciæ stirpis, a præsentī die largior vobis pro sustentatione Fratrum in eodem monasterio permanentium.] hucusque ex eo diplomate Arnoldus.

Qui ad tegendam imposturam, ne quis arguere posset hoc ipsum, quod ponit instrumētum, idem esse, paucis mutatis, cum eo, quod proxime ex libro Chronici Cassinensis recitatum est, mox subiicit ista: Prædictum autē instrumentum Cassinense diuersum ab illo, quod est in fine Chronici Cassinensis excusum, licet multis demonstretur, utpote quod illud sub Iustino Seniore anno Christi quingentesimo vigesimo nono, S. patre Benedicto viuentē, istud vero sub Iustino Iuniore, anno quingentesimo sexagesimo nono tempore Abbatis Bonitij facta legantur: at præcipue id elucet ex verbis Gordianorum. In primo namque instrumento excuso dicit Gordianus se deuenisse ad mōtem Cassinum cū Tertullo, Symmacho, Vitaliano, Equitio, ac Dorotheo parentibus suis, & omnia illa largiri S. Benedicto, a quo fuerat benigne susceptus: in isto autem instrumento manuscripto fatetur alter Gordianus sancti Gregorij pater, se illam donationem Bonitio Abbati facere pro anima prædictorum parentū suorum, qui defuncti erāt.] hucusque de his Arnoldus, quem par erat exsufflare, & non excusare, commentum, quod quisque vel mediocris eruditionis vir satis agnoscere potuisset. sed dum excusat, seipsum accusat, & quidem multipliciter. Primum quidem quod recitatum ante diploma Gordiani, tempore sancti Benedicti (vt ait) perscriptum, quot esset ornatum mendacijs nō cognouit, & commenticium atque adulterinum esse non intellexit. Deinde quod illud ipsum in quibusdam mutatum, & plane adulteratum, imposturam ex impostura textam non videns in lucem dedit tenebris potius obruendum. Demum verò quod non solum illud falsitatis nō redarguit, sed vt partum suum, sic male editum, tamquam sibi proficuum, idoneumque, ex quo possit probare quod velit, retinuit atque defendit. Verū quod diuersum non sit, sed idē ipsum alteratū, vel potius adulteratū, ex ijs quæ in eo integra relicta sunt, prudens quisque facile poterit intelligere. Primum quidē quod istud perinde atque illud datum dicitur Iustini Imp. anno quarto, mense Iulij, die decimaquarta, licet astute, admodum a posteriori abrasus sit annus salutis, & Iustino additum nomen Iunioris, cum nota Consulatus. Insuper quod istud, sicut illud, dicatur

eatur interuentu Gregorij filij factum, sed additum in posteriori Gregorio cognomentum Anicij, cuius causa totum illud commentum noscitur fabricatum. Quod etiam in hoc, sicut in illo, Gordiani vxor Siluia Gregorij mater nominetur, in priori quidem sic: Hæc omnia interuentu dilectissimi filij nostri Gregorij, propter singularem dilectionem, quam iam dictis Placido, & Mauro, ac Felicissimo habeo, ac pro redemptione animæ meæ, & Siluiæ vxoris meæ, &c. ] in posteriori autem: Hæc omnia dilectissimi filij mei Gregorij interuentu, pro redemptione animæ meæ, & Siluiæ iugalis meæ, &c. ] Quod denique in vtroque (quod maioris momenti videri potest) eiusdem rei donatio facta ponatur, nempe villæ apud Aquinum positæ: in priori sic: Quæ mihi ex parte Octauiz stirpis, & Siluiæ nostræ dilectissimæ contestalis pertinent in territorio nostræ Ciuitatis Romanæ suburbio Aquinensi, villam Eucheliam cum pertinentijs suis &c. ] in posteriori autem his verbis: Villas & possessiones, quæ ad me ex parte Aniciz stirpis, & Siluiæ coniugis meæ pertinent in territorio Aquinensi &c. ] Vbi igitur idem annus Imperatoris, idem mensis & dies, idem donantis nomen, & coniugis Siluiæ, & cuius interuentu fit donatio, Gregorij pariter nomen idem est expressum, eadem denique res donata ponitur & nominatur: quis erit, qui vnum idemq. diploma fuisse dubitet, paucis additionibus & diminutionibus ab impostore interpolatum? Finge tu (quisquis auctor es imposturæ) ad libitum alium illum Gordianum esse: numquid ex nomine Siluiæ coniugis aliud quam patrem Gregorij Papæ, qui ex Gordiano patre & Siluia coniuge natus est, potes asserere? Oportuisset te excogitare aliam quoque Siluiam, & alium Gordianum. Sed nec sic quidem vtrumque commentum tot alijs certis signis imposturæ conuictum subsisteret. De priori iã satis dictum, ex quo cum ipsum corruat, infertur ruina posteriori. quod ex additamentis illis apposis tantum abest vt fulciatur, vt potius violentiori impetu prosternatur. nam accipe.

Datum dicitur anno Redemptoris quingentesimo sexagesimonono. Vbi autem datum, & cui datum sit, his verbis exponitur: Sancto & venerabili monasterio in monte Cassino a beatissimo Benedicto constituto, in quo est Bonitus reuerendissimus Abbas, & per eum cunctis successoribus suis in isto sanctissimo monasterio mansuris &c. ] Sed quomodo eo anno, & Cassinensi monasterio, & in Cassinensi loco diploma datum fingi potuit, si eo tempore monasteriũ non extabat, excisum iam penitus & dirutũ incensumq. per Longobardos? Et si ita res est, vt certe est, quomodo in eodem diplomate subijci hæc verba potuerunt: A præsentī die largior vobis pro sustentatione Fratrum in eodem monasterio permanentium? ] si, inquam, monasterium iam erat excisum, & monachi omnes Romam migrauerāt: quid monasterio pro permanentibus ibi tunc monachis donari potuit? Quod autē iam ante incensum & dirutum a Longobardis fuerit nullatenus negari potest, cum tāta clades satis superq. sui immensitate famosa, certa temporis nota remanserit posteris consignata, omnibusq. notissima. de qua ceteris antiquior rerum Cassinensium Scriptor, eiusdem monasterij

naſterij alumnus atque Bibliothecarius, Leo Oſienſis \* Episcopuſ hæc  
habet: Cum iam ab Incarnatione Domini quingentorū ſexaginta & octo  
annorum circulo volueretur, præſatum cœnobium Caſſinenſe vide-  
licet, nocturno tempore, quiſcentibus Fratribus, ingreſſi ſunt Longo-  
bardi &c.] Nec eſt quod dicas in numerum annorum ſalutis in diploma-  
tē poſitum errorem irpeſſiſſe: nam idem annus Redemptoris quin-  
gentſimus ſexageſimus nonus anno quarto Juſtini Imperatoris, qui in  
eodem aſſeritur, pariter conſignatur. Sed & cum ſecunda Indictione,  
ipſum habitum reperitur, eadem idem ipſe annus quingentſimus ſexa-  
geſimus nonus inſinuatur. Quod igitur triplici remanet conſignatum  
Chronographia, abſque mendo conuincitur permanere. His adde, quod  
ſi Bonitio Abbati iſtiusmodi donatio facta eſt; vtique poſt deſolatum cœ-  
nobiū oportuit contigiſſe. Nam ſi prædeceſſores Bonitij Valentinianus,  
& Simplicius Lateranenſi cœnobio præſuiſſe dicuntur, b vtique poſt de-  
ſtructurum a Longobardis Caſſinenſe cœnobium id factum oportuit. Hæc  
de commenticijs diplomatibus, quibus Gregoriū aſſerere ſtudiſti con-  
iunctum ſanguine fuiſſe cum Placido & Mauro, & Aniciana familia ge-  
nitum. Quorum quoque diplomatum falſitas vel ex eo in ſuſpicionem  
ſaltem adducenda erat, quod Leo Oſienſis, qui monimenta quæque  
Caſſinenſis cœnobij & aliorum ſcrutatus, nihil (vt profitetur) omiſit  
de his quæ ſpectant ad donationes eidem monaſterio a diuerſis exhibi-  
tas, nihil reliquit non perueſtigatum; de his tamen diplomatibus ne  
verbum quidem habeat. Sed & quod de conſanguinitate ſancti Grego-  
rij cum Placido & Mauro in altero eorum diplomate habetur (vt hoc  
addam) vel ex eo minime recipiendum erat, quod cum ſanctus Grego-  
rius cōſuerit ſuis ſcriptis ſanguine ſibi coniunctos nominatim exprime-  
re, vt cum agit de Felice Papa; mox atauum ſuum fuiſſe dicit; cum de  
Taſſilla, amitam ſuam nominat; cum de Aemiliana & Gordiana, ſo-  
rores pariter appellat patris ſui: feciſſet proculdubio hoc ipſum in Pla-  
cido & Mauro, cū de ipſis agit; ſi eos, vt dicis, ſuos fuiſſe conſanguineos  
cognouiſſet. Nihil eſt ergo, vt vel ex conſanguinitate, vel ex familia Ani-  
ciorum S. Gregorium fuiſſe Benedictinum monachum poſſis aſſerere.

Sed mirum, quod dum aſſeris cum Arnolſto ſanctum Gregorium ex  
Aniciana familia genitum, non ex hoc ipſo deducas argumentum pari-  
ter, quod monachus fuerit ſancti Benedicti, eo quod ab eodem conſtan-  
ter aſſeritur, etiam ipſum Benedictum fuiſſe ex Aniciana familia. ita  
enim habet in gradu quinto, Aniciano vigefimoprimo ſecundi ſtem-  
matis: Sanctus Anicius Benedictus Probus Eupropij Probi Comitſ  
Nurſiæ filius, ex Abundantia Reguardata matre, vno partu editus cum  
Scholaſtica ſore, anno Domini quadringentſimo octogefimo in ciui-  
tate Vmbriæ Nurſiæ &c.] Hæc tuus doctiſſimus Arnolſus, qui, vt præ-  
ſatur in nuncupatoria epiſtola ad Philippum I. Regem Hiſpaniarū, co-  
nari ſe dicit oſtendere, Auſtriacorū familiam nobiliſſimā eodem cum S.  
Benedicto ſanguine progeneratā, quod pro certo & explorato frequēter af-  
firmat. Viſa ſunt mihi iſta, ſicut omnibus ea legētibus doctis viris, ſateor,



deliria phrēncide laborantiū, indigna profecto quæ a venerandi ordinis monacho proderentur in lucem, quæ risum quoque mouere possent Heracito obstinate lugenti. aliunde plane, quam ex Aniciano stemmate comparata est nobilitas Benedicti. Stat ipsa, stabitque in æternum tamquam bene fundata supra firmam petram solida semper constans S. Benedicti vera nobilitas, non ex carne, sed ex spirita edita, virtutibus aucta, ex rebus præclare gestis perenniter illustrata, Crucis Christi insignibus summo opere decorata, toto orbe terrarum præconijs celebrata.

Quod autem ad stemma progenitorum spectat, satis ipsi ad nobilitatem, quod sit ex ingenuis parentibus ortus: neque enim aliquid amplius tribuit illi S. Gregorius<sup>a</sup> cum ipsum ait liberio genere ex provincia Nursi exortum. Liberius genus dixit, quod valde ingenuum, & procul a seruii descenderit. Non improprijis in genere S. Gregorius describēdo, vsus aliquando vocibus reperitur. nam cum de S. Galla<sup>b</sup> agit: Galla, inquit; huius Urbis nobilissima puella Symmachi Consulis ac Patricij filia; cum de Liberio, & Patricio: Liberius, ait, vir nobilissimus: eodemque modo in reliquis. Ceterum ex historia quam narrat de filio Defensoris S. Benedicti discipulo, plane significat ipse Gregorius cuius nobilitatis S. Benedictus esse potuerit, cum eius comparatione filius Defensoris (est is gradus infimus magistratuum) illo nobilior haberetur. rem ille gesta in dialogis sic exponit: <sup>d</sup> Quadam quoque die, dum venerabilis Pater, vespertina iam hora, corporis alimenta perciperet: eius monachus cuiusdam Defensoris filius fuerat, qui ei ante mensam lucernam tenebat. Cumq. vir Dei ederet, ipse autem cum lucerna ministerio astaret, cœpit per superbix spiritum in mente sua tacitus voluere, & per cogitationem dicere: Quis est hic, cui ego manducanti assisto, lucernam teneo, seruitium impendo? quis sum ego, vt isti seruiam? Ad quem vir Dei statim conuersus, vehementer cœpit eum increpare, dicens: Signa cor tuum frater, quid est quod loqueris? signa cor tuum &c.] At vnde hæc illi eius tumoris occasio? non quia se Benedicto sanctiorem, vel ministerio maiore existimaret: erat enim ille magister, iste discipulus, ille pater, hic filius, Abbas ille, monachus subditus iste; non ex his quidem, sed (vt bene explicat S. Gregorius) quod scilicet Defensoris fuisset ipse filius, quo nomine ipsi videretur sancto Benedicto longe nobilior. Erat autem Defensor tenuis magistratus, cui vnus tantum ciuitatis negotia gubernanda committebantur (vt ex Cassiodoro<sup>e</sup> redditur manifestum) a concubus postulatus.

Ex his igitur intelligere poteris quantæ nobilitatis fuerit Benedictus, cuius comparatione filius Defensoris longe nobilior videretur.

f 1. Cor. 5. Vnde ad illud Pauli Apostoli sit hoc etiam loco recurrendum: <sup>f</sup> Non multi sapientes secundum carnem, non multi potentes, non multi nobiles, sed quæ stulta sunt mundi elegit Deus, vt confundat sapientes, & infirma elegit Deus, vt confundat fortia, & ignobilia & contemptibilia elegit Deus, & ea quæ non sunt, vt ea quæ sunt destrueret, vt non gloriectur omnis caro in conspectu eius.] An æmulamur? Dominum, & fortio-

<sup>a</sup> Greg. dial.  
lib. 2. in prin.

<sup>b</sup> Id. lib. 3. c.

<sup>c</sup> Id. lib. 3. c.

<sup>d</sup> Id. lib. 3. c.

<sup>e</sup> Id. lib. 3. c.

<sup>f</sup> Id. lib. 3. c.

<sup>d</sup> Id. lib. 2. c.

<sup>e</sup> Id. lib. 2. c.

<sup>f</sup> Id. lib. 2. c.

<sup>g</sup> Id. lib. 2. c.

<sup>h</sup> Id. lib. 2. c.

<sup>i</sup> Id. lib. 2. c.

<sup>j</sup> Id. lib. 2. c.

<sup>k</sup> Id. lib. 2. c.

<sup>l</sup> Id. lib. 2. c.

<sup>m</sup> Id. lib. 2. c.

<sup>n</sup> Id. lib. 2. c.

<sup>o</sup> Id. lib. 2. c.

<sup>p</sup> Id. lib. 2. c.

<sup>q</sup> Id. lib. 2. c.

<sup>r</sup> Id. lib. 2. c.

<sup>s</sup> Id. lib. 2. c.

<sup>t</sup> Id. lib. 2. c.

<sup>u</sup> Id. lib. 2. c.

<sup>v</sup> Id. lib. 2. c.

<sup>w</sup> Id. lib. 2. c.

<sup>x</sup> Id. lib. 2. c.

<sup>y</sup> Id. lib. 2. c.

<sup>z</sup> Id. lib. 2. c.

<sup>aa</sup> Id. lib. 2. c.

<sup>ab</sup> Id. lib. 2. c.

<sup>ac</sup> Id. lib. 2. c.

fortiores illo sumus, vt illos velimus nonnisi in purpura genitos esse Sanctos, quos ipse crexit de stercore, vt collocaret cum Principibus populi sui? Cum alioqui si insit nobilitas, non spernenda, sed magis prædicanda: quod viri sancti fecisse dicuntur. Porro ista somnians vester Arnoldus, quantum sapiat, euidenter apparet. cuius quidem commentarij si tot tantum errores, quot paginas, enumerauero: multum quidem certe illi, & plus satis indulsero. sed de ipso, & cum ipso alias: tecum modo agenda res est animo pacatissimo.

Decima Sectione, vt reuoces ab Equitio, & redigas sub Benedicto Gregorium, ea insurgis ratione, quod multa donata a proauo, patre, matre ipsius Gregorij, atque ab ipso Gregorio inueniantur S. Benedicti cœnobio, nulla vero S. Equitij monasterijs. Ista vero de donatis monasterio S. Benedicti, vt probes, superius citata diplomata affers, quæ cū nulla ex parte coherentia, sed omnino adulterina sint demonstrata, & superius confutata; vt ab his desistas, ad ea te accuratius intuenda reijcimus.

At quid dicam? A nobis inuitis rursus extorques, cogisq. pandere, quæ perpetuo essent relinquenda inuoluta silentio. Siquidem eiusdem quoque generis reliqua esse diplomata, ibidem post finem quatuor librorum, Chronici Cassinensis posita, & affectatā antiquitatem præ se ferentia, libere asserere non dubitamus. Id vt magna fiducia affirmemus, suadet in primis rerū antiquarū cœnobij Cassinensis Collector vester Leo Ostiensis Episcopus eiusdem monasterij antiquus monachus, ac munere Bibliothecarius, qui industria incomparabili, atque scrupulosa (vt ipse ait) sollicitudine fuit in perquirendis vndique donationibus ad idē monasterium spectantibus, vt sua nuncupatoria epistola ad Oderisum Cassinensem Abbatem ipsemet ingenue proficitur. Vnde non immerito in falsā suspicionem adducantur, quæcumque ab ipso non cognitæ nec repertæ post eum in lucem prodierunt, in illum angulum reiectæ diuersarum donationum tabulæ; proscribendæ omnino, cum nullo veritatis glutino coherentes deprehendantur. Ceterum sicut ab exordio nascentis monasterij multa ibi donata a nobilibus Romanis nō solum inficias non imus; sed parati sumus redarguere, qui hoc negent: ita falsa ista atque cōficta diplomata post quatuor illos libros edita a Laurentio Vicentino, eiusdem ordinis monacho, quantumlibet ex antiquioribus codicibus ea esse descripta velit, vt comprobemus, nullatenus adduci possumus.

Et vt cursim singula peruoluamus, incipiendo a primitus facta, seu potius fīta donatione Tertulli, Placidi patris, vide quale principium eius: Tertullus Dei gratia inuictissimæ Reginz cali, terræq. Ciuitatis Romanæ Patricius, Dictatoribus, Magistratibus, Senatoribus, Consulibus, Proconsulibus &c.] Quis audiat, & non rideat nouam, numquam auditam Vrbs nomenclaturam, vt Regina cali dicatur? De nomine Dictatoris quid dicā, ante tot sæcula exoletō? sed omisiss ceteris, iunge principio finem ipsum: Si quis autem hoc decretum nostrum violare præsumperit, quatuordecim millia talenta auri purissimi soluat Imperio. Hæc ibi. Quæ quidem ad minuendam omnem penitus fidem

eius, consultius dici minime potuerunt, ut apparet ex ijs quę superius dicta sunt, vbi de apposita tot talentorum auri multa adeo enormi actum est. Vnde magis Bellortus erubescat, qui huiusmodi obiectiones illatas nulla penitus ratione confutet; sed illud peculiari sibi respondere satis habeat, quod ea bona a monasterio possideantur, quasi de bonis sit questio, & non de suppositis documentis. de sequenti diplomate nomine Gordiani dictum est pluribus suo loco.

Quę vero tertia ordine posita (omissis interiacentibus quibusdam epistolis eodę morbo laborantibus) Iustiniani Imperatoris donatio, seu potius cōfirmatio donationis a Tertullo factę, cum obtulit Placidū filium S. Benedicto, eiusdę notę ac generis esse comperitur, in qua inter alia: Confirmamus, inquit, & corroboramus in perpetuum cūcta, quę idem Patricius cum iam dicto Placido filio suo Benedicto seruo Domini obtulit, castrum Cassinum, castrum Fortunę, Interamnecam, Caricam, Aquiloniam, Sueffam, Fundos, Caietam, Minturnas, Formiam, Atinum, Arpinū, Galaiciam, Soram, Albam, Apamiam, Arestinam, Transaquas, Oresinum, Carseolium, Theatem, Sulmonem, Aufidenam, Iferniam, Venafrum, Boianum, Calanum, Aquasuiuas, Fabrateriam, Aquinum, cum ecclesiis, xenodochijs, villis & castris &c.] Quę omnia cum ex pluribus alijs, tum ex falsa apposita subscriptione falforum testium, vel iam antea defunctorum, vel falsis titulis inscriptorum, falsaque penitus rerum assertionem omnino commenticia a Baronio in Annalibus \* ostensa sunt, ut de his non sit mihi amplius laborandum. Sane quidem cum confirmare dicatur Iustinianus Imperator quę fuerant a Tertullo donata, & numeret multa oppida, & ciuitates (ut audisti) quę in donatione Tertulli non continentur, imposturam ad imposturam ab aliquo appositam quis non videat? & cum subijcitur donatio a Iustino Seniore Imperatore eidem monasterio concessa, par cum ceteris conimentum omni ex parte detegitur. Nam Iustini illius Imperium, Theodorico in Italia regnante, contigit, quando (ut Baronius docet, & annis singulis in Annalibus suis ostendit) nec glebam quidem Imperator Orientis in Italia possidebat; nec cuiquam ciuium Romanorum ciuitates erant proprię, quas donaret. Sed adhuc instas ipse respondens: Istę ita de gleba dicentem Baronium non admirari profecto non possum. Nonne Gothorum Regum tempore Orientis Imperatoribus Campania, Calabria, Sicilia, opulentę prouincię parebant, in quibus Cassinensis cœnobij oblationes munerarię continebantur? minime gentium, nullo, inquam, modo manerant omnes istę prouincię sub Theodorico Rege Gothorum, cuius tempore facta ea donatio perhibetur. Quod & tu, si Procopium legas, inuenies, aut breuem \* epistolam Iustiniani ad Francos datam, in qua hęc habet: Nostrę ditionis Italiam per vim Gothi ceperunt: non solum restituere hanc nobis haud quidem decernunt, sed iniuria insuper nos aspicere non toleranda quidem &c.]

Ad ea vero, quę obiecta sunt a Baronio de Tertullo, quod sub Theodorico Rege nulla Romanorum erant oppida, & ciuitates, quę donari possent

a Annal. 10.  
7. ann. § 41.

b Procop. de  
bello Goth.  
lib. 1.

possent ab illis monasterio Cassinensi, quid tu respondes? Quod si sub Gothis, inquis, Romanorum Patriciorum nullus aliquid habebat: quorsum Theodorici lex illa, vt lites in singulis prouincijs a Comitibus cognoscerentur? ] Hæc tu respondens ad obiectionem factam de possessione ciuitatum, & oppidorum, videris existimasse Comites, quos dicis causas cognoscere consuetos in prouincijs, fuisse dominos oppidorum, & ciuitatum, vt nunc est in more: sed errasse te senties, si diuersarum ciuitatum formulas Comituarum apud Cassiodorum legeris, vt & te pœniteat, Baronium ista dicentem arguisse.

Quod autem dictum est de impostura primi Iustiniani diplomatis, dicendū est pariter de sequenti, dato (vt in eo legitur) Vigilio Papa rogāte. Nam cū adhuc superstitem fuisse S. Benedictū ostendat illis verbis: Concessimus monasterio S. Ioannis Baptistæ sito Cassini, vbi communis pater Benedictus seruus Domini præest, terras inter Romanum Imperium &c.] apertissima patet impostura, cum tui ipsius, & tuorum testificatione satis exploratum sit, S. Benedictum vitam vltra annum Redemptoris quingentesimum quadagesimum secundum vel tertium non produxisse; diploma autem datum ponatur anno vigesimotertio Iustiniani Imperatoris, quo annus salutis vndequingagesimus post quingentesimum, post obitum S. Benedicti iam sextus vel septimus numerabatur. De Gregorij autem Papæ priuilegio asserto, Bonitio concesso in fine, dicturi sumus, sicut a te in fine ponitur. De Zachariæ Pontificis priuilegio, cuius æstimationis sit, satis superius dictum est in Apologetico. Hæc (vt diximus) cursim pertransuentes volumus obiter annotasse, verrentes scopā quisquiliæ, quæ se ante pedes offerrent, quantum scilicet ad institutum satis esse cognouimus.

Quod insuper ad confirmandas easdem falsas donationes citas Acta Placidi, Gordiani nomine scripta: cuius illa fidei sint, <sup>a Baron. rom. 7. an. D. 141.</sup> Baronius paucis significauit; tu ad illa responde, & deinde tecum negotium erit. Quod vero Leonis post hæc Ostiensis, & Petri diaconi antiquorum Cassinensium Scriptorum testimonium pro te cites, qui aduersum te adeo manifeste testentur, omnes iudicent. Dum enim falsam illam tueri laboras donationem Tertulli, quæ Cassinensi cœnobio donata dicuntur ciuitates superius numerata: <sup>b Leo Off. lib. 1. c. 1.</sup> satis Leo te redarguit Ostiensis, qui disertis verbis tradit, a Tertullo donatas Cassinensi monasterio decem tantum & octo Curtes. sunt hæc eius verba: Beatum etiam Placidum, discipulum suum vir Domini Benedictus tunc ad Siciliam misit, vbi Tertullus Patricius eiusdem Placidi pater decem & octo patrimonij sui Curtes eidem sancto Benedicto concessit. ] hæc Leo. per Curtes autem non nisi quædam terræ iugera significari, ex eodem Leone poteris intelligere. <sup>c Pet. diacon. lib. 4. c. 13.</sup> Petrus vero diaconus nihil a Tertullo donatum sancto Benedicto asserit, nisi Cassinum cum finibus suis, quæ fuerat villa Varronis. Sed iniusta de Baronio vestra querela. Nam cum ista omnia erroris redarguit, nequaquā insultans vel exprobrans id fecit, sed dolens. quod ad finem ipse profitetur, cum ait: Sed missa isthæc, quæ dolemus ab aliquo otioso

otioso conficta, utpote non (quod frustra putarie) illustrante res patris sanctissimi Benedicti, sed obscurante potius huiusmodi mendacis, densarum instar nubium globis fulgentis vndique radijs solis oppositis. Miramur vero magis eadem ab eiusdem sacri ordinis monachis viris doctis non fuisse reiecta, & obliuione omnino sepulta. Non indiget qui eos primus tantus genuit pater, neque ab eo descendens sancta & generosa posteritas, per cuncta sæcula in Ecclesia Dei feliciter propagata, & sanctis ramis mirifice dilatata, hisce ementitis gloriæ titulis, siue ex sanguinis nobilitate, siue ex diuitiarum amplitudine comparatis: qui etiam nec his omnino caruere, ex virtutibus tamen terræ & cælo sunt redditus celeberrimi. Hucusque ipse. Vides ne, quot fasciarum ornamentis, quæ superent infulas Regum, alligari vestra indecora vulnera ipse Baronius, vestrum omnium amantissimus, sed falsitatum dumtaxat, ac mendaciorum implacabilis hostis? cum tamen ex vobis aliqui veluti furore perciti dum ligamenta frangunt, & vulnera confricant, crudeles in se ipsos, ea exasperantes, ut magis magisque recrudescant, imprudentes efficiant, sed reliqua quæ subijcis prosequamur.

Vndecima item Sectione exaggerans, quæ a sancto Gregorio sint donata monachis S. Benedicti, vnde coniecturam facias, ipsum fuisse Benedictinum monachum: addensque sex monasteria a sancto Gregorio in Sicilia fuisse fundata, quæ S. Benedicti Regulæ subiecerit, citas in eam rem Ioannem a diaconum: qui cum asserat monasteria illa fuisse a S. Gregorio erecta; quod autem subiecerit ipsa Regulæ S. Benedicti, ne verbum quidem habet, ut nec reliqui res gestas eiusdem S. Gregorij prosequuti. Quod si quæ nunc sunt in Sicilia monasteria, aliqua inueniantur S. Benedicti Regulis viuere, ostendere non potes, illa vel a S. Gregorio fuisse erecta, vel ab exordio S. Benedicti Regulis informata: plura siquidem monasteria (ut dictum est) cum S. Basilij, vel aliorum Regulis antea regerentur, promulgatis S. Benedicti Regulis, illas tandem obseruandas susceperunt, ut de monachis Lerinensibus manifestum est exemplum. Sicut igitur, ex omnibus, quæ a te sunt adducta de donationibus a proauo, auo, patre, matre S. Gregorij, & ab ipso etiam Gregorio Benedicto ipsi, vel eius successoribus factis (ut audisti) nihil est penitus, quod subsistat: ita prorsus nihil habes, quod dicere possis; nihil ab eo monasterijs in prouincia Valeria sub Equitio constitutis datum fuisse, cum inuasionibus Longobardorum expilata monasteria, & Scriptorum monimenta perijisse nemo nesciat. sed ex eo, quod ad nobile monasterium Romæ ad Cluium Scauri a se erectum gubernandum eius prouinciæ monasterij Abbatem adsciuerit: de monachis eiusdem Collectionis ipsum optime fuisse meritum, quæ poterit dubitare?

Addis vero duodecima Sectione aliam quoque coniecturam, quæ suadere laboras, S. Gregorium Benedictinum fuisse monachum, quod eius Regulam iam factus Pontifex in Synodo comprobavit; cum e contra quod S. Equitij Regulam probavit, nulla sit mentio. At non intelligis, iure indignis nouam Regulam nuper editam Apostolicæ Sedis



confirmatione, Equitij autem Regulam longe antiquiorem, siue Basilij, siue Pachomij, diu ante receptam atque probatam noua non opus habuisse Gregorij approbatione. Ceterum cum confirmatam a S. Gregorio Papa Regulam S. Benedicti, quam in dialogis laudat, æque Baronius in Annalibus asserat: ex ijs tamen monumentis, quæ tu modo ex monasterio Sublacensi in lucem prodixi, tantum abest, vt id probetur, vt alia potius, quæ sunt recepta, in dubitationem hinc maxime reuocentur. Recitatur autem a te integrum ipsum confirmationis diploma in Romana Synodo datum: quod (mihi crede) si ad Lydium admoueas lapidem, inuenies ex multis indicijs adulterinum. Nam quod datum fertur in Romana Synodo, Indictione duodecima quarto Kal. Iulij per manus Ioannis Episcopi Albanensis Bibliothecarij Apostolicæ Sedis; præterquam quod Indictio duodecima pro decimatertia est posita, & quarto positum pro quinto Kal. Iulij, <sup>a</sup> vt apud S. Gregorium legitur; quæ menda vitio librorum in re tã antiqua facile poterant irrepisse: excusari error ille quomodo potest, quod in eo ponitur subscriptus Ioannes Episcopus Albanensis; in Actis autem Synodi, qui Albanensis Episcopus subscriptus reperitur, non Ioannes, sed Homobonus appellatur? Ceterum nec temporibus Gregorij Papæ, sed longe post ille ingressus est vsus, vt per Episcopos Bibliothecarios publica ederentur monumenta. Gregorij enim ætate per Notarios dabantur, vt exemplo sunt tum alia S. Gregorij diplomata, tum illud, quod libro nono epistola vigesima secunda expressum habetur, vbi nulla de Bibliothecario, sed de Aemiliano tantum Notario fit mentio. ista satis ad duodecimam Sectionem.

*a Greg. lib. 4.  
ep. 74. Ind. 13*

Adiicis vero decimatertia Sectione, ex eo, quod propensior erga monachos S. Benedicti ordinis videatur fuisse Gregorius, argui etiam posse, ipsum Benedictinum monachum fuisse; propensionisq. exemplum adducis, quod Constitutionem in Concilio Lateranensi pro monachis ediderit, hac inscriptione notatam: Decretum Concilij Lateranensis de quiete, libertate, atque exemptione Nigrorum monachorum. ] quasi hac nota coloris Benedictinos monachos voluerit expressisse: cum tamen in libris excusis, sicut & in scriptis antiquitus codicibus Vaticanis nusquã sit eiusmodi inscriptionem reperire de monachis Nigris, quam tu ex, nescio, quo incertæ auctoritatis volumine tibi vendicas. Sed quid proficis? Dum enim nigrum colorem solis Benedictinis adscribis, plane a Benedictinis Gregorium segregas, eiusq. pariter monachos ab eis disiungis. Etenim in antiquissimis picturis, quæ hodieq. in Vrbe videntur, in Oratorio S. Andreæ ab ipsomet S. Gregorio constructo, vbi & vita ipsius descripta est ab eo tẽpore, quo ex monasterio ad Cardinalatũ vocatus est, vsque ad obitum, in quibus frequenter monachos eius socios, eiusdem monasterij professores depictos videre est omnes castaneo neminem illorum intueri licet nigro colore vestitum: vt vel ex hoc vno saltem iam satis appareat, tum S. Gregorium, tum eius successores monachos distinctos fuisse a nigro colore vtentibus monachis Benedictinis. cum  
alioqui

alioqui nec soli Benedictini nigris vſi veſtibus reperiantur, ſed antiquiores etiam monachi eiſdem coloris veſtibus more philoſophantium tegi conſueverint. Certe quidem monachos ſui temporis etiam nigra ſubucula vti conſueviſſe, oſtendit illud S. Hieronymi <sup>a Hier. adu.</sup> in Iovinianum: <sup>Iovin. lib. 2.</sup> Tunc pexa tunica, & nigra ſubucula veſtiebaris.]

Sed videamus an graviora ſint argumenta, quæ ſubijcis Seſſione decimaquarta, qua S. Gregorium ad Benedictinos monachos reuocas duabus de cauſis. priori quidem quod ipſe vitam S. Benedicti integro libro ſcripſerit, quod in alijs Sanctis non præſtitit, addens peculiare eſſe, vt diſcipuli ſuorum magiſtrorum vitam conſcribant. Hæc cum dicis, pronoco ad ea, quæ de ſuo inſtituto Gregorius ipſe in exordio operis eſt præſatus: nimirum ea ſe ſcripturum, quæ (vt ait) a venerabilibus viris referentibus ſcribenda didiciſſet; adeo vt vbi plures fuerint relatores, & a quibus plura eſſent allata, de ijs copioſius ſcripſerit, non quod ex propoſito alicuius vitam inſtitueret enarrare. Sed & ſi ex inſtituto vitam S. Benedicti ſcripſiſſet, non magis idcirco dicendum, eius diſciplinæ monachum fuiſſe, quam S. Athanaſium Antonij, vel S. Hieronymum Hilarionis monachos fuiſſe dixerimus, eo quod eorum ipſi quoque vitam conſcripſerint. Poſteriori vero probare niteris argumento, quod S. Gregorius monachus fuerit Benedictinus, eo quod S. Benedictum ſummæ laudis titulis efferat, extollatq. præconijs, nempe cum vitæ venerabilis Benedictum vocat, eumq. re ait eſſe, quod nomine præſefferet, vere Benedictum; quod religioſum ac pium, quodq. Patrem, appellet, atque ſanctiſſimis viris comparet. Ceterum miror hæc ex parte non animaduerſum ab te, inſignioribus titulis exornatum ab eo Equitium fuiſſe. Nam præter illos communes eius cum Benedicto titulos, de Equitio hoc amplius habet ipſo ſux narrationis exordio, quod eum ſanctiſſimum nominet, & præditum magnitudine ſanctitatis: quæ de S. Benedicto dicta minime inuenies, vt neque, quod eundem Equitium ſingulari laude reuerentiſſimum appellat.

At hæc non ita a me, vel a S. Gregorio dicta accipi velim, quaſi prætulerit S. Equitium Benedicto, ſed tantum, vt oſtendam tibi ipſi, quam fruſtra his argumentis nitare. Nec denique quod eundem S. Benedictum patrem nominat, ſe mox filium illius profeſſorem Regulæ proſitetur. Siquidem etſi ex relatione patris ad filium, tuum poſſet ſpeciem aliquam habere argumentum; tamen cum liqueat conſueſſe Gregorium patres nominare quoslibet inſignes virtute monachos, vt <sup>b</sup> Honoratum, <sup>c</sup> Libertinum, <sup>d</sup> Nonnoſum, <sup>e</sup> Theodatum, <sup>f</sup> Eleutherium, <sup>g</sup> Anonymum Abbatem montis Præneſtini, <sup>h</sup> Spem, <sup>i</sup> Suranum, atque ipſum, de quo eſt ſermo, S. <sup>k</sup> Equitium; argumentum euaneſcit. Videamus autem an maioris ſint momenti, quæ ſubijcis.

Habes decimaquinta Seſſione, quæ ſequitur, ex eo probari S. Gregorium fuiſſe ordinis S. Benedicti monachum, quod qui ab eo miſſi ſunt in Angliam monachi Auguſtinus & ſocij, ad Euangelium prædicandum, ordinis S. Benedicti fuiſſe dicantur. Fuit hoc argumentum Ioannis dia-

coni,

<sup>b</sup> Greg. Alal.

lib. 1. c. 1.

<sup>c</sup> Ibid. c. 2.

<sup>d</sup> Ibid. c. 7.

<sup>e</sup> Lib. 2. c. 1.

<sup>f</sup> Lib. 3. c. 14.

21. 33.

<sup>g</sup> Lib. 3. c. 23.

<sup>h</sup> Lib. 4. c. 10.

<sup>i</sup> Ibid. c. 23.

<sup>k</sup> Lib. 5. c. 4.

coni, <sup>a</sup> qui primus post annos ferme trecentos auctor inuentus est & as- <sup>a Ioan. diac.</sup>  
 fertur monachus S. Gregorij sub Regula S. Benedicti: si qui autem alij <sup>vir. S. Greg.</sup>  
 eius sententia inueniuntur (sunt enim quidam recentiores, quos tu no- <sup>lib. 4. c. 82.</sup>  
 minas) iidem omnes Ioannem diaconum auctorem sequuti videntur. vt  
 tota vis argumenti in illo consistat, si probet, quod astruit.

Porro idem Ioannes, vt probet quod asserit, hac vtitur ratione: Quod  
 in illis, inquit, partibus vix aliquem monachum sit inuenire, a quo non ob-  
 seruetur tam in proposito, qua in habitu Regula Benedicti. Hæc ipse. Sed  
 quam debilis sit ista ratio, ex ijs, quæ superius sunt dicta, innotescit, cum  
 scilicet est demonstratum, complura monasteria alterius ordinis mona-  
 chorum seruandam postea suscepisse Regulam S. Benedicti: & adducti  
 sunt in exemplum monachi Lirinenses, qui sub sancti Honorati Regulis  
 prius constituti, in Benedictinos postea transiere. Vt autem idem dica-  
 mus de monachis Anglicanis, maiora nos admovent argumenta: illudq.  
 in primis, quod toto etiam sequente sæculo, quod luculenta historia  
 prosequutus est Beda, cum ab eo frequentissima mentio habeatur mo-  
 nachismi in Anglia iugiter propagati, nusquam tamen de S. Benedicto,  
 vel de Benedictinis monachis vllus sermo; immo cum alium S. Benedi-  
 ctum Abbatem ab Anglis coli demonstrat, nostrum Italum prætermis-  
 sit. Extat ipsius Bedæ sermo de S. Benedicto Abbate Anglicano in eius  
 natali pridie Idus Ianuarij dictus; in quo inter alia de vitæ monasticæ  
 instituto ab eo tradito, cum agit de monasterio ab ipso erecto, hæc ha-  
 bet: iuxta regularem disciplinam interius exteriusq. constituit; non  
 pro capto suo decreta nobis statuens, sed antiquorum statuta certissima  
 monasteriorum, quæ peregre didicerat, sibi suisq. obseruanda propo-  
 nens. ] & inferius: Nos namque sumus filij eius, qui nos in hanc mona-  
 chiam demum pius prouisor induxit. ] hæc & alia plura Beda. Qui quam  
 male meritis esset de seniore nostro Italo S. Benedicto, si ab eo fuisset  
 primum propagatus in Anglia monachismus, cum nec eius saltem no-  
 minis tota illa historia meminisset?

Insuper quid opus fuerat recentiori huic S. Benedicto Anglo diuer-  
 sa monasteria in Italia & alijs provincijs peragrarè, vt monastica disce-  
 ret instituta, quæ alios doceret; si iam ante centum annos allata fuerat  
 per S. Gregorij monachos Regula S. Benedicti omnium vberissima & ab-  
 solutissima? Venisse Romam eundem S. Benedictum ex Anglia, tum di-  
 cto sermone testatur ipse Beda, tum etiam in <sup>b</sup> historia de rebus gestis  
 Anglorum ostendit. Nec est, quod dicas, bellorum tumultibus colla-  
 psum fuisse in Anglia institutum ibi primitus monachismum, vnde opus  
 fuerit Benedicto illi Anglicano petere aliunde monasticas Regulas. nam  
 qui hoc dicit, sibi aduersantem Bedam habere non dubiret. Sic igitur  
 post hæc tempora accidisse censendum est, quod Ioannes diaconus dicit,  
 ita propagatos ordinis S. Benedicti monachos in Anglia, vt vix ibi alte-  
 rius ordinis monachus esset, a quo non S. Benedicti Regula tam habitu,  
 quam proposito seruarietur.

Ex his ergo cum firmum maneat, non alios, quam Gregorij mona-  
 chos

<sup>b</sup> Bed. hist.  
 Angl. lib. 4.  
 c. 18. & lib.  
 3. c. 20.

chos in Angliam esse missos; ita nec alterius, quam sancti Gregorij monasterij monachos in Anglia ad illud vsque tempus propagatos; Benedictinos vero postea subinductos: Quod si contendis monachos S. Gregorij fuisse Benedictinos: iam prouoco ad disputatam pluribus de hoc capite quæstionem. Quod verò tardius, quam putes, in Anglia monachi obseruandam acceperint Regulam sancti Benedicti, id hæc etiam ratione comprobatur euidentius: quod si Regula S. Benedicti iam a tempore S. Gregorij in Anglia innotuisset, ex cuius præscripto, quæ erant in Anglia monasteria, vitam monasticam excolerent: quid opus fuit S. Bonifacio Germanorum Apostolo, vt propagaret monachismum in Germania, illumq. optimis Regulis instrueret, mittere in Italiam ad Cassinense cœnobium Sturmum suum discipulum, vt ibi disceret, quod alios docere posset? Quid, inquam, opus fuit hæc querere ab externis, si ijs domesticis abundabant?

Instituto amplius: Si a tempore S. Gregorij innotuisset S. Benedicti Regula apud Anglos, eademq. monachismo ibi floreante præ manibus cunctis fuisse: quid ab Anglicano monacho, ab ipso, inquam, Bonifacio, Anglicanum monachum Sturmum suum, sub regulari obseruantia S. Vuigberti educatum, Cassinum mitti oportuisset ad discendum, quod iam in patria a pueritia didicisset? Vixerat Bonifacius in Angliæ monasterio sub regimine S. Vuigberti viri sanctissimi, in cuius laudem duæ extant Bedæ homiliez eius natali die dictæ, cuius hortatu prædicationem ad Gentes susceperat; de cuius obitu, & de bene disponenda monasterij cura extat etiam Bonifacii ipsius epistola ad eiusdem monasterij monachos, inter quos vltimo loco ille censetur, qui ab ipso Cassinum legatus est ad S. Benedicti Regulam addiscendas. de qua quidem legatione Rudolphus<sup>b</sup> in vita S. Liobæ, quam fidelissime scripsit, hæc habet: Volens Bonifacius vtriusque professionis, monachorum scilicet & monacharum ordinem obseruari: idoneum vtrique magisterium studuit adipisci, mistq. Cassinum montem Sturmum suum, virum genere & moribus nobilem, vt in monasterio, quod beatus pater Benedictus instituit, disciplinam regularem, & vitam, moresq. monasticos agnosceret, pastorq. futurus, discipulus fieret, atque in sua subiectione disceret, quomodo alijs præesse debuisset. Hæc Rudolphus, qui Rabani sui magistri præcepto hanc sanctæ Liobæ vitam scripsit.

Si igitur (vt dictum est) in Anglia S. Benedicti Regulæ innotuerant, quid monachum iam veteranum ad illam addiscendam in cœnobio Cassinensi in Italiam mitti oportuit, eumq. ibi multo tempore commorari? Certe dici non potest, illuc missum veteranum monachum, vt instrueretur obseruantia regulari, quam ab incunte ætate excoluisset; neque quod eiusmodi regularis obseruantia tunc in Anglia defecisset. Nequid tunc temporis magis floruit Ecclesia Anglicana monastica obseruantia, quam Bedæ, aliq. sanctissimi viri adhuc superstites summo studio custodiebant, atque ad externos propagabant, vt ex eiusdem Bedæ scriptis apparet, nec non ex eiusdem S. Bonifacii ad suos Anglos litteris datis,

quæ

<sup>a</sup> Annal. to. 9  
an. D. 719. in  
fine.

<sup>b</sup> Apud Sur.  
no. 5. die 28.  
Septemb.

quæ recitantur Nono Annalium tomo. At nimirum, quod hæcenus ignota fuisset in Anglia, S. Bonifacius nouella monachorum germina in Germania plantaturus, æmulans, secundum Apostolum, charismata meliora, vt ea Regula, quam Romæ cum esset, omnium perfectissimam a S. Benedicto conscriptam haberi didicerat, nouellos monachos informaret; illuc eum, qui disceret quod doceret, misit Sturmi discipulum; quem constituit primum Abbatem famosissimi monasterij Fuldenfis a se erecti. Ex quibus omnibus redditur exploratum, nec viuentem Bedam, nec Bonifacium in Germaniam misso ex Anglia, adhuc in Angliam S. Benedicti Regulam allatam, receptamq. a monachis dici posse, nedum vt affirmari debeat, Benedictinos fuisse monachos, qui in Angliam a sancto Gregorio missi sunt, quod Ioannes diaconus falsa ductus coniectura primus asseruit, & alij ipsum incaute sequentes eodem cum ipso errore lapsi affirmarunt. sed quæ post hæc sunt allata duabus tuis reliquis Sectionibus videamus.

Vendicas tibi decimasexta Sectione traditionem ad probandum, sanctum Gregorium fuisse monachum Benedictinum; standumq. maiorum traditionibus, vt suadeas, multum laboras; cum magis in eo tibi fuisset insudandum, vt ostenderes hanc quam asseris, vere esse traditionem; quod si consequi potuisses, iam hac vna demonstratione rem ex sententia absoluisses. sed quam male abs te traditionis nomen vsurpetur, paucis ostendam. Illud traditione receptum asseritur, quod vt docet Vincentius Lirinensis, & alij) nulla cogente scriptura, ab omnibus, semper, & vbique est custoditum, quod & superius dictum est. At quod a nullo, nusquam, a tempore S. Gregorij vsque ad Ioannem diaconum per trecentorum fere annorum spacium traditum inueniri potest: quoniam pacto traditionem esse veterem, poteris affirmare? Quod autem ante Ioannem diaconum nulla de Benedictino Gregorij monachatu traditio antecesserit: inde certo cognosces, quod Ioannes ipse diaconus, eius rei primus assertor, nullam sibi vendicans traditionem, quæ non extaret, & sola ipsi satis fuisset; probationibus vndique destitutus, ad duas easdemq. exiles confert se coniecturas; quarum alteram male comparatam ex monachis Benedictinis a S. Gregorio in Angliam missis, iam proxime confutatam audisti; alteram ex pelliceo eius cingulo male deductam, iam iam pari in errore versari cognosces.

Quod autem ex depictis in vestris monasterijs S. Gregorij imaginibus cum insignibus S. Benedicti traditionem pariter tibi vendicas, traditionem infringis. nam quod non id factum ab omnibus, nec vbique, nec semper in Ecclesia Occidentali possit ostendi: non communem vsum ita pingendi S. Gregorium, sed priuatum vestrorum studium magis insinuas. Certe cum innumera reperiantur vbique pictæ venerande tanti Patris imagines, nusquam illæ nisi apud vestrates, & ipsæ haud adeo antiquæ, nec adeo frequentes, hoc schemate Benedictino ostendi possunt effigiatæ; cum in his, sicut in reliquis, S. R. E. consuetudo spectanda potius, ac seruanda fuisset, quæ nunquam Benedictino habitu S. Gregorium pi-



atque exhibuisse cognoscitur; sed habitu Pontificio cum reliquis Ecclesiasticis Doctoribus indutum ubique repræsentare consuevisse, patet. Sit igitur ex his decimasextæ tuæ Sectioni in omnibus satisfactum, iam verò quæ sequenti vltima Sectione habes, inspiciamus.

Vltima ista tua Sectione niteris multiplicium Scriptorum auctoritatibus demonstrare S. Gregorium monachum fuisse Benedictinum: quæ in re antiquiorem Ioanne diacono nullum inuenisti, quem testem afferres. hic vero, qui (vt sæpius dictum est) post trecentos ferme annos a S. Gregorio vixit, cuius & quantæ sit fidei, vt dicas, te ipsum appello, qui iure redarguis eum, <sup>a</sup> quod dicat eundem Gregorium ab Hilarione Abbate monasticum indumentum suscepisse. Sed alia, quæ tu ab eo dicta probas, an sibi consentiant, diligentius sunt examinanda. Enimuero Ioannes hic diaconus cum suo tempore, vt testatur, videret monasterium S. Gregorij a Græcis inhabitari; eos postea in illud irrepsisse, non autem illic ab initio a S. Gregorio institutos esse, probare instituens, duplici ratione id facere laborat: <sup>b</sup> altera vt ostendat Gregorium non calluisse Græcas litteras; altera vt doceat, ipsum fuisse Latinæ institutionis monachum S. Benedicti Regulæ professorem. Sed quod ad priorem, quantum ad Græcos spectat: facile potuit contingisse, vt vna cum Regulis S. Basilij, quæ tunc (vt dictum est) frequentiori in vsu apud Latinos erant, etiam aliqui Græcarum litterarum professores se miscuerint illis, vt in Maximiano Syracusano, qui præfectura eiusdem monasterij perfunctus est, viuento S. Gregorio, factum apparet. Nam Siculos eo, quod post tempora Iustiniani in illam vsque diem sub Græcorum Imperio vixerint, Græcis litteris vsos, veteres scriptores Siculi, vt Glicas, Petrus, Græci historici, & alij fidem faciunt. vnde facile accidere potuit, quod iuxta illud: In habentes symbolum facilis est transitus: ex eo quod S. Basilij Regulis S. Gregorij monasterium institutum potius existimetur, ad huiusmodi Græcos S. Gregorij monasterium transierit, & sic postea perseverarit vsque ad Ioannis diaconi tempora, & non, vt a Latinitate in Græcitatem, necessitate (vt ait) potius quam voluntate sit cōuersum. Horum vero occasione dicere non prætermittam, in antiquioribus sedibus S. Equitij, in ipsa ciuitate Aquila vsque hodie perseverare monasterium monialium tituli S. Basilij, & in eo eiusdē Regulæ obseruantiam, quod illud fuisse existimatur, cuius cum meminit S. Gregorius, sub cura S. Equitij fuisse tradit: Quibus etiam appareat, S. Equitium subiectos sibi monachos ad eiusdem S. Basilij Regulas informasse, & S. Gregorium ab illis idem institutum didicisse.

Sed dum a Græcis idem Ioannes diaconus nititur auocare S. Gregorij monasterium, & transferre in Benedictinos: probare studet, S. Gregorium fuisse ordinis S. Benedicti, ac proinde ex Latinis. Inde autem argumentum ducit, quod cum venerandum eius corpus effossum fuit, inter alia indumenta cingulum inuentum fuerit, quo vti solerent monachi Benedictini, additque: Porro in exilitate balthei, quæ vnus pollicis mensuram nunquam excedit, speciem propositi regularis olim a S. Benedi-

Ad statuti, cuius vitam ipse describens in dialogo, Reglam quoque laudauerat, eum seruasse luce clarius manifestat.] hæc Ioannes, cuius erat, illud quoque monstrare cingulum, quo alij diuersorum ordinum monachi vterentur tempore S. Gregorij, ab ea mensura & forma fuisse diuersum, vt ostēderet hanc peculiarem fuisse ordinis Benedictini: quod cum minime fecerit, nullius roboris ostenditur argumentū. Zona quidē pellicea vti consueuissē reliquos monachos, docuit Pachomius in Aegypto, Basilii in Oriente, in Occidente Cassianus in Gallijs, & Fulgentius in Africa: cū alioqui haud adeo certa zona, certa q. mensura eius a S. Benedicto in Regula præscribatur. Nam dum cōtigit ab eo numerari singula monachi indumenta, de zona siue cingulo verbum nullum. alibi vero dum monet, vt monachi vestiti dormiant, obiter dicit, vt cingulo, siue fune se cingant. Quoniam autem horū altero tempore S. Gregorij Benedictini monachi vterentur, cum non sit certum (cum cuiusque arbitrio id S. Benedictus reliquerit, quorum altero vti vellent) certe ex cingulo nullum aliud deduci argumentum posse videtur, nisi quod S. Gregorius monachus esset. En vides quotupliciter Ioannes diaconus consutetur: quo cadente, reliquos omnes necesse est, qui cum secuti esse noscuntur, eadem ruina cum ipso iacerē sepultos, recentes, inquam, illos, quos numeros, longa serie ostentans auctores. Nam ex antiquioribus haud est facile quemquam inuenire, cum neque id asserant scriptores rerum Cassinensium Leo Ostiensis, vel Petrus diaconus alumni eiusdem cœnobij Cassinensis.

At vero eundem Petrum frustra tibi fauere putas, quem ista dicentē citas: Adeodatus, ac Stephanus nuper defunctus ex monachis fuisse leguntur, qui tamen gloriosissime Apostolicam Sedem gubernarunt; Gregorius ex monasterio raptus, ac violenter insulatus, non solum suas protulit, sed etiam aliorum dispositiones meliorare studuit.] hæc enim ex eo cum recitas, quid infers? Cum, inquis, pro certo habeatur, Adeodatum fuisse monachum Benedictinum, & Stephanum Benedictinum, Gregorius post eos nominatus a Benedictinis cur excludendus? Non est nostri modo instituti de aliorum, quam Gregorij monachatu disserere. sed verum esto, quod dicis: vnde infers Gregorium Benedictinum fuisse, cum Petro illic non sit propositum Benedictinos tantum monachos, sed alios etiam cuiuscumque sint ordinis recensere? ita pariter id male deducis ex Bonifacio Papa Quarto, de quo in Apologetico dictum.

Post hæc destitutus antiquorum testimonio, ad recētiore & nostri sæculi Scriptores te conuertis, citans Polydorum Virgilium, nihil præterea addentem ad verba Ioannis diaconi, quē, vt liquet, absque veritatis peruestigatione sequutus est: post quem quinto loco ponis adhuc viuentem auctorem Arnoldum, cuius quanta sit in antiquitatibus fides, ex volumine, quod edidit de stemmate Aniciano, doctissimi, quique rerum antiquarum Critici intelligunt. Præmittimus autem enumerare singulos nominatim recentiores, qui id ipsum obiter absque aliqua rei discussione

testantes, cum plurimorum ne propositum quidem fuerit id constanter asserere, sed quod incideret occasio, vt Gregorij monachatus mentionē aliquam faceret, cum ex Ioannis diaconi asseritione Benedictinum monachum fuisse scripserunt. Ita nobis de se est ingenue professus doctissimus Bellarminus, qui vbi hæc ipsa nostra vidit, atque laudauit, excusationem attulit, se verum existimasse, quod de S. Gregorio Ioannes diaconus testatus esset, eundem de his sibi obiter agere contigisset. Quam pariter excusationem assererent omnes, qui id litteris prodiderunt, si viderent, nimirum se non per controuersiam ex professo disputasse, fuerit ne id verum an falsum; sed quod apud Ioannem diaconum se legere meminissent, id bona fide scripsisse; procul abhorrentes, vt aliquod scriptis suis allatum vellent præiudicium veritatis sufficiat igitur ista ad omnes huiusmodi abs te citatos vna responsio.

a Leo Off.  
Chron. Cass.  
lib. 1. c. 2.

Ponitur demum abs te, quod recitas; sancti Gregorij Papæ nomine priuilegium, concessum monasterio Cassinensi, cum eadem præfesset Bonitus Abbas, quænti ordine quintū a S. Benedicto numerat Leo Ostiensis, quo quidem priuilegio disertis ferme verbis asseritur S. Gregorius monachus eiusdem ordinis. Ideoq; vltimo loco a te proponitur, quod, vt profiteris, satis superq; istud vnum sufficiat ad vniuersam dirimendam controuersiam; & cuncta, quæ a nobis in contrarium allata sunt, ipsa eius tantum aspectu penitus conuellenda. Non præterierunt ista Baroniū, immo vidit, & quam exactissima peruestigatione huiusce priuilegij singula verba discussit: excusit vero procul, vbi non germanum, sed omnino adulterinum, & in omnibus commenticiū contempnit, ne e suis dignum iudicauit Annalibus: ita silentio sepulchrum relinquens, ne, si prodideretur in lucem, imposturæ suæ putore, magno omnium vestrum dedecore, Lectoris nares offenderet. Sed quando tu illud, velut aliquid pretiosum e Cassinensi codice prodis, ac tamquam purum aurum profers: non nobis, sed tibi imputetur, si nos cogis inuitos tantam imposturam detegere, palamq; cunctis intuendam exponere, vnde tui erubescant, qui illud citant, retinent, fouent, atque defendunt. Verum, quod sciamus, non esse vestrum inuentum, quod cum alijs superioribus confutatis commenticijs scriptis, ante centum ferme annos editum constat opera Laurentij Vicentini vestri ordinis monachi, qui primus illud vna cum alijs cudendum curauit, & illa omnia in antiquioribus codicibus se inuenisse testatus est: ab omni imposturæ suspitione vos penitus liberō: quin etiam futurum spero, vt manifeste cognita veritate, constanti & ipsi animo aduersus falsitatem proditam & conuictam pro veritate certantes, omnes id gentis excremini imposturas vna cum impostoribus. quod mihi quidem æquum est credere de religiosissimis vris, sanctissimi Patris filijs. De his igitur acturi, primum omnium ob oculos legentium exemplum recitati abs te priuilegij hic describamus, quo facilius, quale sit illud, quisque prudens valeat intelligere. sic enim se habet:

Gregorius Episcopus seruus seruorum Dei dilecto in Christo filio  
Bonito

Bonito Abbati venerabili monasterij beati Baptistæ Ioannis siti in castro Cassini, eiusdemque successoribus regulariter substituendis in perpetuum.

Quando ad ea, quæ Catholicorum Regum litora Pontificalibus sunt monitis prouocanda, ita ardenti desiderio, diuina proueniente gratia, succenduntur, ut ab ipsis vltro poscantur: tanto placet & lato sunt animo concedenda, quanto & ea ipsa cupiunt, si nolent facere, peti debuerunt. Proinde iuxta vestram petitionem pro amore, quem in COMMUNI PATRE ET MAGISTRO NOSTRO BENEDICTO, & in discipulis eius specialem & singularem gerimus, monasterio Cassinensi, quod nuper sub prædecessore nostro Pelagio a Longobardis est incensum, cui tu præesse dignosceris, huiusmodi privilegium præsentis auctoritatis nostræ decreto indulgemus, concedimus, atque firmamus, statuentes, nullum Regum, Antistitum, nullum quacumque præditi dignitate, vel quemcumque alium de his, quæ eidem monasterio a Patricio Tertullo, Equitio, & nobis donata sunt, vel in futuro a quibuscumque alijs de proprio fuerint iure collata, sub cuiuscumque causæ occasionis specie, minuere, vel auferre, & siue suis vñibus applicare, vel alijs quasi pijs causis pro suæ auaritiæ excusatione concedere. Sed cuncta quæ ibi oblata sunt, vel offerri contigerit, tam a te, quam ab alijs, qui in tuo officio, locoque successerint, perenni tempore illibatas, & sine inquietudine aliqua volumus possideri, eorum tantum vñibus, pro quorū sustentatione, gubernationeque concessa sunt, modis omnibus profutura.

Item constituimus, ut obeunte te Abbate suprascripti monasterij, non alius ibi quacumque præceptionis auctoritate ordinetur, nisi quem consensus monachorum secundum timorem Dei & patris Benedicti Regulam ordinauerit. Hoc quoque capitulo subiungimus, ut locum auaritiæ excludamus: nullum de Regibus, nullum de sacerdotibus, vel quemcumque alium per se, suppositamve personam, de ordinatione eiusdem Abbatis, vel quibuscumque causis monasterio ipsi pertinentibus audire. . . . siue aliquilibet specie commodi quidquam accipere. Neque eundem Abbatem ordinationis suæ causa dare præsumere, ac hac occasione ea, quæ a Fidelibus pijs locis offeruntur, aut iam oblata sunt, consumantur. Et quia multæ occasione in hæcceptione religiosarum personarum a prauis illic (ut dicitur) hominibus exquiruntur: Abbatem atque presbyterum dicti monasterij nullo modo priuandum, deponendumque esse censemus, nisi causa specialiter criminis exigente: Unde necesse est, ut si qua contra eum huiusmodi querela surrexerit: Romanus Pontifex subtiliter hoc inuestigare procuret, quatenus canonice distributionis iudicante censura, aut reum ferire, aut innocentem possit absolueret.

Simili quoque definitione decernimus, ut nullus eorum, qui eidem monasterio Abbas fuerit, ordinator, direptiones de bonis ipsius ecclesiæ audeat facere, ne res monasterij iniqua erogatione consumens grauissimam egestatis necessitatem pauperibus, & peregrinis, vel ceteris exinde

de viuētibz generet. Episcopum verò tollendi de eodem loco monachum ad ecclesiasticum ordinem promouendum, vel alia quacumque causa sine consensu Abbatis atque Præpositi habere licentiam prohibemus, ne huius rei vsque ad hoc vsurpatio perducatur, vt loca, quæ acquisitione hominum construenda sunt, ablatione destruantur.

Hæc igitur omnia, quæ huius Præcepti nostri pagina cōtinet, tam tibi, quam cūctis, qui in eo, quo es, ordine, locoq. successerint, vel eis, quorum interesse poterit, in perpetuum seruanda decernimus. Si quis vero Regum, sacerdotum, iudicum, atque sæcularium personarum hanc nostræ Constitutionis paginam agnoscens, cōtra eam venire tentauerit: potestatis, honorisq. sui dignitate careat, reumq. se diuino iudicio existeri de perpetrata cognoscat iniquitate. Et nisi vel ea, quæ ab illo male sunt oblata, restituerit, vel digna pœnitentia illicita acta desleuerit; a sanctissimò corpore & sanguine Dei Domini Redemptoris nostri Iesv Christi alienus fiat, atque in æterno examine districtæ vltioni subiaceat. Cūctis eidem loco ista seruantibus sit pax Domini nostri Iesv Christi, quatenus & hic fructum bonæ actionis percipiant, & apud districtum Iudicem præmia æternæ pacis inueniant.

EGO GREGORIUS Catholicæ Ecclesiæ Episcopus subscripsi.

Ego Ioannes Episcopus Surrentinus subscr.

Ego Agnellus Episcopus Tarracensis subscr.

Ego Felix Episcopus Portuens. subscr.

Ego Fortunatus Episcopus Neapolitanus subscr.

Ego Primenius Episcopus Nuariz subscr.

Ego Gloriosus Episcopus Ostiz subscr.

Ego Albinus Episcopus Furniz subscr.

Ego Mennas Telesinus subscr.

Ego Basilius Capuanus subscr.

Ego Constantius Nomentanus subscr.

Ego Montanus Souantensis subscr.

Ego Victor Fausinensis subscr.

Ego Ioannes presbyter tit. SS. Gervasij & Protasij subscr.

Ego Deusdedit presbyter tit. SS. Ioannis & Pauli subscr.

Ego Andromachus tit. Eudoxiz subscr.

Ego Rusticus presbyter tit. S. Susannæ subscr.

Datum anno tertiodécimo Imp. domini Mauricij Tiberij perpetui Augusti, Consulatus eius anno vndécimo, tertio Nonas Octobris, Indictione quarta. ] hætenus diploma, in cuius fine tu mutasti, vt loco Indictionis quartæ, supposueris quartamdecimam, quæ licentia nescio. Nam si ex alio codice, certe lectio, quæ saltem per annos centum inuauit, relinquenda vel in margine erat, cum præfertim neque annus decimustertius Mauricij Imperatoris cum Indictione decimaquarta consentiat, neque Consulatus vndécimus eidem aptari possit, vt ex eodem Gregorio facile est demonstrare, qui Indictionem quartam cum dicto Consulatu vndécimo iungit in publicis monumentis, vt inferius ostendi-



furi sumus, cum etiam, qua arte id sit factum, pariter ostendemus.

Audisti, Lector, veritatis amator, Gregorij nomine diploma scriptum: an autem aliquo modo subsistat, rogo, ut audias; te ipsum enim iudicem appello. Atque primum omnium, quod ad consignatum tempus dari priuilegij pertinet, quotupliciter inter se pugnet, cum datum dicatur anno decimotertio Imperatoris Mauritij, qui est annus Redemptoris quinquagesimus nonagesimus octauus, cum quarta, quæ in eo ponitur, Indictione, quæ incidit in annum Christi sexcentessimoprimum, cum & Consulatus vndecimus Mauritij ibi positus neque Indictioni, neque Imperij Mauritij anno conueniat, qui incidat in annum quingentesimum nonagesimumseptimum.

Sed quod turpius, ex quibus locis scriptorum sancti Gregorij compilatum fuerit veluti per centones hoc diploma, operæpretium est ut intelligas: Falsitatis imprudens architectus, in primis ex priuilegio sancti Gregorij Papæ, concessio monasterio sancti Medardi in Gallia, instantibus Francorum Regibus, eius exordium transtulit, quod sic se habet: Quando Catholicorum Regum corda ad eam, ad quæ Põtificalibus sancti monitis prouocanda, ita ardenti desiderio, diuina proueniẽte gratia, succeduntur, ut ab eis ultro poscantur: tanto sunt largius concedenda, quãto ea ipsa, quæ cupiunt, si nolent facere, peti debuerunt. Hæc, inquam, extrãt in priuilegio monasterio sancti Medardi a sancto Gregorio concessio, petentibus (ut apparet) Francorum Regibus, quæ sunt in dictum priuilegium datum Bonito translata. De quo nihil est, quod dici possit, solitum principium commune esse ceteris eiusdem generis instrumentis. Concedimus id in formulis consuetis; at secus in alijs: ut hic perspicitur, dum principium hoc (ut conferendo intelligere poteris) improprie & inepte prorsus, utpote quod ad rem non spectet, impostor ille, quisquis fuerit, transtulit in recitatum priuilegium, Bonito, ut videri voluit, Abbati Cassinensi concessum, cui nullatenus aptari poterat, ut dici posset, instantibus id Regibus concessum, ut habet illud sancti Medardi, quod petentibus Francorum Regibus tributum fuisse diximus. Cum enim eo tempore summa rerum potiretur Mauritius Imperator: quibusnam instantibus Regibus potuit priuilegium esse concessum? certe non Longobardis, qui nequid Catholicæ erant, nec ibi regnabant, sed ut hostes Ecclesiam infestabant, Urbem ipsam obsidentes. Sic & inferius multa alia ex eo male desumpta inuenies, si conferas vtrumque.

Idem dicendum de ijs, quæ idem apposuit, aliquot ibidem subscribentium Episcoporum nominibus, quæ ex alijs publicis Actis auctor detegitur esse mutuatus, ut inferius demonstrabitur. Quin etiam (quod valde mirandum) ipsum quoque Consulatum & diem dati diplomatis accepisse cognoscitur ex alio priuilegio concessio Probo Abbati monasterij S. Andree, in cuius exordio ista leguntur: Anno Incarnationis Dominicæ sexcentesimo primo, eodemq. domno Maurilio vndecies Cõsule, sub tertio Nonarum Octobrium. ] sed & Indictio quarta, quæ inferius in ipsdem Actis ponitur, & ex ordine epistolarum eius Indictionis ostenditur, in-

*a Greg. Reg. lib. 12. c. 32.*

*b Greg. lib. 9. ep. 22.*

illud ipſum diploma tranſlata noſcitur; in quo tantum mutauit annos Chriſti in annos Imperatoris; errauit autem, vbi loco annorum ſalutis, decimumtertium poſuit annum Mauritij Imperatoris. nam is annus Imperatoris non Indictione quarta, ſed prima notatur, & non Conſulatus vndecimo anno, ſed duodecimo.

*a Pſal. 9.* Mutuatus etiam eſt ex iſdem Actis nomina quatuor Epiſcoporum ſubſcribentium; ſed plane accidit ſecundum illud Davidicum: <sup>a</sup> In operibus manuum ſuarum comprehenſus eſt peccator. ] ſiquidem ſubſcribentes facit Fortunatum Epiſcopum Neapolitanum, & Agnellum Epiſcopum Tarracinenſem, quos conſtat ante dictum annum Conſulatus Mauritij vndecimum, & quartam Indictionem eſſe deſunctos. etenim Fortunatum anno præcedenti, nempe Indictione tertia liquet eſſe mortuum: nam licet plures Gregorij epiſtolæ doceant cum ad Indictionem tertiam perueniſſe; ex alijs tamen eiſdem epiſtolis, eadem tertia Indictione poſtea datis, <sup>b</sup> in quibus de ſucceſſore ſubrogando agitur, iam illo ipſo anno mortuus oſtenditur. Sic & Agnellum Epiſcopum Tarracinenſem, ad quem datæ nonnullæ epiſtolæ S. Gregorij leguntur, ex epiſtola ab eodem Gregorio data Indictione ſecunda, eadem <sup>c</sup> ipſa Indictione deſunctum cognoviſcimus, cum de eadem eccleſia ſuo viduata paſtore, agat. vnde certum redditur, illum ante biennium diem obiiſſe, qui huic priuilegio ſubſcripſiſſe conſingitur. Vides ergo, Lector, cuius fidei ſit priuilegium, cui præter alia incongrua, etiam mortui Epiſcopi ſubſcripſiſſe inueniantur? Iſta fortasſe ſentiens, qui illud citauit & recitauit, antiquam lectionem conuellens, loco quartæ Indictionis, quartamdecimam ſuppoſuit, cum tamen nec lectione ſic detorta ſubſiſtere poſſit, quod anni Conſulatus Mauritij, cum annis Imperij ibidem poſitis nullo pacto conſentiant.

*d Pet. diac.* Quod autem, vt commenticium robores diploma, auctoritatem citas Petri diaconi, qui meminiffe huius priuilegij videatur, dum defendens iura Caſſinenſis cœnobij ſic ſcribit: <sup>d</sup> Caſſinenſi ergo cœnobio Romani Pontifices Gregorius Doct̃or, & alij c x i. idem permiſere iudicium, *ap Leon. Oſt.* & tulere decretum; vt deſuncto Abbate, ex ſua Congregatione Abbatem ſibi eligant ſecundum timorem Domini & Regulam S. Benedicti. ] At tantum abeſt, vt his Petri verbis probes illud diploma germanum eſſe, vt potius euidenter oſtendas, nequaquam eſſe poſſe Gregorij. Nam cum teſtetur Petrus S. Gregorij eſſe decretum, vt ex Congregatione ſua Abbatem eligant: in hoc falſo diplomate nequaquam id (quod maioris momenti eſſe videbatur) poſitum legitur, ſed illa tantum verba: Item conſtituimus, vt obeunte te Abbate ſupradicti monaſterij, non alius ordinetur ibi, niſi quem conſenſus monachorum ſecundum timorem Dei & Patris Benedicti Regulam ordinauerit. ] in quibus nulla ſit mentio de Abbate eligendo ex ipſa eiſdem loci Congregatione; qua potiffimum mentione Petrus ad conuincendum altercantem aduerſarium indigebat. Verum enimuero, quæ Petrus eo loco citat, ea ipſa ſunt, quæ in germano ſancti Gregorij omnibus monachis dato priuilegio ſcripta reperiuntur.

reperiuntur: illo, inquam, quod depromptum ex bibliotheca Vaticana legitimum Baronijs edidit in <sup>a</sup> Annalibus, in quo ista leguntur: Defuncto Abbate cuiusque Congregationis, non extraneus eligatur, nisi de eadem Congregatione, quam sibi propria voluntate concors Fratrum societas elegerit. Cum igitur citatum a Petro priuilegium non consentiat cum superius recitato abs te diplomate, quod illis maioris momenti careat verbis: plane conuincitur fuisse diuersum. Vides igitur, quam vere ad casum ipse potius impellas, quam sustentis quæ non subsistunt; cum ostendas magis illa esse falsa, quæ niteris vera monstrare? Sed licet hæc satis ad conuincendum falsitatis diploma, & plusquam satis esse noscantur: audi adhuc fortiora, quorum comparatione quæ sunt allata, quamtumlibet fortissima, debilia videri possint.

Quod enim datum dicitur priuilegium illud Bonito Cassinensi Abbati post incensum destructumq. cœnobium Cassinense, & in monasterium Lateranense iam translatos monachos: monstri simile videri debet, vt Bonitus Cassinensis Abbas, & non Lateranensis dicatur, & priuilegium non Lateranensi, quod extaret, sed Cassinensi, quod erat excisum, monasterio datum ponatur. Tu vero ad excusationem fingis, Bonitum ipsum, quoad vixit, Abbatem Cassinensem appellari maluisse quam Lateranensem. At cum (vt patet ex priuilegio) non Bonito tantum, sed eius quoque successoribus datum constet, Lateranensis certe cœnobij, cui successores Boniti præfuturi erant, iidemq. dicendi Lateranenses Abbates (vt vere dicti sunt) mentio aliqua facienda fuerat, vt priuilegio comprehensi & non exclusi iudicarentur. Etenim quis dicere viqueam possit, datum a sancto Gregorio Papa priuilegium Abbatibus Lateranensibus, sibi inuicem successoribus, & de Lateranensi cœnobio ab eo numquam in eo priuilegio habitam esse mentionem? non sic fatui erant, qui petebant, nec adeo insipiens, qui concedebat. Erat igitur tibi probandum, non Bonitum tantum dici (dum vixit) voluisse Cassinensem Abbatem, sed monasterium etiam Lateranense, Cassinense appellatum fuisse, & Bonito succedentes eiusdem monasterij Abbates, non Lateranenses, sed Cassinenses nominatos. sed nec id quidem satis: nam hoc ipsum in dicto priuilegio fuerat exprimendum ab ipso, qui dabat, Gregorio summo Pontifice.

Demum vero, vt moras præcidam, & te, Lectoremq. ab omni prorsus dubitatione liberem: irrefragabilem accipe de impostura manifestissima rationem. Quomodo potuit ista concessisse Bonito Abbati Cassinensi S. Gregorius, si ex tua, tuorumq. assertione longe ante dati notæ priuilegij, constat eundem Bonitum esse defunctum? Nam siue ponas (vt habet) decimotertio Mauritiij Imperatoris anno, qui est Redemptoris quingentesimus nonagesimus octauus, siue (vt in eodem legitur) anno vndecimo Consulatus eiusdem, qui est annus salutis quingentesimus nonagesimus septimus, siue quarta Indictione, qui est annus sexcentessimus primus: tamen ex tua etiam assertione ante datum dictum priuilegium liquet defunctum esse Bonitum, quem tu ipse asseris ex hac vita.

migrasse anno quingentesimo nonagesimoquinto. Ceterum adhuc longe ante abs te definitum tempus obitus Boniti, ipsum esse defunctum, ex vestra pariter sententia, necessaria demonstratione comprobamus. Nam si quo tempore scripsit sanctus Gregorius dialogorum libros, erat annus quartus eius Pontificatus, ut eius testimonio liquet, & tu ipse confiteris, isq. annus erat Redemptoris quingentesimus nonagesimustertius; atque eo tempore non solum Bonitus non erat superstes; sed neque successor eius Valentinianus, cui post Faustum in Maura

a Leo lib. 1.  
6.3.

Leo<sup>a</sup> Ostiensis ponit Theodorum successisse, quem a Bonito tertium Lateranensis cœnobij Abbatem Leo numerat, & tu minime inficiaris: Si, inquam, ante quartum annum Gregorij Pontificatus nec tertium Boniti successorem Theodorum qui multis annis monasterium Lateranense rexit, constat fuisse superstitem: quanto temporis intervallo ante Pontificatum sancti Gregorij oportuit defunctum esse Bonitum, cui a sancto Gregorio datum asseritur privilegium? Quæ omnia cum ex vestra de Abbatum temporibus assertione, ipsorumq. successione sint deprompta, quomodo poteritis confutare?

Ex his tu modo percipe, Lector, (ut hoc obiter tangam) quanto opere Bellottus cœcutiens erret, dum primum præfuisse monasterio Cassinensi Bonitum Abbatem asserit, b anno quingentesimo septuagesimo-octavo, quo excisum est a Longobardis; creatumq. anno (ut ait) quingentesimo sexagesimonono; quem & peruenisse vult vsque ad quartum annum Pontificatus sancti Gregorij. sunt enim hæc eius verba: d Post hunc Bonitus, qui vivebat eo tempore, quo Gregorius extremam manum imposuit dialogis, ut ex diplomate immunitatis ei concessæ constet. ] est is annus quingentesimus nonagesimustertius, ex quo inferius colligit, ipsum præfuisse Cassinensi primum, deinde Lateranensi, annos ferme viginti quatuor. sic omnia scilicet pro arbitrio concinnans, ut ostendat verum esse privilegium Gregorij, quod ipsi inscriptum est, donationemq. Gordiani, quam superius confutauimus, legitimam fuisse confirmet. Sed si ad illud tempus dialogorum scriptiois vult peruenisse Bonitum Abbatem: ubi locus Valentiniani, quem S. Gregorius longo tempore tradit præfuisse monasterio Lateranensi? Ubi locus Theodori? Quando, inquam, Valentinianus præesse potuit? quando Theodorus, si totum tempus illud vsque ad scriptioem dialogorum Bonitum occupasse fateamur? Intelligat igitur totum id quod de Bonito dicit, aduersari sancto Gregorio, aduersari Fausto, cuius sententia, si alius a Bonito tunc præerat monasterio Cassinensi: utique euanesceat, quod a vobis asseritur, Bonito illud a sancto Gregorio privilegium fuisse concessum.

Bonitum igitur, sub quo omnes affirmant dirutum fuisse a Longobardis Cassinense cœnobium, haud diu oportuit superuixisse in Lateranensi, ad quod translatus est, monasterio, post quæ eidem a sancto Gregorio longo tempore præfuisse dicantur Valentinianus, & post eum Simplicius, tertius Theodorus, quem (ait Faustus) prolixiori tempore eidem præse-

b pag. 170.  
p. 23. & pag.  
185. p. 18.  
c ead. pag. p.  
16.  
d pag. 163. p.  
23.  
e ead. pag. p.  
32.

præfectū fuisse, ita ut numerādo a Bonito Valentinianus dicatur secundus, Simplicius tertius, Theodorus quartus, qui (ut idem ait Faustus) post Valentinianum tertius præfuisse dicatur eidem monasterio Abbas. Quomodo ergo post hos potuit perseverasse Bonitus, qui defunctus eos habuit successores? Quod si etiam ab horum numero excludas Simplicium, remanet Valentinianus, quem ipse sanctus Gregorius affirmat longo tempore præfuisse monasterio Lateranensi; remanet Theodorus, quem prolixiori tempore eidem præfuisse, Faustus affirmat. Videtis igitur, quot argumentis, atque in primis, quam manifesta sancti Gregorii & Fausti assertione idem a vobis recitatum diploma privilegij apertissimè conuincatur imposturæ, & monstruosæ deformitatis & falsitatis.

Quibus detectis, non tantum N. compello, sed omnes reuerendos patres sanctæ Congregationis Cassinensis ingenuos professores, tanti patris sobolem honestissimam, sinceræ veritatis cupidissimam appello. e loco sancto, ut sanctior perseveret, euertere quicquillas istas, quæ munda reddunt immunda, & integerrimæ existimationi vestræ plurimum detrahunt. Exurgite vindices veritatis; zelus aliquorū non secundum scientiam per vos ad veritatis scientiam reuocetur. Ceterum quod ad sanctum Gregorium spectat, faciat invidia, exulet venenosa discordia, contentione istam charitas dirimat, ut idem Pater sanctissimus pastor omnium, totus vester, totus noster, totus omnium sit, nec minus totus omnium, & singulorum, quam totus vester, secundum quod dicit S. Apostolus: <sup>a</sup> Omnia vestra sunt, siue Pāulus, siue Apollo, siue <sup>a 1. Cor. 3.</sup> Cephas (addam secūre) siue Gregorius; vos autem Christi, Christus autem Dei. Ut sic Deus omnia existens in omnibus, sit ab omnibus semper benedictus in Benedicto & Gregorio & omnibus Sanctis semper. Amen.

F I N I S.





Regestum

A B C D E F G H I K L M N O P.

Omnia sunt folia integra.

---

R O M A E,  
Ex Typographia Vaticana. M D C I I I.

---

SVPERIORVM CONCESSIONE.